

成佛之道 序前開示—學佛法應有的基本概念

一九九五年 五月十日

仁俊法師于同淨蘭若

- 一．時通過未及現在，佛說三世明因果，革立創發策寢饋，計時升進徹開新。
- 二．空賅十方超際域，世間劃分立彼此，無相無主了無定，智觀達空空趣圓。
- 三．智質慈性忍化氣，氣化神暢情結解，處群德涵處獨力（振、融），量寬無極意無藏。  
智：1．不隨他轉 2．不為我唆 3．不與理隔 4．不為事惑
- 四．持心靜平制昧伏，聞慧增益法興昂，慧擇念攝思路展，鬱悶消豁三心現。  
（三心：1．直心 2．深心 3．大心）
- 五．身正語明意淳穩，虛默平實勤動靜，挺卓振荷貫安危，如法熏變自察奪。
- 六．三知（劣．愧．奮）省內頓驚改， 三作（福．善．緣）致已勤集備，  
 三用（受．作．效）日增離堵礙，  
 三安（變——不著）（苦——止漏業）（明——印決正法）置心不悔喪。

成佛之道—序

一九九五年 五月十二日

- 一．信缺智導陷盲從，不見理則為二惑。（1．外為神惑 2．內為我惑）
- 二．完整的把握體悟，精準的察治覺化。
- 三．統貫整體不偏缺，綱提目張攝機廣。
- 四．不隨他說差不多，久學深思多不差。
- 五．把握整體展識量，瞻視法海義興濃。
- 六．願瞻弘壯勵總持，廣探諸佛智藏寶。
- 七．面對空乏愧激發，力求充實補虛脫。
- 八．統條法義與法源，見佛本懷知普攝。
- 九．智勝承佛不承祖，根利依法不依人。
- 十．知鈍知次不好高，從根持行紮基固。
- 十一．直示由人成佛旨，深悟佛出人間義。
- 十二．全體佛教義豐廣，一心萬行志健毅。
- 十三．釋尊特重端正法，等護別解功用強。

五月十五日

- 十四．倡踐悲濟志行堅，勸慰激發中下士。  
（真知切行邁長程，浩蕩奮迅驗淨淳，時空無盡致二義，肯認「人成即佛成」。

(二義：1. 以時間盡義命 2. 學空間盡義務)

- 十五. 熏修十善勸直趣，入世資生行出世。(佛性藉人性練磨，人性觀佛性激提。)
- 十六. 厭離心重每離群，學智不廣悲不切。(厭能趣解而損悲，悲損捨生亦負佛。)
- 十七. 許二究竟泯輕裂，開天入佛破梵慢。
- 十八. 條貫淺深成次第，十善深化成圓化。
- 十九. 持正常道導方便，斥謬方便趣無上。(「正直捨方便，但趣無上道」)
- 二十. 佛道全貌圓顯示，策運三心勤學闡。(三心：1. 恒心 2. 淨心 3. 健心)
- 二十一. 承大師示探法藏，綜貫佛法瞻導師。
- 二十二. 修學佛法請注意：通貫整體發大心。

## 第一章 歸敬三寶

- 一. 知正行準勇銳進，耐透發足定成佛。
- 二. 徹底了知過去非，直斷因循入坦途。(行年五十，當知四十九年之非。)
- 三. 豐勝淨安妙無譬，歸向受用無窮盡。
- 四. 異生著有流三有，欲有二事常相困，上三長壽多墮苦，故佛先說有之患。
- 五. 生命無限無始終，不常不斷不忽視。
- 六. 常起懇切歸依心，利衰窮通能鎮持。

(1. 外得內失 2. 內得外失 3. 得失之間 4. 無得無失)

- 七. 古往今來萬象繪，滄桑歷歷皆眼前。
- 八. 察印事變增智解，磨鈍成利識見高。
- 九. 世間智慮深遠者，消弭共逼先倡公。
- 十. 見群不見己，自輕而自棄；見己不見群，厭眾而負眾。

五月十八日

- 十一. 理智發達汰野莽，人性現覺脫獸性。

- 一. 理智活力勤創發，事功燦備令歆羨。
- 二. 識不取相內廣淨，緣能悟幻外坦泰。
- 三. 能脫惑業悟無生，圓証大滅慧通具。
- 四. 法用充實無能礙，畢竟常淨善立破。
- 五. 微無不達破無知，妙能觀機隨樂說。
- 六. 絕真証印身心安，禍福苦樂泯憂喜。
- 七. 定則淨明共瞻效，障盡大寂絕言思。
- 八. 深發堅行久增進，決定成佛宜勤策。
- 九. 法性本來永如此，八正古今常不變。
- 十. 智導慈攝相和敬，安穩修學趣解脫。
- 十一. 在家勝解和合義，善處世俗示出世。
- 十二. 學聖成聖必慕聖，藉眾成己己成眾。
- 十三. 敬能化慢內安明，慢化敬足三寶現。
- 十四. 有生似熟凡如聖，有熟似生聖如凡。
- 十五. 在家深知和合義，倡揚三寶以自勵。
- 十六. 佛心平極同虛空，泯絕愛惡盡含容。

- 十七．圓証法性淨德具，相好莊嚴業用勝。
- 十八．不爲誑誘不受驚，能永安住能明進。
- 十九．實德必藉事相顯，覺警勸檢三業淨。
- 二十．皈依教誡勸護生，植培德行造祥和。
- 二十一．懇切憶念三寶現，久現成境得二安。（「我欲仁，斯仁至矣。」）
- 二十二．眾緣所成名爲己，莫執愛見之自我。

## 第二章 聞法趣入

- 二十三．世俗偏邪凡昧茫，佛示正法導入明。
- 二十四．知遮斷得皆由聞，是故切記勤正聞。

五月十九日

- 一．常持淨心恭敬聞，能息妄亂增解悟。
- 二．諦聽佛語會佛意，化世見諍融三對。（三對——對峙、對抗、對衝）
- 三．集棄分明成定性，善惡從此界劃清。
- 四．勤治身心不昧懈，直向正道越歧途。
- 五．依法起用能滅惡，發心致實必盡善。
- 六．沉注念專制泛浮，切入切持切憶念。
- 七．正聞轉見驚惑困，深思淨憶展足目。
- 八．愚凡無有不病時，知治服癒知施救。
- 九．功勝於過愈用功，治過愈猛不虛度。
- 十．『瑜伽師地論說』：「云何名爲善友性？謂八因緣故，應知一切種圓滿善友，何謂爲八？謂安住淨戒，具足多聞，能有所証，性多哀愍，心無厭倦，善能堪忍，無有怖畏，語具圓滿」。
- 十一．忘我學佛關心人，智導悲荷忍起行。
- 十二．大善知識示大道，令發大心作大人。（大心廓清雜染，大人不受他誑。）
- 十三．體踐的實不虛誑，自利利他能契準。
- 十四．眼正心虛動靜注，學人之長忘人短。
- 十五．不落八難行八正，精誠勵學趁良時。
- 十六．人身難得應惜時，操時學智智成光。
- 十七．愧激奮創人特能，意興壯挺面煥新。
- 十八．猛轉業行成法行，練就此志人禽分。
- 十九．操心振力聞疾呼，三自（1．自持 2．自練 3．自救）注念法成能。

五月二十二日

- 一．深發其心深化我，我化意決發莫奪。
- 二．樂極悲劇毀身心，樂極苦攢倏陳前。
- 三．滲透心神成宗趣，二常証印永服膺。
- 四．四大懸眉作鏡策，治脫味怠質概強。
- 五．五乘廣學基奠固，三乘共究大涵小。
- 六．一乘圓攝無蔽遺，諦察二無發無上。

- 七．佛重端正增上基，戒善持擴次建立。
- 八．踐次不越力學行，建固摧重抵最上。（初知便次策勤進，不擬不炫大成就。）
- 九．獨善解脫稱孤調，超勝凡小覺自他。
- 十．無微不攝故稱大，無德不致皆趣一。
- 十一．倖求高妙墮空脫，自許自誑自作孽。
- 十二．好高務遠誑自他，積大罪殃受劇苦。
- 十三．肯認廣學起大用，撇脫瑣陋展識量。（學：明辨事理、堅持宗旨。）
- 十四．正聞深思如法行，接待之間默細照。
- 十五．層層掃描不掠過，念念察注痛切治。
- 十六．整體佛法作學綱，循次而學綜持行。

### 第三章 五乘共法

- 十七．現見邪染增累患，奉持戒善奠教基。
- 十八．受報不戀求勝進，不貪現實向真實。（勝義、如實、法界等）
- 十九．深修慈行廣結緣，無有類量一體觀。
- 二十．排他獨尊起諍爭，禍亂相尋瞋暴慘。
- 二十一．二正深化即智慧，能作此人極希有。
- 二十二．堅持正見起正行，步健軌明蕩纏蔽。
- 二十三．不為逃命忘正命，風骨峻挺堪作範。
- 二十四．觀察人生重人身，練根就法法成根。

### 五月二十四日

- 一．佛法成性遺俗慮，愈老信願愈強挺。
- 二．藉物造能終有限，依法成力永無極。
- 三．正見之力力中最，正見充實超泛常。
- 四．執持正見驗道德，修己三業安眾生。
- 五．能伏三毒度三毒，苦學聖賢練質品。
- 六．細察心機必謹嚴，痛治惡行勤善行。
- 七．業必感報應堅信，肯認作受離邪斷。
- 八．握此正見起正行，斷惡行善必決毅。
- 九．日積小善成大善，日斷小惡無大惡。（心量從大處發，心思從小處用。）
- 十．志力堅淨積善功，功德深厚佛基固。
- 十一．猛止猛治猛到底，無惡不治無能縛。
- 十二．絕不怨饒自己惡，決定慰諒他人錯。
- 十三．粗猛惡業由身作，善於修身滅身惡。
- 十四．深知業報含義雜，不起慕悔更警勵。
- 十五．現報決定非宿命，奮勤振刷開新猷。
- 十六．貪如蠅為糖紙吸，貪火熾燬三共厭。
- 十七．深怨天道抱憾終，惱火熾盛旋苦輪。
- 十八．誇炫權力作禍福，嗾使世間興鬥諍。
- 十九．假使真具無上權，何不一一令復明？
- 二十．常以二正修二五，善用五欲堵五趣。

- 二十一．以淨明心廣作善，能消宿積增二善。
- 二十二．平日動靜專注善，善業成能化惡能。
- 二十三．業能深潛意識底，倏忽起用決升沉。
- 二十四．臨終憶善甚稀少，共倡悲願令憶善。
- 二十五．積善憶善久無間，屆時善念穩而猛。（穩由平時明，猛由無形持。）

五月二十六日

- 一．深知四不（不一，不異，不斷，不常）延續義，觀假緣生知善生。
- 二．証實業報前後續，革舊創新操諸己。
- 三．莊學倡說薪傳義，足証業命續無窮。
- 四．凡流昧二永墮染，聖還超二悟本淨。
- 五．剎那滅去非斷滅，喻如印壞即成文。
- 六．雜染未斷命潛在，是故相續趣輪迴。
- 七．時間間隔業相續，漏業未盡永如此。
- 八．知業如幻造淨業，淨勝染汰命轉機。
- 九．不及而必思作聖，志行上進眼界寬。
- 十．不信聖解不學解，續造漏業聚大苦。
- 十一．以聖作範警業正，正整三業會三印。
- 十二．細致精通堵漏缺，綿密貫注步念一。
- 十三．世聖識智常相雜，見不遍達行不純。
- 十四．「有識之身」汰我執，學智轉識識成智。
- 十五．淨信慧培出世種，勝出人天能開濟。
- 十六．肯定聖德勉己效，志行振正必清新。
- 十七．認識身心常多苦，滅苦先應制惑業。
- 十八．深信地獄決定有，覺持善業離獄業。
- 十九．頓驚愧沸透心底，必以法行轉業行。（永墮永升決此念，把緊此念奮此生。）
- 二十．食啖胎兒補己身，殘酷冷血不如畜！
- 二十一．見苦激悲立發心，願強行決証大覺。
- 二十二．愍拯現前饑渴者，冥施餓鬼冀脫苦。
- 二十三．三善能治三不善，修三學能生三善。
- 二十四．深慧能化深重惱，即知即消離相對。
- 二十五．千載難逢此佳境，一日千里爭瞬息。
- 二十六．人之特徵造力強，所作作向自決定。

五月二十九日

- 一．念頭警喜辨墮了，止作穀果升莫沉。
- 二．由人衍為天趣等，突破鬼本立人本。
- 三．肯決人本重人業，淨提人業歷次升。
- 四．堅持決心破鬼本，消除慮畏挽頹風。
- 五．鬼本造成陰暗面，急倡人本脫陰暗。
- 六．以美奪美破欲貪，顯示穢身不淨聚。

- 七．天趣雖樂爲三繫，定樂享盡墮流轉。
- 八．虛願永難獲樂果，善因感果警縱貪。
- 九．知二必盡不沮恣，振提身心直向上。
- 十．厭求積極志旺足，正見發力前途燦。
- 十一．念能操時能警時，作善及時時作善。
- 十二．善緣善網善氣貌，人脈相通法脈活。
- 十三．行善勤勵善成習，善習深廣薰佛性。
- 十四．天福雖勝難培福，福盡衰現憂惱重。（預警與倏墮）
- 十五．願力認定人價義，練創人身興豪昂。
- 十六．明修正業不求天，農圃作收証確鑿。
- 十七．必以三正作依準，不受他誑不求倖。
- 十八．久集智法光力足，結緣生緣福德廣。
- 十九．知歸依義不隨他，行法解悟永不墮。
- 二十．淨善持法法成器，妙法培根根發力。（妙法：無著大用）
- 二十一．願發願增願無間，一心常淨必見佛。
- 二十二．釋尊說法擇急需，即知即行即收效。
- 二十三．施能遠離慳貪纏，能弭鬥爭造祥和。
- 二十四．佛法重物戒戀佔，倡施倡公通有無。
- 二十五．永斷貧窮相互濟，闡揚人間利同享。
- 二十六．「慳藏不用」「或浪費」，兩極端行自取苦。（自挖（逼獻）自數（辱惱）爲財死。）

五月三十日

- 一．福果都從敬施來，既感福果憶施苦。
- 二．倡正欲求倡親施，二事等重肇和因。
- 三．自免貧苦濟眾苦，必藉福德廣行施。
- 四．知窘敬贈不待借，培大捨心擴無量。
- 五．能捨己樂予眾樂，眾力集合舉大事。
- 六．悲淳敬重相配應，相存相處無害惱。
- 七．施養敬田敬無間，體微注深馨無遺。
- 八．施能運持深悲敬，施受之間聲氣應。
- 九．克己極嚴不稍縱，二德堅牢自他安。
- 十．歷經考驗不破毀，濁世砥柱堪作範。
- 十一．深度他情嚴克己，斂制縱暴踐倫理。
- 十二．五戒基固修五乘，乘乘穩固層層上。
- 十三．常消恨怨深調柔，久行慈敬化殺機。
- 十四．厭絕苟得徹廉正，不義億萬視若塵。
- 十五．淫爲亂本覆家國，堅持奉爲教育本。
- 十六．不是言是如証果，妄冀利敬眩世俗。
- 十七．飲毀眾德必亡國，佛及古王俱飭誡。
- 十八．五戒都含護生意，日常悲願細切現。
- 十九．堅持上淨能上進，世出世德廣植奠。（發福時驚心顫膽，缺慧解責心愧佛。）

- 二十．一日夜戒出世基，虔誠受持習近住。
- 二十一．戒重身語各別解，善重三業廣利他。
- 二十二．慧明念正吐語切，感啓眾心造和樂。（1．唾沫消磨了時光，戲論盤弄著身心。 2．言為諍因能致惱，誑炫自我釀四惑。）
- 二十三．深憶常踐十善戒，內淨外端德行整。
- 二十四．圓具十善証圓覺，全仗因位妙行業。
- 二十五．不滿不倦集萬德，大捨大成大攝施。
- 二十六．能自淨意脫外惑，身心健明引慧悟。
- 二十七．心澄光潔安不動，善行誠厚德遍洽。（行道入軌不滑坡，行施捨欲久成習。）

六月二日

- 一．六欲交錯緊難解，綿亙三世故稱「纏」。
- 二．置心一處不雜緣，鎮沈明重常坦直。
- 三．慈養嘴臉化暴疏，戒淨其意增善德。
- 四．消融憾怨心臉溫，戒慈淨充隨意轉。
- 五．平日持心常專注，三化漸安漸能平。
- 六．物心太味痴蓋覆，人心太滑制掉沈。
- 七．二不猶在分別中，輕安知離大喜樂。
- 八．定慧不同宜嚴擇，不隨世見能趣解。
- 九．二正不亂名為禪，心能安靜不蒙昧。（警心持身解境困，約身照心住法安。）
- 十．定深慧味難見諦，經劫高巔醉驚墮。
- 十一．修四無量化二偏，展充無間化無上。
- 十二．緣眾得福常感眾，因眾成德傾己助。
- 十三．無量運心活用定，久用活徹觸處現。
- 十四．智必明察不受誑，悲須細護常制略。
- 十五．施感癡福非僅三，三多意滿亦為癡。
- 十六．菩薩特徵修三不，懇健旺足永不屈。
- 十七．戒幢善光久樹淨，人海導航向彼岸。
- 十八．深味定樂深厭世，遠離聞薰缺慧擇。
- 十九．深定凡外每自誤，本教開示學戒慧。
- 二十．不易不懼不疑輕，能耐能勵能堅毅。
- 二十一．深信願生把定決，二不現念成所期。
- 二十二．運心致誠勿糜費，作勝解觀廣供養。
- 二十三．痛切懺悔盡滌除，惡念頓萌當下懺。
- 二十四．積修悉迴捨慳護，作世界人倡大公。
- 二十五．自淨之本重意念，意淨不弛身語正。
- 二十六．未曾猛決痛懺除，縱逞貪痴多變悔。

六月五日

- 一．威伏自我諸魔根，德化眾生沒倦厭。
- 二．深念三寶伏三毒，三毒遠離三寶現。

- 三．三寶入念常作證，三業端整極堅健。
- 四．常效慈尊深化怨，慈觀三業三勝進。
- 五．多元思雜知無涯，智導慈慰持正法。

#### 第四章 三乘共法

- 六．三共佛出方揭示，俾別勝劣脫染縛。
- 七．慚隨正理增白法，制貪不縱敬二德。
- 八．愧修功德斥癡邪，厭棄劣法見罪怖。
- 九．知苦極厭脫三有，愍苦悲切度九眾。
- 十．佛智深廣透層底，見世真相決如此。
- 十一．人事現象諦審觀，三苦歷歷陳目前。
- 十二．出離意欲極堅強，不戀二樂超凡外。（無厭不成道，無願不成佛。）
- 十三．反省大驚節世樂，二道脫發淨悲智。
- 十四．一乘甚深殊難解，是故方便說為三。
- 十五．諦重智觀緣兼慈，智慈相應義行深。
- 十六．常隨佛學聞二教，厭畏三界急求寂。（教誡、教授）
- 十七．廣攝眾根故說五，佛意特重於三乘。
- 十八．調伏三業修四念，三業正攝能獲脫。
- 十九．智察欲苦倡正因，不縱不戕學淨穩。
- 二十．享受豐裕不貪逸，二施作則利社國。
- 二十一．不耽身心不兩極，深悟集滅超輪迴。
- 二十二．肯定出為三乘共，修菩薩行能淨愍。（1．沈得透 2．治得決 3．見得明  
4．擇得精 5．藏得豐 6．用得靈 7．做得穩 8．住得久）
- 二十三．集體郊住勤修化，智察慈踐益自他。
- 二十四．修貴伏惱離惱住，一切時處重心安。

六月七日

- 一．三乘共學斷疑畏，大乘特重練忍進。
- 二．有信無智易變毀，不知果報隨他轉。
- 三．有智無信起狂縱，妄求利敬招咎墮。
- 四．信切堅誠守本分，智擇精奧揭本質。
- 五．發大若昧出離要，厭淺情重仍泛常。
- 六．二者對立引諍毀，智謙信敬相微摩。
- 七．常行普敬消狂恃，奉事三根學三覺。
- 八．真知實用感急需，甚於饑渴求食飲。
- 九．信一活用假我發力，智一巧破真我化性。
- 十．信順智察確如此，肯認苦集行道滅。
- 十一．滅為凡聖之關鍵，大小之滅極懸殊。
- 十二．1．法聚化情緒—自結自解 2．智活導情感—自化自通 3．行正增情操—自致自覺。
- 十三．推求致極見苦源；二苦相生有定律。
- 十四．十二緣起含二義：理論體系理軌則。（此有故彼有，此生故彼生，此無故彼



無，此滅故彼滅。)

- 十五．深知苦源求徹變，不增己苦解他苦。
- 十六．四諦：開示現生最現實的情況與解悟。
- 十七．緣起：詳敘過未最深微的遮蔽與徹脫。
- 十八．五六兼修諦與緣，足證其實大乘道。
- 十九．知苦斷集超凡外，踐道悟滅無著修。
- 二十．爲色等滅故修學，知色等如學重證。(不戀而善用，知厭不敢逸。)
- 二十一．集之別譯名曰「習」，久習不覺猛頓轉。
- 二十二．有苦無諦苦無盡，有苦有諦能盡苦。
- 二十三．不但菩薩深畏因，二乘急脫更劇畏；凡愚念起墮二迴，勤察切知深治絕。
- 二十四．諦能無疑止作決，通達聖域住究竟。
- 二十五．佛法倡知重知苦，知苦斷集堵苦源。(樂中釀苦故二厭，忍苦迴樂運大悲。)

六月九日

- 一．自他皆苦常相惑，自脫三染救他苦。(樂不縱心，苦不壓心)
- 二．苦由五蘊所招聚，不怨人天自求脫。
- 三．二乘脫苦不累他，大乘忍苦能度他。
- 四．三乘道共知苦先，昧乎此者背正法。
- 五．體解蘊義即知緣，知緣化一離礙取。(“一”：一合相)
- 六．知色變礙不戀身，立身行道遣三謬。(長生、永生、仙)
- 七．藉物生力力發業，業能滲意善惡潛。(1．物盡其用 2．心盡其能 3．身盡其力 4．法盡其德)
- 八．受境不化三毒根，即受即消內展舒。(樂受——貪根，苦受——瞋根，不苦不樂受——癡根。)
- 九．想能取像成表象，緣善影像成善表。
- 十．對境起行業決定，禍福昇墮由此引。
- 十一．深細反省諸欲作，汰脫欲私學無作。
- 十二．識別前三識種種(有漏、有爲)，防識起取智導識。
- 十三．欲界眾生具五蘊，善調善用成諸善。
- 十四．知五所成非是我，日常察治好過活。
- 十五．知蘊成身屬惱取，警已伏惱不增苦。
- 十六．凡識住四爲四縛，轉識觀四(四念處)解四縛。
- 十七．愛莫過己諸苦本，識不取我漸脫苦。
- 十八．學必徹知二住過，獻物獻身永恒獻。
- 十九．鎖定漏身大苦聚，不縱身心堵漏染。
- 二十．徹底打開沒遮蔽，整個說明新導向。
- 二十一．根能發識識依根，根主識從誠護根。
- 二十二．根見識別人勝物，善用根識人超物。
- 二十三．身心等重說六根，明察三理(物理、生理、心理)制三不(戀、縱、昧)。
- 二十四．執境爲真迫切需，鬥戰殺奪景象慘。

六月十二日

- 一．觀蘊破我觀根等，觀界依二破物成。
- 二．識之特性能了取，從取起行招後有。
- 三．破此癡幻知三得，從緣所生斥二謬。
- 四．智觀通體皆破漏，整個對治徹翻身。
- 五．出世破遣靈我神，觀業觀緣法生滅。
- 六．惱造惱引當下誠，轉鈍爲利從此始。
- 七．惱感苦果驗當前，絲毫不爽推未來。
- 八．二業潛能天眼見，作業不亡成因果。
- 九．無表藉物起特能，身語起業應慎重。
- 十．欲界人間人特徵：作善極誠作惡猛。
- 十一．佛倡人本立十界，從凡入聖界劃明。
- 十二．滅有三類宜分曉，生滅斷滅及寂滅。
- 十三．法從緣生雖曰空，緣所作業相對實。
- 十四．意無粘著無慮顧，淡捨決毅息爭競。
- 十五．斷惑直了樹淨範，不縱能度傲健者。
- 十六．嚴防自內壞分子，不外受等及四住。
- 十七．活在惱中知起治，治絕必藉出世觀。
- 十八．慢通二惱過患重，猛抑遍修溫良謙。
- 十九．三惑硬軟隱或顯，防顯絕隱能動出。
- 二十．察隱深知顯之由，深驗當前能惕止。
- 二十一．警顯直堵隱之釀，深觀入微默化融。
- 二十二．二無真實遍時空，昧蠢現前各逞見。
- 二十三．深知難治深學智，勤察三印治四倒（1．無常計常 2．無樂計樂 3．不淨計淨 4．非我計我）。
- 二十四．瞋如彈爆倆面前，頓時俱傷結怨報。

六月十四日

- 一．珍惜往緣仍續培，廣大善根忍奠基。（良田吸水肥，上金耐火鍊。）
- 二．大驚瞋暴極凶惡，柔注念頭慈涵臉。
- 三．深戀自我貫三世，情變情絕愛轉瞋。（1．境界愛 2．自体愛 3．後有愛）
- 四．凡夫本質兩極端，故佛針對泯憎愛。
- 五．性烈愧沸立剽貪，量寬忍涵默息瞋。
- 六．智明遍察深化癡，盡斷三毒成三覺。
- 七．人類具三能學三，以三治三惟人能。
- 八．四惑內在凡難察，細切省斥離蠱惑。
- 九．貪重二我愛自戀，愛患深廣遍三界。
- 十．見不著識則知正，愛不戀身則行淨。
- 十一．視人勝己深存敬，平易勤懇抑自尊。
- 十二．癡爲總根貪爲首，學智行捨治此二。
- 十三．煩惱無數總括四，三毒爲本餘流類。
- 十四．解脫特重斷現愛，愛斷取盡無罣礙。
- 十五．無明久遠二我纏，嚴治二我伏無明。
- 十六．身心著物物毀命，心物交困智者憐。

- 十七．無明謬狂恣邪見，貪愛困吸增染行。
- 十八．惟緣無我觀成熟，日常溫寬非常安。
- 十九．防我作崇甚防火，以智監我化我累。
- 二十．時重現實及個己，力倡前瞻投群眾。
- 二十一．情染則大苦必聚，見取則眾惱必增。
- 二十二．享福太過自摧死，節限口體增二能（体能，心能）。
- 二十三．心不著物弭鬥爭，智善用物增福嚴。
- 二十四．雜染業系墮有漏，純淨法系越無漏。
- 二十五．點明現實破迷倒，現在苦由前惑感。
- 二十六．審知現苦由前惑，畏堵苦因不續苦。
- 二十七．導趣究竟安穩界，未來証滅藉現修。
- 二十八．開示未來由現在，欣求無為斷繫戀。

## 六月十六日

- 一．佛所說生初凝始，禁墮節育宜兼倡。
- 二．苦集相生世莫了，故佛特倡出世滅。
- 三．知緣即集斷二根，二根之根亟斂約。
- 四．深畏因緣深轉緣，汰染創淨善倡禱。
- 五．緣起泯絕貴賤別，斷集證滅解脫等。
- 六．緣起給世新希望，迷覺縛脫智有無。
- 七．時間上連得起來，不斷不常無有始。
- 八．空間上做得開去，能捨能荷必有為。
- 九．直說愛取感生死，示從現實猛回頭。（緣破元（原）因及常性，正視緣起不隨緣，緣起正見盡該攝，大小染淨通暢演。）
- 十．識由惑業續接生，蕩絕邪倒知緣起。
- 十一．時醒時昏時顛倒，警醒制昏漸離倒。
- 十二．不一不異相續連，異類而生業幻化。
- 十三．無明潛蠢愛起行，識入母胎相續生。
- 十四．謬知染行相結合，有漏之生又出現。
- 十五．詳說身心從漏生，誠喻吾人脫耽困。
- 十六．學佛先須知入出，能制惑業增慧解。
- 十七．有漏愛行思發動，思惑纏裹夢魂牽。
- 十八．簡說三事廣十二，示知業緣盡汗濁。
- 十九．深信業謝成潛能，起念作業必審慎。
- 二十．肯認生命從二來，不縱不戕力拗二。（1．愚癡的生死 2．理性的生活 3．健全的生命）
- 二十一．佛說漏命往來者，『識去後世續』接生。
- 二十二．阿陀那含二種義：執持業種及根身。
- 二十三．識為名色之依緣，破斥我為流轉體。
- 二十四．觸為繫縛解脫關，跳脫此關凡學聖。
- 二十五．觸境執取增惑業，生死海中頭出沒。（「羝羊觸藩」——進退兩難。）
- 二十六．智護根門意堅淨，透脫染緣不入流。

六月十九日

- 一．直接投入深味著，昧迷縱逸馬脫韉。
- 二．善觀三受厭五累，捨前汰後溯上流。（五累：苦、樂、憂、喜、捨）
- 三．二正常現心目間，雖享欲樂不胡濫。
- 四．長浴愛河淪苦海，世愚莫察苦增苦。
- 五．觸受鼓蕩情躍奔，撲火飲鴆自殘毀。
- 六．永恒操攬鐵般意，併蓋一切盡屬己。
- 七．自我膨脹恣掩蓋，因諍起爭禍疊連。
- 八．戒取亦名戒盜縛，所求背理自討苦。
- 九．因愛起取困扼己，如囚戴枷更酷鞠。
- 十．凡俗動力愛取唆，業化爲能招後有。
- 十一．『復次，大慧！愚夫有三相續：謂貪瞋癡及愛，未來世有喜具，以此相續，故有趣相續』（貪狹愛廣之証）（錄自楞伽經卷三）。
- 十二．愛爲取緣取感有，深觀愛患不墮世。
- 十三．大驚二續洄苦海，向上瞻傲探頭面。
- 十四．三乘共學了生死，昧此隨俗苦哭苦。
- 十五．喜笑悲哭生死相，終古長夜可憐見。
- 十六．滅除之始制自愛，透脫身心直印法。
- 十七．一切涅槃都不共，盡絕思議契淨圓。
- 十八．增享物樂戀現實，修練長生自我困。
- 十九．生滅定律永如是，三界大師趣涅槃。
- 二十．癡是內迷愛外染，深修二觀能伏除。
- 二十一．深察嚴防堵細微，持直履平兢顛覆。
- 二十二．眞知決定不受蔽，淨行透脫了無遺。
- 二十三．盡脫虛誑永無執，一切時處大安穩。
- 二十四．智察現前伏癡愛，雖未証滅已先安。
- 二十五．絕不受染極清淨，眞善德行畢豁露。
- 二十六．解脫惱縛入寂默，觸處澄廓極寧恬。

六月二十一日

- 一．漏染之樂驚大苦，善節巧轉練根機。
- 二．不治則順流而下，對治必逆流而上。
- 三．修須先決學道諦，心淨目正足挺拔。
- 四．一觸即轉策上進，久習漸離耐練磨。
- 五．發動活靈勤續駛，幻迷光影直凌越。
- 六．三乘宗趣同歸一，同盡惑業入解脫。
- 七．虛妄法相世俗惑，法性清淨能脫惑。
- 八．學重信解與行證，不誤不累不困迷。
- 九．學戒二明學定澄，學慧離相得解脫。
- 十．不偏不滯不倒僻，捨舊趣新知循次。
- 十一．積持施爲增樂欲，鼓提奮勉不折回。
- 十二．佛法本質一言蔽，貫徹始終惟八正。

- 十三．精純不雜汰邪謬，誠滿誠倦求圓正。
- 十四．踐持八正行六度，道正德圓握要旨。
- 十五．平治內外離倒逸，正直自循入清涼。
- 十六．新舊分野不共世，徹轉具創品德立。
- 十七．自淨其意調淨度，處獨處群知攝住。
- 十八．返邪投正獲救護，新生善生學圓生。
- 十九．闡事省身身能正，揭理啓心心能安。
- 二十．深信三寶離二三，勝解四諦治四倒。
- 二十一．信心能淨所信現，所信常現所行正。
- 二十二．惡止善行性決定，戒體清淨名得戒。
- 二十三．心淨起願願堅重，願抗情邪眾德生。
- 二十四．等護三業慎細微，盡斂浮率及無記。
- 二十五．精嚴淨治獲清涼，惱悔消散定慧生。
- 二十六．內淨如鏡照身語，內能自淨外亦淨。
- 二十七．內心清淨正趣穩，直入諦寶之聖門。
- 二十八．三乘共學重厭出，出世念強堵漏轉。

六月二十三日

- 一．五戒深淨解脫本，亦為成佛之基因。
- 二．少欲專心法易明，知足克己品自堅。（中下的物質生活，中上的人格水準，上上的德品軌標，一切時處三貫聯。）
- 三．最淡最真最輕便，不藏不佔不貽患。
- 四．視財如塵視食子，不持不許內宿煮。
- 五．世俗情愛經濟私，流轉鬥爭之導因。
- 六．遠離二行習三學，治絕三毒入三門。
- 七．勤勇上進三自勉，完整操持樹軌標。
- 八．不著五欲觀二無，內外澹淨契寂默。
- 九．六法不離於五戒，精持牢固練定性。「若入於三昧，女性復何為。」
- 十．戒為堅平之路軌，定慧依之而澄達。
- 十一．三欲相纏三毒增，戒淨慧明能治絕。（三欲：1．人欲 2．物欲 3．經濟欲）
- 十二．能持勝戒成勝行，受人天供不愧對。
- 十三．淨持具戒成法器，人格完整練佛格。
- 十四．出家受具茲事大，染淨劃界習圓淨。
- 十五．頓轉直修二難事，畢竟趣新不回舊。（難行能行，難忍能忍）
- 十六．護戒之心甚護命，品堅德淨續慧命。
- 十七．戒如寶珠光淨燦，無盡法寶由戒生。
- 十八．披得袈裟愧如沸，弗作獅蟲斷種人。
- 十九．不為他勝能勝他，高樹戒幢戒香流。
- 二十．精誠樸默內持照，藏德懺過佛教誠。
- 二十一．佛法大海不容屍，三業澄清眾學樣。
- 二十二．懺悔能令重減輕，因果昭彰莫可避。

- 二十三．痛懺懇切徹回頭，法水智光滌照淨。  
 二十四．懺脫內疚頓暢安，勤誠修爲育聖質。  
 二十五．得大安樂戒慧增，四種分明起勝用。（1．善惡分明 2．染淨分明 3．上下分明 4．新舊分明）  
 二十六．防患未然淨意地，貫注四事警六根。  
 二十七．明辨明持知得真，久練久驗做得決。  
 二十八．戒能斷邪定離欲，外正內淨人天欽。

六月二十六日

- 一．安則不受內惱障，住則脫離外惑誘。
- 二．與理相應脫誤導，作事必正糾他邪。
- 三．諸善根柢從戒生，以戒作證善根固。
- 四．動靜明整不昧亂，心淨形正能操察。
- 五．律旨淨意遮漏惱，善應能令僧俗重。
- 六．逸亂欲勢致毀摧，避絕不獻及通使。
- 七．細無不謹獨處明，大無不正群處和。
- 八．事每忽微釀鉅禍，佛警積小破重戒。
- 九．四威儀中勤測省，嚴調細治無漏遺。
- 十．人之心識內外取，能取所取顛倒轉。
- 十一．日常六根莫小視，縛脫迷悟操諸彼。
- 十二．見聞等中取諸相，所取愈多爲相縛。
- 十三．隨情如小兒玩水，隨法如見佛迎聖。
- 十四．癡隨六根智轉六，警覺成性自發力。
- 十五．把佛法化爲力量，身心明正質品堅。把世法視爲緣幻，色聲清淨根門健。
- 十六．自修不離於二正，存驗說行悉歸正。
- 十七．功德點滴久積多，日常致用似解脫。
- 十八．貪圖口感其志小，法味濃醇食欲淡。
- 十九．克己必嚴行少欲，助人不吝展大心。
- 二十．物用具足法用缺，外困內惱自戕害。
- 二十一．三業專誠不怠荒，志行穩牢久習應。
- 二十二．善念不間貫二六，明心不昧持三業。
- 二十三．深念佛法能化二（1．無記 2．無明），念僧量大倡公明。
- 二十四．修學之本淨念續，淨續則能伏二無。
- 二十五．善於睡眠神志清，氣貌朗爽語義正。
- 二十六．強調睡須八小時，唐喪時光損智力。
- 二十七．聞辨真俗思擇定，修依定力轉二不（不易緣，不易解）。

六月二十八日

- 一．修學要訣須記取：正知三業應三學。
- 二．正知成習不失念，念力淨充圓悟因。
- 三．不昧理性忽事相，深細檢察少疏誤。
- 四．於物知足息逐求，恬澹勤究智無厭。

- 五．諦持理則察心境，不著事相不謗緣。
- 六．不忘本分自勤進，不爲物累不耗力。
- 七．十論盡是世情見，徒增雜話遮正道。
- 八．法義深廣法味濃，專學精擇起妙用。
- 九．念切志堅心能攝，集施法寶成人寶。
- 十．遠離即是不染著，一心安住察深義。「空相應有二種，一者但空，二者不但空，行但空入聲聞辟支佛地，行不可得空，空亦不可得，則無有墮處」。
- 十一．福緣感致安樂境，務須善用植三事。
- 十二．安靜中體會深切，動亂中操持自如。
- 十三．出世能探大頭面，高瞻遠矚胸懷曠。
- 十四．捨卻彼此不受染，証實不變永自在。
- 十五．修行必須常猛省，萬劫昇墮繫一念。
- 十六．淨進廣察勝妙義，念念醒悟處處明。
- 十七．戒爲內淨外正基，淨正成性人中範。
- 十八．擺脫困陷力上進，中間不滯達究竟。
- 十九．沒有鬱悶內寧怡，持續暢喜外舒泰。
- 二十．身心安穩光明淨，知欲過患深厭棄。
- 二十一．熬透時間練志性，撐得空間鍛骨力。
- 二十二．二六時中能明安，三頭之上破障畏。(1.念頭 2.緣頭 3.關頭)
- 二十三．深知戒義勤淨行，嚴防定障能修定。
- 二十四．味著邪定亦是欲，招惹魔邪困身心。
- 二十五．不離五欲及不善，譬如蒸沙不成飯。
- 二十六．色界善法性梵淨，遠離欲縛之染樂。
- 二十七．盛讚雙修勝妙樂，荒謬乖悖地獄種。
- 二十八．戀身縱欲更戕身，妄識逸倒缺智觀。

六月三十日

- 一．愛必以敬常相勉，能興家道少累患。
- 二．欲界六欲人最強，新笑舊哭憾無盡。
- 三．欲界人類五特重，覆蓋身心障悟真。
- 四．淨妙五欲艷幻誑，如光燄熾蛾撲焚。
- 五．世俗盤迴心忐忑，每爲誑惑遭困吸。
- 六．絕不失望不消沈，以智決斷作前導。
- 七．濃艷於花共羨求，鍍皮之光借來美。
- 八．諸行無我法生滅，二無幻合斷疑根。
- 九．西諺「美只一層皮」，此語啓迪宜深思。
- 十．持心專注不散逸，正念淨續易入定。
- 十一．加界分別成三度，了脫生死仗此三。
- 十二．行須先入甘露門，歷次昇進悟勝妙。
- 十三．正常依止不空洞，不墮幻覺及昏掉。
- 十四．大體了解透相蔽，本質抉擇知如寶。
- 十五．七眾攝心所緣相，不外二門及五停。
- 十六．智力的改變勝利，心量的開豁發達。

- 十七．微知世法必漏墮，羨仰勝妙求出世。
- 十八．三業善良性柔順，三毒漸斷心光正。
- 十九．盡棄欲惡功德聚，思惟所緣心澄平。

七月五日

- 二十．悟入諸法之實相，不著不住能了達。
- 二十一．濁亂心如風中浪，騰湧倒想歎無奈。（攝心猶如清泓泉，影像顯現常明穩。）
- 二十二．警凡愧聖上進本，恥凡慕聖解脫基。
- 二十三．真理之本三法印，世出世間之實相。
- 二十四．世無與比故稱聖，不起惑業證空性。
- 二十五．遠離諸相見實相，能斷能淨能圓寂。
- 二十六．悟真入滅大事辦，究竟安全無恐怖。
- 二十七．智慧光水照濾清，能導能涵能巧度。
- 二十八．八正居首三六後，十波羅蜜智慧貫。
  - 一．正離邪偏契中道，如遍三世不變異。
  - 二．學必擇法佛宗本，解世智縛破眾謬。
  - 三．法捨法行不疑悔，投入道軌乘載穩。
  - 四．諦思現在比知過，不續未來截惑流。
  - 五．僅止神造及世正，不脫生死更解深。
  - 六．緣起甚深不共世，惟佛徹悟其底極。
  - 七．緣起超越於人天，世智淺薄未夢及。
  - 八．察眾生死有序列，必然普遍永如是。
  - 九．悟共理性堅信解，不隨俗見隨佛示。
  - 十．還須悟入更甚深，知曉法則超緣起。
  - 十一．瞭解事序悟法則，悟入法則不隨緣。
  - 十二．事物莫不從緣起，緣起無性為本性。
  - 十三．追求「到底」透世障，遣除諸見明佛法。
  - 十四．不求甚解解不徹，二障（事、理）纏蔽喪慧眼。
  - 十五．聞思致力求勝解，深耐漸通趣正悟。
  - 十六．現起即存在一因，存在即現起一果。
  - 十七．肯認存在必現起，八深自驗知見明：1．深信 2．深念 3．深察 4．深治 5．深消 6．深明 7．深安 8．深入。
  - 十八．展轉相依環無端，無始無終緣本寂。
  - 十九．二存二現立因果，果著因微世難知。
  - 二十．世間因果非二有，因緣輾轉悟合散。（知非自有不失少，知非永有不慳貪。）
  - 二十一．因緣生果無自性，盡破庸俗執性生。
  - 二十二．略攝因果為四類，間、自、性生及無性（生）。
  - 二十三．緣起因果示二無，深悟二無行無著。
  - 二十四．俗常昧於緣起者，無視潛能之現起。
  - 二十五．無常昭著察內外，有聲無聲盡啓示。
  - 二十六．誤解安定為常住，忽視滅後為無有。



七月六日

- 一．石火電光峰瀑瀉，即生即滅即住異。
- 二．現象生滅一有存在，惑業寂滅一空涅槃。
- 三．點示自身本無常，不爲自我所作害。
- 四．大得膨脹蓋一切，小得縮減全毀了。
- 五．俱生我執眾生共，分別我執妄推究。
- 六．妄執自我迷悟本，佛說無我法生滅。
- 七．因果現象存與生，不斷不常惑相續。
- 八．常思流變相依待，不能常獨我何在？
- 九．常作色等四聯觀，証入四諦離二取。
- 十．直攻要害急脫苦，不貪現實不續後。
- 十一．視假爲真苦追求，相求相爭苦惱興。
- 十二．不執自我消內惱，能捨財物息外怨。
- 十三．命物種種悉浮虛，病變異滅無一常。
- 十四．藉眾因緣構合成，如屋如車如軍林。
- 十五．存在必現深體思，不撥不著二不爽。
- 十六．假無實體眾緣合，生滅幻化因果彰。
- 十七．了知身心綜活動，我命作受不可得。
- 十八．內不實故方能生，是故生已必盡滅。
- 十九．勝義境中畢竟空，世俗諦中緣起有。
- 二十．綜合方見非自見，智觀深徹化獨實。
- 二十一．生滅相對生必滅，滅已無實無所至。
- 二十二．悟勝義空立緣有，緣生遣性空相應。
- 二十三．緣幻所生無常我，二相合續苦輪轉。
- 二十四．徹換知見悟二無，三染流轉截惑斷。
- 二十五．昧緣生死悟緣覺，覺徹不墮俗數法。
- 二十六．依緣存生必都變，無我智察能歸滅。
- 二十七．即滅之滅非真滅，癡覆愛繫苦相續。
- 二十八．緣起假名本無實，化除實我悟法空。

七月十日

- 一．阿含明示諸法空，故若取法必致罪。（法本無實無可取，故般若經廣明空。）
- 二．生法從緣不從性，假名假生永無實。
- 三．取著假名視爲真，執真相惱自他苦。
- 四．了無真生不狂喜，亦無實滅離劇怖。
- 五．面對如幻勤察析，解空不著透有脫。
- 六．五蘊等法盡假名，知假即幻空無我。
- 七．如布蒙眼入稠林，如獸貪肉墮陷阱。
- 八．因福暫貴妄自尊，本不淨妙被誘縛。
- 九．淨善不受有漏報，雜善著欲迴六道。
- 十．深知煩惱緣起滅，三不對治心寂靜。
- 十一．日常覺警伏我慢，語貌平易意柔順。

## 七月十二日

- 十二．一切佛法所歸趣，無餘無上大涅槃。
- 十三．有爲無爲悉無性，示悟緣起入空淨。
- 十四．三世緣起癡爲先——永恒的事理偏執。
- 十五．二世緣起愛居首——現實的自我中心。
- 十六．癡蓋緣起昧假名，不悟性空業果續。
- 十七．不執癡邪不妄作，知緣知空法本滅。
- 十八．日常念頭注緣起，體解性空遣性我。
- 十九．徹——世智莫能解，密——義深無與比。
- 二十．若知緣起空相應，悟入空寂不續延。
- 二十一．智破痴等一切障，超越相對畢竟滅。
- 二十二．超頂透底脫中邊，豁開一切大解脫。
- 二十三．了無一法梗心念，現未無惱亦無屬。
- 二十四．命根緣生本無實，故解脫者不復起。「般若如大火聚，四邊不可觸。」
- 二十五．由二對立釀苦惱，消融相對悟不二。
- 二十六．超越緣起入無生，入絕對界二永無。
- 二十七．深知緣起中道義，拗轉緣起証中道。
- 二十八．眾生自體非有無，迷隨緣起覺超緣。

## 七月十四日

- 一．牢記佛法人爲本，人能起見能覺緣。
- 二．緣起生滅之開示，否定自我流轉執。
- 三．邊執特重邪外人，佛倡中道善誘之。
- 四．眾生取相昧緣起，如鹿逐箭兒吹泡。
- 五．証梵行者了本寂，不著即異泯然清。
- 六．此有彼有不墮斷，此無彼無不執常。
- 七．說中永不離緣起，悟緣化見慧命本。
- 八．知世間集不著無（不昧因緣），知世間滅不執有（能了因緣）。
- 九．因緣而起如病菌，依緣而滅如醫藥。
- 十．依勝義諦悟性空，証印緣起離諸相。
- 十一．阿含詮示法實相，二大論典依作則。（人之特徵與大幸，正觀緣起知集滅。）
- 十二．著有貪縱現致殃，著無痴斷後墮苦。
- 十三．透脫二邊都不著，深入實相不可量。
- 十四．整體佛法大宗趣，學行攝持觀緣起。
- 十五．正視緣起離有無，不起二見大明安。
- 十六．世間三怕著我愛，故與涅槃永相隔。
- 十七．依緣而有非實有，非實有滅有何怖。
- 十八．世間集起假宛然，假生相對非實無。
- 十九．了解緣起「此故彼」，死不了事警奮修。
- 二十．深悟緣起之二無，得解脫時非實我。
- 二十一．知無實我破本體，勝解緣無得無著。

- 二十二．觀緣則能離二見，離見証中超緣縛。
- 二十三．甚深般若與中道，大耐大柔大深入。
- 二十四．佛子善知於六（八）不，堪破無明得解脫。
- 二十五．修學之本解緣起，解脫之因肇於此。
- 二十六．深觀緣起破四生，一切莫不從緣生。
- 二十七．佛悟緣起說四諦，直從生染示集致。
- 二十八．論因說因釋尊示，知因起滅滅因脫。

七月十七日

- 一．相對不偏示此彼，生由此彼滅亦然。
- 二．四諦亦復明因果，示重因果誠斷滅。
- 三．念頭因果常察警，漸脫苦迫之人生。
- 四．久遠的覺照徹知，現實的點轉明豁。
- 五．澄徹汰脫無遺隱，光光寂寂極安平。
- 六．証入次第極明切，所証義境現於心。
- 七．心識各別之性能，察別所緣之境相。
- 八．說因廣破諸外道，說果能啓眾厭欣。
- 九．緣起豎說貫三世，點出煩惱之總根。
- 十．四諦橫分先說果，特強愛患斷後有。
- 十一．的証諸法真實理，開示展轉入眾生。
- 十二．正法力強越險阻，碾破趣進達彼岸。
- 十三．愛取爲因感後有，感生老死純苦聚。
- 十四．凡俗戀世爲苦困，示發厭心向解脫。
- 十五．証滅脫漏超束縛，修道汰見入中行。
- 十六．思想枷鎖物欲鏽，一起掙脫探頭面。
- 十七．不忽不忘不猶豫，必忍必進必不退。
- 十八．知正行淨証究極，正見位居八正首。
- 十九．洞照事理破知障，圓明無礙大解脫。
- 二十．佛覺眾生亦能覺，同趣解脫倡平等。
- 二十一．信——心淨不受污，解——見正能解困。
- 二十二．修——彌補諸漏缺，行——直進恒不滯。
- 二十三．習應深法破魔外，勘絕自性離我法。
- 二十四．憶切入念深知苦；探苦溯源肇自集：
- 二十五．驚集致殃消惟滅；証滅必須勤修道。
- 二十六．四諦統貫世出世，因果相關勤治修。
- 二十七．耐心鎮性莫盪浮，驗身察境須深確。
- 二十八．正知來自勤勇學，正行肇於堅貞持。（勤——有恒的上進，勇——無怯的承續。）

七月二十一日

- 一．事理契應無毫差，循此修學必見諦。
- 二．均衡契會本如是，一得永得畢竟脫。

- 三．一心見道相十六，有部見道十五心。
- 四．深觀空相無二別，一時頓見得解脫。
- 五．聞思修三勤熏策，久行深入盡底蘊。
- 六．由証起信斷滯疑，深見四諦得解脫。
- 七．若視所證爲理體，便成法執同本體。
- 八．一切變毀世間相，証諦印決超生滅。（觸目事事瞬息變，即知無常與無我；若知二無有何怖，勤修德慧趣佛道。）
- 九．三世流轉三界困，凡俗不脫無常苦。
- 十．畢竟洞照的如是，一致肯決念念應。
- 十一．警性強猛內察消，不集新殃滅舊業。
- 十二．直破粗重恒輕暢，深契實相了無著。
- 十三．行得決定不偏差，証得究竟絕不惑。
- 十四．深見滅者意淨廓，如囚解鑿行坐便。
- 十五．八正道寬淨業準，三世諸佛皆由之。
- 十六．深知遠離諸倒謬，深信鏗念莫可奪。
- 十七．直觀勝義直斷惑，自証寂滅故無礙。
- 十八．超越數量無對縛，悟契三如入三門。
- 十九．價值確信定宗趣，超越相對盡除著。
- 二十．是法平等無高下，無次可循直見實。
- 二十一．正觀緣起名學者，學離學無能得道。
- 二十二．諸苦所因貪爲本，若滅貪欲無所依。
- 二十三．融會二說尊古德，有空相通化成見。
- 二十四．淨邁無間脫滯頓，直趣寂滅超生滅。
- 二十五．修學必須知程序，知行有準不入歧。
- 二十六．得法住智明緣起，証涅槃智超相對。
- 二十七．「肯定必然」語心長，誠越次第勿好高。
- 二十八．三世必然都如此，深解理則自求覺。

七月二十四日

- 一．果必依因宜猛斷，知因粗重深厭之。（1．喜貪 2．頑癡）
- 二．大驚緣起相對性，直消自他相抗性。
- 三．世間正見共外道，智能了假深悟緣。
- 四．從緣幻中握正見，得道之基藉此奠。
- 五．邁入正途不迷倒，不墮生滅入寂滅。
- 六．盡則非恒壞非真，離則知幻滅無礙。
- 七．石電爆閃喻明極，無常無來無所至。
- 八．雖無實質有幻用，假名因果不可撥。
- 九．情性生滅法寂滅，人性無常法性常。
- 十．深悟二無願欲息，入解脫門離愛取。
- 十一．無我流轉佛法本，此爲準量判佛外。
- 十二．業幻之果世俗有，作者之體本來無。
- 十三．踐此必然之歷程，不謗世俗能悟真。
- 十四．相對了知明次第，絕對証悟融能所。

- 十五．四諦價值決定知，堅信不疑悟入本。
- 十六．急求開悟太危險，盲騎瞎馬夜臨池。
- 十七．從假悟真應深思，不斷愛集不趣滅。
- 十八．不知心性本幻淨，謬執真常受誑害。
- 十九．內外不辨大混沌，不明世間障出世。
- 二十．調和諍謗倡同源，漸離本質背諦緣。
- 二十一．心幻心真大不同，混爲一談真俗案。

### 七月二十六日

- 二十二．理性佛性生佛等，是故法華說一乘。
- 二十三．篤信三世毫無疑，體會法住離斷無。
- 二十四．正見法住永如是，悟緣無性証涅槃。
- 二十五．空談心性儒佛混，不如肯認明三世。
- 二十六．透脫相對解假名，否定絕對悟無性。
- 二十七．見道頓見次第生，修道見後數勤治。
- 二十八．正見知得最切實，正思印得極深確。
- 一．攝念讀經如見佛，以智印心不受惑。
- 二．慎思明辨不昧理，生死以之離諸怖。
- 三．正見導信信的切，所信對象明晰現。
- 四．熱誠無限淨意興，鼓振向上級級進。
- 五．正見無常必向厭，三乘出世之總根。
- 六．愈能放下愈勤勇，二事措現猛策提。
- 七．苦不毀願而亟振，樂必警心而制縱。
- 八．居家甚難離五欲，戒善巧節莫深染。
- 九．佛法一味同趣滅，義詮二無各有重。
- 十．向涅槃行背世行，不背世行障梵行。
- 十一．解脫貫徹八正道，以此爲準斥兩可。
- 十二．決定改革慧作証，內外振刷蕩劣賴。
- 十三．以法襯舌語明切，依智擇業身堅卓。
- 十四．順德立命意淨廓，確保人身作人寶。

### 七月二十八日

- 十五．不玩詭巧攢財物，點滴億萬不佔取。（見地純正行徑坦，業緣擇定所作淨。）
- 十六．戒爲品德之柱礎，能離能作及能趣。
- 十七．佛示經濟三分法，經營養活及公益。
- 十八．視少爲多增智財，賺多劇怖致後患。
- 十九．易養易滿常知足，能澹能健汰倖求。
- 二十．不求生處捨二非，淨落嚴持脫過愆。「推步」——日月行運於天，猶如人之行步，故推歷謂之步歷。」
- 二十一．太多太精太糜費，折福損德且招禍。
- 二十二．了無貪圖息鑽營，端心致力調、淨、度。
- 二十三．於物知量不求足，求正法願熱誠旺。

- 二十四．全了完了大驚覺，捨卻二欲離傾敗。
- 二十五．直見導心脫昧曲，不墮險惡不漂流。
- 二十六．腳力挺拔不中滯，眼光亮豁透魅幻。
- 二十七．週期迴旋凡愚共，修學直進猛突破。
- 二十八．以見導行離險黑，以行印見入光新。
- 一．見正終不受惑欺，行正定能伏欲惡。
- 二．常警身在火宅中，勿耽逸恣勿唐喪。
- 三．不逞邪僻身則安，不犯戒善心則安。
- 四．偏見世間諸患累，厭諸雜染如溺廁。
- 五．當前立斷如治癰，大惡之因不潛滋。
- 六．不滿不矜不厭足，愈作愈喜愈愧奮。
- 七．植大善根之要著：慈融柔洽嘴臉寬。
- 八．辨得清楚做得正，存得分明驗得足。
- 九．痛責頓改而決捨，徹轉勳絕自我惑。
- 十．人事外還有大事，世法外還有佛法。
- 十一．因果精進俱無減，獲一切智成大聖。

七月三十一日

- 十二．深憶明記念代想，善根中心前後列。
- 十三．念能總持諸經書，念專定澄智悟強。
- 十四．時時防護處處警，遍察細致不稍縱。
- 十五．遣除妄執念趣淨，契入涅槃惑不動。
- 十六．智慧內消自解困，慈悲外涵拯他苦。
- 十七．思惟棄惡功德叢，靜慮能解起勝用。
- 十八．秋晴登峰一目瞭，作真人探頭面。
- 十九．脫離有漏不受染，畢竟無生超相對。
- 二十．以慧作導不迷失，如黑夜中燈明照。
- 二十一．正聞熏發識量豁，深思擇攝新義豐。
- 二十二．淨修臨向妙離境，聖凡從此界劃斷。
- 二十三．迅疾改革意果決，堅強操持時勘檢。
- 二十四．照破迷夢悟清新，頓脫塵勞心眼曠。
- 二十五．肯定正信憑正聞，思修始克奠基固。
- 二十六．正見必從正聞來，由聞方能增正見：
- 二十七．若不聽聞無正見，是故正見必藉聞。
- 二十八．思明內正外不偏，語明理正能動人。
- 一．因明業正作事公，志明命正礪品堅。
- 二．正途擇定趣健穩，迷幻光影悉廓清。
- 三．靜注其念於慧照，深見理實治事縛。
- 四．念淨定正斂一境，綿密體悟層層勝。
- 五．路徑正確方法善，境界嚴淨而寧謐。
- 六．盡破偏邪趣正直，超越迴旋達究竟。
- 七．身由二合本不淨，執淨求樂倒凡共。
- 八．樂倒誑心執為實，視法為我為法困。

- 九．本教會說「識如幻」；識幻能破心真常。
- 十．三乘慧觀知穢集，觸境大驚徹知苦。
- 十一．知苦諦解心不常，能覺妄法脫憂悲。
- 十二．根深柢固難篇撼搖，力勢健充能抗滅。
- 十三．佛法從身心生根，不壞不倒成道器。
- 十四．世法從信願發力，能破能攝造機緣。

八月二日

- 十五．定慧均等念調整，二者融和成等覺。（定——實際的承受，安平與消融。）
- 十六．入見道用故名道，入修道用故名覺。
- 十七．功能伏惡日除私，德能覺己法利他。
- 十八．洞照身心徹解脫，不忽不著不味逸。
- 十九．戒為淨善之根本，戒體內現人禽別。（「好行善道，不自放逸。」）
- 二十．常能堅持清淨戒，自他現未少惱悔。（成就戒善永不墮）
- 二十一．聞法受熏為法吸，惱化心柔喜奮勤。
- 二十二．定慧雙修善調劑，平衡準穩不偏頗。
- 二十三．不隨不逐不樂世，不疑不倖不倒雜。
- 二十四．見正絕不昧因果，信正永恆倡因緣。
- 二十五．印可於心成勝解，永不墮惡必趣悟。
- 二十六．整個對治不待緩，徹底了知能明導。
- 二十七．正法淨光照無礙，盡破世間諸黑暗。
- 二十八．擇取平正脫險惡，決定上進不遲徊。
- 二十九．知見淨化除謬亂，體踐果決意懇切。
- 三十．業惑盡脫同一味，安住法性無雜染。
- 一．凡夫求順不得順，出世厭順而逆悟。
- 二．知苦集者必厭離，學滅道者必敬慕。
- 三．出離心種不現行，煩惱草滋蓋心地。（行——活力）
- 四．歷耳透心數數憶，領會殊妙印持訣。
- 五．學法務須牢記著：轉熟為生生成熟。
- 六．久遠策練力儲足，習應不離一觸悟。
- 七．情種增殖障智種，以智導情情隨智。
- 八．天晴日朗海波平，一帆風順駛彼岸。
- 九．肯認遲速由準備，此生準備應積極。
- 十．依法致力自激提，恥劣恥怯恥乞予。

八月三日

- 十一．必歷種熟脫三階，揚棄二頓不自誤。（1．頓悟 2．頓成）
- 十二．正見前行證之基，善業久匯覺之因。（洞照事理無疑畏，証從正來覺從善。）
- 十三．切忌沽名妄說証，必須努力自求覺。
- 十四．陽春小草易開花，峰頭大樹久成材。
- 十五．解脫給世真啓示，化度予人大振展。
- 十六．不計時空及苦樂，不擇賢愚與貴賤。

- 十七．深觀二無契空寂，的實究竟不變異。
- 十八．情性之流淪業海，法性之流遊法海。
- 十九．順流而下倏浮沈，逆流而上畢竟脫。
- 二十．明見真理的如是（見法），智觀印持永不失（得法）。
- 二十一．念動即知必歸正（覺法），順入究竟不住盤（入法）。
- 二十二．佛說無力脫汝疑，勸自見法越瀑流。
- 二十三．法光照踐淨律軌，理達事當絕諸畏。
- 二十四．絕對自信體現切，創獲人生真力能。
- 二十五．路徑分明向涅槃，不著世法不誤人。
- 二十六．常惕情相之困吸，體憶法性快斷離。
- 二十七．我為主體二附著，事理乖昧今了卻。
- 二十八．日常察治吃緊處：注力解此三種結。
- 一．生死苦襲我作祟，防我起惱智觀破。
- 二．祈福禳災乞神助，血祭慘酷罪孽重。
- 三．將信將疑疑毀信，斷疑起信必決絕。
- 四．斷前力伏心已安，安中勤進始克斷。
- 五．智斷惱根不受障，無邊自在從此始。
- 六．因中細細密密治，勤治不怠易証入。
- 七．吾人最應常記取：三業常與三學應。
- 八．直了生死斷流轉，不隨惑業隨悲智。
- 九．現前不離此目標，雖不急証不迷途。
- 十．生命憬悟生活常，不為一般生死窘。
- 十一．苦之肇因執真我，樂之開始知假我。
- 十二．若不執我則氣平，氣平心寬惱淡消。
- 十三．總報如同總公司，引業能感（無量）有漏命。
- 十四．別報業感零星命，如子公司暫營業。
- 十五．過現修學久準備，雖屬在家亦見道。
- 十六．了脫生死三乘共，此為大事消惑業；
- 十七．是故三乘同解脫，祇是急了久度異。
- 十八．次第斷惑的切知，自依自度更增強。
- 十九．欲貪熾盛苦相逐，欲界人間之共患。
- 二十．外道斷欲仍生死，見道受欲脫生死。
- 二十一．知染知奮能猛捨，力轉染能為淨能。
- 二十二．以理印事不昧亂，觸境練磨制縱逸。
- 二十三．惑淨行正樹表範（三業淨化真道場），觸處啓迪應受供。
- 二十四．類別因素為界義，有漏都具此類因。
- 二十五．見造愛續流轉因，証入究竟悉斷盡。
- 二十六．法生法滅本無我，子果果子俱不生。
- 二十七．理明事正都無著，三業一致契真如。
- 二十八．透明透空透無我，了無障礙悉自在。

八月九日



- 二．物無定性可改變，三力（1．觀 2．定 3．通）增強心轉境。
- 三．有漏業能潛細意，佛淨天眼見明徹。
- 四．久劫人際肆應活，聲氣融洽語易通。
- 五．緣起如幻惑業現，不應謬執自性來。
- 六．外道藉通作報亂，以故「佛不尙神通」。
- 七．深明三世業果報，所作戒慎廣集善。
- 八．動則受惑必致苦，不動不惑永脫苦。
- 九．正念不著不受釣，正智不疑當擇明。
- 十．物淡命空離憂喜，法明緣了無對礙。
- 十一．以慧導定定能正，深定（禪）証慧慧更淨。
- 十二．外道暫離修惑染，未証法性後還墮。
- 十三．整持身心極明穩，出觀動靜不受惑。
- 十四．徹証法性斷愛見，不受後有超思量。
- 十五．二種解脫內外安，心平臉寬舌頭閒。
- 十六．直觀無常與無我，常樂常淨心堅住。
- 十七．到此無明盡豁破，作個通體光明人。
- 十八．待接之中起導化，有言無言顯佛法。
- 十九．變壞崩潰不堅牢，依然無常苦不淨。
- 二十．依識起業——流轉，順智而行——解脫。
- 二十一．徹底純淨亭亭立，舉體大用整整獻。
- 二十二．微——纖芥了無著，妙——內外悉光淨。
- 二十三．往昔久已勤聞熏，出無佛世觸緣悟。
- 二十四．無常無著而了脫，無常無量而荷擔。
- 二十五．納衣、三衣與乞食，不餘、一坐或一揣。
- 二十六．閒處、塚坐及樹下，露坐、隨坐、常不臥。
- 二十七．多聞深思久廣學，忍鎖智度復悲切。
- 二十八．二乘悉皆向佛道，勿輕視之應等敬。

## 第五章 大乘不共法

十月十一日

- 一．聲緣一心惟求滅，菩知本滅愍群淪。
- 二．願同虛空無窮際，求佛菩提不取捨。
- 三．徹觀惟名乃緣成，不盤身心畏時空。
- 四．常念二報與二存：（報眾生恩諸佛德，存上能瞻下能濟），淨平健雄廣攝通。
- 五．學大乘道戒三忌：脫節毀基與越次。
- 六．六度爲因曠劫聚，三德漸漸遍圓具。
- 七．享人乘樂視爲滿，因樂造罪致劇苦。
- 八．一神觀與多佛觀，二種文化質不同：
- 九．「主奴文化」種優劣，多佛文化性一如。
  - （1．發菩提心：頓返直趣大驚喜，如探礦者見油金。）
  - （2．修菩薩行：觀行堅貞鎖顛撼，夢覺能憶能起用。）
- 十．柔涵堅受與平持，誠諾重荷不推脫。

- 十一．勿輕小乘敬其德，勿矜大乘常自勵。
- 十二．都無所著畢竟空，絕無所遺成大緣。
- 十三．不落比對無極限，不盡不住無始終。

### 十月十三日

- 十三．1．行道破諸惡曰「功」，致力成眾善曰「德」。
- 十四．不因沒有而傲視，不因全攝致混濫。（嚴防四化倡純正）
- 十五．學大智不遺一法，行大悲不捨一人。
  - （1．「發菩提心」：「生滅相續，自他增上；淨心第一，利他為先。」）
  - （2．一歷耳根直透心，生死憶之不驚沒。）
- 十六．勤學應機設多門，入深法門攝機眾。
- 十七．偏好則矜己所學，偏惡則忽佛所應。
- 十八．法華會上舍利等，發心向大授佛記。
- 十九．三學還未究竟淨，「無明」為助感「變異」；
- 二十．「有妙淨土過三界，羅漢辟支生其中」。
- 二十一．大小生死有二類：分段變易共不共，

### 十月十六日

- 二十二．徹底破除汰腐舊，整個創進遍開新。
- 二十三．急求解脫遍時風，隨樂詮實導歸正。
- 二十四．宿昔修學時短促，未能遍充二智觀。
- 二十五．重定獨善厭世切，於大聖詮義莫測。
- 二十六．法義暢達破難疑，行誼淨正堪作範。
- 二十七．至誠「一稱」「一歷耳」，切入細意必發力。
  - 一．佛智撤除時空障，明達曠永無逾上。（明——徹底顯微，達——畢竟無礙）
  - 二．有宿因而無現緣，有現緣而無宿因。
  - 三．有宿因又有現緣；深植今因儲來緣。
  - 四．「大能」莫誤為萬能，佛有「三能三不能」。
  - 五．未臻大寂不平衡，於勝善欲心怦動。
  - 六．智能克己而滅習，慈不拒物而遍覆。
  - 七．廣修初不設時限，深學絕不囿派別。
  - 八．不輕不狂不戀了，由凡由依由敢承。
  - 九．能會深義無所得，無得發心無有量。
  - 十．攝取無遺福德圓，洞照無著智光淨。
  - 十一．崇高透頂化一真，深妙脫底離諸障。

### 十月十八日

- 十二．聖教世出世慧炬，徹照真理（不惑）達幻相（不懼）。
  - （1．「殊勝」：智不共世悲無極，絕對利他了無圖。）
  - （2．「生在像末」：不務三學身心穢，乖違三寶知見劣。）
- 十三．以法為命命獻法，以命許法法成命。

（「大菩提願」：不負諸佛不誑眾，必罄所有必淨心。）

- 十四．了無所求而盡捨，絕無所棄而遍攝。（人間血淚地獄火，交相湧心奮急救。）
- 十五．現得活靈觸得明，用得平正體貼微。
- 十六．求智不昧而轉識，修悲不忍而擴情。
- 十七．鏗心鑄骨不離念，自發自勉自逼現。
- 十八．諸佛初發盡從凡，彼既圓成我亦能。
- 十九．堅信必能察諦緣，弘願決定化怨私。
- 二十．練悲處處注懇切，勤智念念消惱困。（治學不爲自我困，修行能解他人累。）
- 二十一．理印心淨不昧疑，志振膽展勇敢當。
- 二十二．無量無棄無有盡，無失（怖）無少（戀）無上成。
- 二十三．偏重注力深正鑽，偏廢障法褊狹拘。
- 二十四．慈悲不捨苦難眾，智慧直觀佛法僧。（學有不佔，學空不住。）
- 二十五．聞持不忘而常現，憶注不失而深入。
- 二十六．突破我障斥見執，不緩不急恒踐邁。
- 二十七．善別諸經不混味，楷定內外能持糾。
- 二十八．誦能欣玩醇義味，讀能增憶深體會。

十月二十日

- 一．化融吸受淨熏變，抉除障覆顯精純。
- 二．1．洞曉內外如日照，自不入險解他困。  
2．理遍當前事不迷，觸事會理遣世慮。
- 三．起行不倒必堅實，導扶不倦常柔善。
- 四．小重定慧急求脫，大重施戒常耐荷。
- 五．悲之特徵練三不：不欣（生）不怖（死）不求安（逸）。
- 六．集佛功德增嚴淨，享佛福德損力能。（側重脫苦仗佛度，倡踐三不致己力。）
- 七．慈如蜜藥眾樂服，智如苦藥己先嘗。
- 八．願如空海容一切：行此三德圓佛乘。
- 九．三不善根成三德，莫輕凡夫甚難量。
- 十．大師獨具智慧眼，倡依人乘（凡夫）入大乘。
- 十一．正法有二謂教証，人能持行便住世。
- 十二．內秘外現三乘貫，入出一如會一乘。
- 十三．安則能耐能深入，住則不捨永不退。
- 十四．登淨徹悟即迴入，基奠解空發菩提。
- 十五．慧劣難受大乘道，有相先導勿崇尊！
- 十六．智悲爲本淨方便，二不（染、離）策提趣究竟。
- 十七．人能創毀能動靜，能學能擇能正覺。
- 十八．作人菩薩決宗趣，拋卻卑怯獻人間。

十月二十三日

- 十九．積久悟深內力充，正直倡修大智願。
- 二十．說權非眞示勝淨，迴入二種無有上。（無上菩提，無上涅槃。）
- 二十一．發覺三不猛自勵，頓向佛道永不誤。（不知、不能、不淨）

- 二十二．不可忽視小果証，五百由旬已逾半。
- 二十三．以善方便至究竟，如登高峰鑿梯級。
- 二十四．異生本性在求樂，藉樂導入受法樂。
- 二十五．障盡德圓力無畏，不共巧化稱機宜。
- 二十六．慧破諸惑不隨他，以慧導行趣無生。
- 二十七．佛出人間非天上，破斥「天佛一體」謬。
- 二十八．注力持實不偏權，倡善方便治縱濫。
- 一．無相觀照破二我，求他加持獲淨樂。
- 二．耐對艱困練策現，菩薩大行重一三。（享樂不昧心，受苦不退心。）
- 三．深知愧缺勤積集，久歷苦楚愈銳牢。
- 四．示眾有性修則成，生佛一如破獨尊。
- 五．不通俗則難攝眾，太通俗易致誤眾。
- 六．知此深義遺自性，觀行澄廓悟二惟。（惟名、惟表）
- 七．佛性甚深真法性，寂滅無相同虛空。
- 八．不著不出離諸相，能行能成即諸相。
- 九．法無自性可轉捨，物體三態即明証。

十月二十五日

- 十．眾生從未離此性，悟解此性成佛基。
- 十一．知本空寂創淨緣，緣具離染成圓淨。
- 十二．空能透底永不墮，有能探頭大曠達。
- 十三．永不變異遍一切，當前洞察無不是。
- 十四．知空無性不染著，行空悟勝不非撥。
- 十五．巧說內在本具有，導脫外在妄執過。
- 十六．一切眾生不離空，能空能化能通成。
- 十七．敬心多聞開識域，大心正聞治理盲。
- 十八．活現活用不昧隔，提點覺照入新新。
- 十九．常聞切思不覺深，深熏潛變漸趣勝。
- 二十．「又於諸法如說修行，隨順十二因緣，離諸邪見，得無生忍，決定無我，無有眾生，而於因緣果報，無違無諍，離諸我所」。
- 二十一．「是故般若波羅蜜無起無作相故，無轉無還，如十二因緣中說無明畢竟空故，不能實生諸行等；無明虛妄顛倒，無有實定故，無法可滅，．．．」。
- 二十二．「以畢竟空故無所礙，而能行諸善法，得阿耨多羅三藐三菩提」。
- 一．真空無著無有偏，明空故能廣行善。
- 二．空不著性故無礙，緣能立果故不壞。
- 三．知空習行常不間，不可破奪離諸過。
- 四．悉無所著超有無，透脫一切無上滅。
- 五．二乘証滅不增善，菩薩悟空常起善。
- （1．最善於活躍的人，把自己的時間化作人群的活力，活透得解除偏困；最善於通涵的人，把自己的空間闢為世間的通道，通達得敞豁精誠。）
- （2．正情、真力、淨德。）

十月二十七日

- 六．知緣倡緣勤造緣，謬背因緣誤自他。
- 七．「世間行業屬因緣，是故智者不依天」。
- 八．舊心無始諸見纏，新心無量智觀豁。
- 九．最新之心大菩提，上承下接中二持：
- 十．智剛慈柔學直忍，生死海中練身手。
- 十一．積德無間無有極，業淨願弘不滯迴。（靜中觀理動成事，以靜攝心動成事。）
- 十二．大乘法器之特質：不損不增不驚迷。
- 十三．深入廣化遍察知，不耗不盤鎮坦現。
- 十四．淨熏染滅內發力，能破惑亂定性向。
- 十五．不止不推求聖道，能制能除植心種。
- 十六．淨業功能抗染能，驗力見效意穩奮。
- 十七．動靜無間斷即續，安危一致常憶持。
- 十八．久熏成力抗劣味，深修儲德增勇善。（常憶常提常驚覺，不受遮覆永上進。）
- 十九．上下分明性決定，接待之間的切用。
- 二十．超出相對內無壅，身心暢朗氣勢旺。
- 二十一．上進不爲現實囿，下化能爲眾生集。
- 二十二．時代巨眼察導正，時潮清流汰弊濁。
- 二十三．菩薩都從凡夫始，斷凡之惡以聖勉。
- 二十四．克己不怨除內賊，淑世必決盡義命。
- 二十五．徹察其變不受誑，決了緣成絕對真。
- 二十六．內絕諸慮外莫撓，感恩償緣湧寢饋。
- 二十七．一清淨心求善法，樂悉予人苦盡當。

十月三十日

- 一．體悟實相世出世，破舊翻新念念進。
- 二．立誓決絕不折退，策願畢竟常兌現。
- 三．必拯眾苦學佛本，猛伏粗重能造和。
- 四．情法擇定不受惑，福慧圓具能普應。
- 五．宏觀整行與圓覺，都藉此四弘願成。
- 六．久歷困挫增喜奮，能受能化能感報。
- 七．不忘不間不疏漏，肯思肯爲肯果決。
- 八．相峙相衝鬥苦惱，必消必涵增祥和。
- 九．化己之惱過人量，代人之苦立己德。
- 十．見一切人盡忘怨，學一切佛必感恩。
- 十一．堅正的人格表現，明淨的佛性植提。
- 十二．不學不知簡邪正，不修不知悟淺深。
- 十三．斂得沈潛見得廣，發得透闢覺得圓。
- 十四．光光新新的上進，懃懃懇懇的下助。
- 十五．大心尊勝無能匹，常觀尊勝意躍進。
- 十六．深知緣依願創緣，不孤不合不傲視。
- 十七．二乘畏因急求証，因地力少果德缺。
- 十八．菩薩重因不疾証，因地豐饒果德足。

- 十九．智如大海深莫測，智水智光普照潤。
- 二十．悲行充實無不應，智觀明當無能蔽。
- 二十一．「方便力者（令他得益自離染），畢竟無法，亦無眾生，而度眾生」。「以方便力故（能離不了，能即不亂），不壞色，不隨色」。方便——空有不著。
- 二十二．上求之力下化德，中導之光脫迷惘。
- 二十三．實有——當下衝突，假空——當下平息。
- 二十四．智慧不造有漏業，直向無漏大淨道。
- 二十五．三要門開佛普門，萬德莊嚴盡歸攝。
- 二十六．三心徹轉三不善，直學直趣一乘門。

十一月一日

- 一．大心堅牢莫可撼，卓立眾中作前鋒。
- 二．悲懷涵育無齊限，智光導轉超二邊。
- 三．「以是無所得故，能得是無所得」。（1．相應成熟 2．遍計執著）
- 四．無性故內不著心，無相故外不著境。
- 五．有得有失得必失，得喜失憂心如焚。
- 六．無得無失失即得，無得之得得真如。
- 七．著相障願忘廣攝，斷卻深忍與大進。
- 八．甚深般若盡綜貫，四無（相、了、量、畏）證印集圓成。
- 九．此生何幸得人身，二三相磋勿虛度。  
（二三：智、仁、勇；憶念勝，梵行勝，堅忍勝）。
- 十．絕大菩提定宗趣，悲願旺充情遍摯。
- 十一．徹源妙慧悉消通，大乘力勝練象龍。
- 十二．弘願關注活慰足，我空願現悲潮湧。
- 十三．因中學行備駭羅，果中攝應極裕如。
- 十四．曠劫發心慈續增，度苦無量海雲集。
- 十五．法器直觀諸法空（深知自相空，不隨心取相），覺滿無漏成種智。
- 十六．治有離著捨一切，行空不失攝一切。
- 十七．能輕能深能徹達，造重造累造苦墮。
- 十八．重定遁藏成獨善，重咒違本（教）炫神異。
- 十九．人能學佛趣究竟，克紹佛種惟有人。
- 二十．堪除顛倒名為道，以道軌身身應法。
- 二十一．信自他必可成佛，願眾生盡脫苦惱。
- 二十二．頓改舊觀永上進，猛振新行絕不回。
- 二十三．歸投大乘情神暢，菩薩為友佛為師。
- 二十四．大歸圓証從今始，出人頭地喜不勝。（不拘形象不離眾，智淨慈深能入過）。

十一月三日

- 二十五．心淨無疑不悔退，行健無畏常忍荷。
- 二十六．不著身心不出世，智深慈切能契護。
- 二十七．廣植善根發大心，完成四未作標幟。

- 二十八．能離能作能趣圓，諸德之基緣此奠。
- 一．行於正道超凡小，遊於生死樹光正。
  - 二．願必藉行作準依，淨護三業化三乘。
  - 三．大小學處共通處（『戒爲三乘共基』），自淨淨他離邪染。
  - 四．戒爲格本格內立，善爲德基德外展。（以法勘見不隨識，以律導行能別俗。）
  - 五．格如大廈禁震撼，德如大廈極整嚴。
  - 六．絕不回頭更戀舊，畢直併力徹創新。
  - 七．正慧汰邪魔佛別，大慈斷瞋首度怨。
  - 八．離貪心澄無量湛，踐致十善堪臻此。
  - 九．不貪定味不沈寂，了了明明隨慧住。
  - 十．現前解決諸難題，未來永得大受用。
  - 十一．坦廓淳厚與健毅，但爲利他行善法。
  - 十二．律儀戒爲菩戒基，小戒嚴持大戒淨。
  - 十三．菩提心勝涵三淨：儀品德量儘倣佛。（1．律儀戒 2．攝善法戒 3．饒益有情戒。）
  - 十四．菩薩大任在求化，上提下接中展開。
  - 十五．大樂愈奮絕不戀，劇苦頻耐從不怨。
  - 十六．深愧不苟牢堅持，久勤不缺正淨學。
  - 十七．淨智爲人類造眼，引入光明脫險黑。
  - 十八．大願爲人類造膽，徹發德能練端健。
  - 十九．四重大小共等尊，世出世道賴此淨。
  - 二十．忌他之能暗中傷，性量險狹殘自他。
  - 二十一．欲界人間數行惑，慳護不施釀鬥殺。

十一月六日

- 二十二．嗔如毒彈驟爆發，先傷自身後傷人。
- 二十三．怨能損慈恨毀悲，消釋恨怨福慧增。  
（學忍須化惱，惱化怨懟少，語溫氣神暢，觸處造緣好。）
- 二十四．尊優自高劃種界，恃己凌他昧互爲。（『奴爲大眾，大眾爲奴』。）
- 二十五．大體的整個把握，細節的各別體解。
- 二十六．常思法印增勝解，語切行真正法明（昌）。
- 二十七．菩薩淨戒義廣大，內外光澄利他先。
- 二十八．捨得決絕補破缺，持得純正不雜謬。
- 一．深受深熏透心醒，久勵久發嚴身語。
- 二．罄力抗惡不怨己，致身行善必爲人。
- 三．操得切自家之格，提得足佛法之心。
- 四．勤得明日常之細，行得決非常之大。（警微杜著嚴切防，律淨身語定慧資。）
- 五．肯得承當絕不怯，做得磊落終不污。
- 六．觸事不昧自覺立，悟理能應啓眾生。
- 七．三世佛皆由學來，廣學淨行圓覺基。
- 八．深察深愍不戀捨，能往能迴盡提導。
- 九．溫摯雅直說愛語，正法配應感人深。
- 十．平等顧恤寧苦己，喜敬慰迎減奪害。

- 十一．戒爲人倫佛道根，根固力足莫能摧。
- 十二．正見強願日增上，二難堪當空命慮。（小重得果大重忍，深忍不証留惑度。）
- 十三．二捨定決作主旨，無限集攝無底止。
- 十四．「從禪出教」「藉教悟」，禪教不偏二整驗。

十一月八日

- 十五．文、觀、實三歷次學，淨悟無相洞照明。
- 十六．空慧須憑現事觀，觀熟日用成化事。
- 十七．解門剖析能簡攝，行門專精必展賅。
- 十八．不偏不囿不倖悔，不賴不驚不忘四。
- 十九．一般急了與疾証，與大乘行相乖違。
- 二十．應行不遺永不謬，漸入漸深漸廣應。
- 二十一．敬古德不屬宗派，學菩薩能荷整體。
- 二十二．執持體驗生堅信（勵己），探思批判握正見（導人）。
- 二十三．漸修漸知與漸明，猛愧猛懺與猛驚。
- 二十四．能藏能生能廣載，能容能度能無盡。
- 二十五．淨信具足心決定，安住大乘不旁驚。
- 二十六．1．「信爲道源」（心淨爲信）「信能入」，菩提分中二居首。
- 二十七．2．孜孜矻矻明憶切，法力注吸志性轉。
- 二十八．3．正轉明隨透誘陷，坦直向上氣不沮。  
（如大勇士破敵陣，「斬將擄旗」獲全勝）。
- 一．4．觸境提心層層察，對治遍計離二過。
- 二．5．執伏根門持不散，一心澹澄所作明。
- 三．6．性多道長艱險叢，能禁能克終不退。
- 四．7．一味淳誠竭所有，都爲法住饒益眾。
- 五．8．生命長流無限延，時須積極勤努力。
- 六．若集若攝福善緣，無量奉獻悉迴向。（異生迴流善迴向，長迷大覺須擇別。）
- 七．9．大乘特重戒足穩，立己導他樹法幢。
- 八．10．戒嚴遠離諸譏穢，行正願堅堪入世。
- 九．曉了菩薩之行位，歷次實踐妥穩進。
- 十．聲聞急證不重施，福緣寡薄難普度。
- 十一．三善根中施第一「1．布施 2．慈悲 3．智慧」，先施後說重實務。
- 十二．「（眾生）著無所有處，是菩薩以方便力故，於無所有中拔出眾生」。  
（但願空諸所有，慎勿實諸所有）。
- 十三．輸財救急解眾困，施法治愚汰舊惑。（慳惜成性極難改，觀念落伍行造難。）
- 十四．深化盡絕我我所，廣化遍助無親疏。
- 十五．天下爲公世大同，淨土之因肇乎此。
- 十六．忘卻佔有絕對公，無欲無爭謂之淨。
- 十七．三心配應氣度大，不慳不悔常坦然。
- 十八．「濟窮捨物不待求，爲法忘身常演奉。（貧苦多怨，富樂招禍。）
- 十九．施能成德爲人切，喜施時空氣聲通（融）。
- 二十．「善果屬己更發心，迴施利人造大緣。」
- 二十一．「財寶壯膽亦驚心，智寶健心更挺身，



- 二十二．求生縱欲私圖重，損性玩物致苦慘。」
- 二十三．「緣起網絡相依存，眾緣成己報眾恩。」
- 二十四．物空法富富法界，識澹智豐豐王公。」
- 二十五．正智啓發示前瞻，善行提掖向要道。
- 二十六．富極縱使臥金床，臨大變亂更苦惱。
- 二十七．貪爲致亂之毒媒，慳爲釀禍之惡因。

十一月十五日

- 一．不認爲是自己的，身心安暢無顧慮。
- 二．見眾生苦起悲惻，以世財法救濟之。
- 三．相續和合法生滅，闡揚此義令解悟。
- 四．諸法從緣緣即空，運無盡願度幻眾。(1. 生緣慈 2. 法緣慈 3. 無緣慈。)
- 五．捨爲無上福慧因，佔爲禍患無盡媒。
- 六．法施增智覺自他，共濟迷津入覺海。
- 七．「財散民聚」儒聖訓，「不均」釀爲慘酷劇。
- 八．令眾先成己再修，無貪無畏志淨壯。
- 九．享福不當能覆人，戀樂不奮能頹人。
- 十．聲聞爲己守平淡，菩薩爲眾造豐饒。(不爲財累忽財用，缺乏二施置嚴熟。)
- 十一．智慧深徹絕後顧，慈悲真切充前衛。
- 十二．菩薩願大倡四化，四化先導遣私有。  
(1. 公化 2. 空化 3. 大化 4. 圓化)
- 十三．曠劫備受眾資持，從今力圖報眾恩。
- 十四．財施一切善法本，先行外施後內施。
- 十五．解是真知脫迷妄，行是實驗不虛怯。(立刻記得牢，隨時用得上。)
- 十六．教闡正理除其邪，化示坦道祛其錮。
- 十七．意勢強固志義勇，能除能制能臨赴。
- 十八．思想啓發智適應，誠懇豁露願承當。
- 十九．慧絕悲徹無餘事，盡爲眾生供己有。(人重於物，法勝於情。)
- 二十．至行無物可當意，慣習勲淳剿慳鬼。
- 二十一．息爭普施悟本無，愈助愈樂造慶和。
- 二十二．力語時緣人皆具，練學惜造成此四。
- 二十三．謙誠親切制倨慢，受用生福福成德。

十一月十七日

- 二十四．積聚皆散釋尊示，時空一切悉皆然。
- 二十五．過人之量超人手，感人之恩成己德。
- 二十六．由乞增德應感乞，三施積極常熱昂。(藉施增福福拯苦，由識增智智破昧。)
- 二十七．智慧傳理法住世，慈悲傳行眾歸命。
- 二十八．布施傳德善吸心：志立三傳大乘種。
- 一．依學行道直精進，不急不緩不減扣。
- 二．情業累積生死根，道業修練解脫基。

- 三．施應斟酌是否需（當），勿令受者犯因果。
- 四．深觀內在空無我，遍審外在假無法。
- 五．綜觀內外自性空，空與悲應方便施。
- 六．以理安心智導身，法身慧命之準量。
- 七．存心傷害或毀滅，不應中計遂其罪。
- 八．以智察施能除愚，勿增其惡不損己。（語貌溫婉勿厲嚴）
- 九．施能切實自他安，令彼今後永獲益。
- 十．「捨心」觀成必否己（有），心地敞豁見人佛。
- 十一．心緣無限永擴大，上下敬供傲沒量。
- 十二．捨心成習復成力，捨身濟代礪大行。
- 十三．植福感富行物施，以智起觀運心施。
- 十四．能動能出能入度，究竟相應恒不動。
- 十五．理屬於己事屬眾，達理導事事成眾。
- 十六．久攝不脫則增善，淨導不退則悟理。
- 十七．得則有限故步封，無得無限善根圓。
- 十八．無遺無隔無二限，化融實有度幻有。
- 十九．照透分明非己有，依緣所感還敬施。
- 二十．我輪爲先執二輪，力破我輪遣二輪。
- 二十一．施勝則驕劣則悔，意緒不安常惹惱。
- 二十二．以無始空治我執，以畢竟空治法執。
- 二十三．心無積滯則能動，身無佔領則能出。
- 二十四．所見明徹無繫屬，行空行有脫羈絆。
- 二十五．最公之心如蓮華，舉體奉獻盡成用。
- 二十六．最大之心如虛空，無邊容含無好惡。
- 二十七．不可爲身想過頭，不可爲時造苦難。
- 二十八．不可以財害子孫，不可以法非己分。

十一月二十日

- 一．「多欲者，則人忽慢；又障生梵天；欲障轉故，人所樂見」。
- 二．眼前不離不含糊，心頭能印能辨清。
- 三．久習相應鈍轉利，利不令鈍能漸通。
- 四．經濟的適當調勻，人倫的正常維護。
- 五．依戒持身做正人，行善克己爲大人。
- 六．人格正大人信用，人性溫平人親敬。
- 七．人做得心安理得，他看得眼豁腦奮。
- 八．保持自己導他人，風範足式不枉生。
- 九．世間戒善感人身，今後能得增上樂。
- 十．出世戒善涅槃因，解脫惑困越瀑流。
- 十一．出世上上圓淨戒，三聚等持珠明極。  
（1．最極明淨 2．能逢眾求 3．力德具足）
- 十二．自我自由自覺異，本能自發智能異。
- 十三．德操高固不劣濁，言行明厚不詭激。
- 十四．守法上軌正定型，「性善」朗充眾無畏。

- 十五．心細舉步落足慎，眼明警境持心詳。
- 十六．惡與無記混造業，善能無間整起行。
- 十七．攝善不遺義必爲，勤心饒益久愈摯。
- 十八．人品的眞保護者，人德的淨培育者。（眞誠爲正大之因，清淨爲祥和之本。）
- 十九．心大廣度諸苦眾，意堅苦勉必踐諾。
- 二十．一時縱逸終身憾，「蹈尾」「履冰」深自警。
- 二十一．私德立己而不僻，公德爲人而能宏。
- 二十二．學公不續私圖想，學正發露隱私行。
- 二十三．佔享富樂還退墮，樽酌保健適可止。（自培自享自造墮，知欠知償知控約。）
- 二十四．敬其品德不自了，適時適地善開遮。
- 二十五．持大淨戒利自他，精嚴恢廓無漏捨。
- 二十六．利不賺人增福德，樂能忘我培慈和。

十一月二十二日

- 一．語意的法律自檢，身業的品範自持。
- 二．放縱形駭造罪惡，毀壞佛法破戒見。
- 三．戒爲一切佛法基，慧爲一切佛法本。
- 四．不愧不振不仰傲，無軌無依無明覆。
- 五．大愧猛拒不受惑，堅持毅決不衝動。
- 六．情邪毀家子女苦，品端興家天倫樂。
- 七．整補破漏防塌倒，操練志性振敏悟。
- 八．慎於無形之微萌，脫於有形之累困。
- 九．決心增強成決性，毅烈成力不甘犯。
- 十．牢記隨念當切懺，戒體不失戒格固。
- 十一．理能安心內鎮定，事不味相外莊重。
- 十二．慾海濤狂輒捲溺，穩操戒舵達彼岸。（法現心頭律現身，理淨性善整應持。）
- 十三．立己等護形光嚴，所至施化感效大。（菩提願戒現未貫，等學等護等正覺。）
- 十四．戒爲人倫佛道本，慧爲正見淨思基；
- 十五．欲致人倫趣佛道，務須學持戒與慧。
- 十六．大悲無量憫心切，攝涵不捨永加被。
- 十七．二我梗心疾惡仇（成），反從彼惡積陰影。
- 十八．良醫從不厭病患，善因惡生惡增善。
- 十九．空慧持戒心如空，不著不棄恒平融。
- 二十．絕大融融化諍鬥，畢竟坦坦無峙立。
- 二十一．能攝則不肯疏離，能護則決定慰撫。
- 二十二．嘴臉寬柔春風拂，意地關照魚王注。
- 二十三．鋼鐵意志海綿性，菩薩撐得更吸得。
- 二十四．不讓惱火猝爆發，嚴密防範動靜警。
- 二十五．直以慈忍久存養，誠淳體踐逆順持。
- 二十六．「忍辱大力」練大德，力德具足成大事。
- 二十七．「文殊師利：云何名菩薩摩訶薩行處？若菩薩摩訶薩住忍辱地，柔和善順，而不卒暴；心亦不驚」。

十一月二十七日

- 一．不恨能感常不捨，化怨報德先度怨。
- 二．氣能沈靜心能寬，看得極遠度得多。
- 三．外難之生由內過，如有臭物蠅即來。
- 四．勿以難修而退屈，久練久植成自然。
- 五．受得了怨能擴量，化得了怨能成德。
- 六．避情制性不積怨，巧讓善護能成願。（徹底發力，探頭起用。）
- 七．備嘗艱險堪求法，悵缺問難勇長征。（集合善緣成大緣，勸持淨行練圓行。）
- 八．抗自然苦鍛膽魄，操時躍空智曠觀。
- 九．庸人享福致衰敗，行道耐苦積健毅。（操時蓄力氣彌旺，察空擴量願無限。）
- 十．柔和敬順動靜持，悟理行事趣大直。
- 十一．掠虛自誑無真見，紮實印法具至行。
- 十二．詮演分明無隱晦，啓迪真切入正軌。
- 十三．轉此本性修德性，德性充實成佛性。（深驗德性能崇德，不離佛性不愧佛。）
- 十四．大忍大涵大凝聚，相衝相鬥相殘毀。
- 十五．憂患感深不縱逸，朝乾夕惕振衰弊。
- 十六．步步踏實不空過，念念行真誠虛誑。
- 十七．道學力志的表現，言行品概的傳習。
- 十八．當面看破背面了，不藏不宿化怒怨。
- 十九．探出頭面邁正步，作個生死有力人。
- 二十．以血洗血血愈腥，以火投火火更熾。
- 二十一．一朝之忿終身憂，內外俱傷自他苦。

十一月二十九日

- 二十二．不斷上進永不退，盡力植培愈有興。
- 二十三．嗔如內藏劍與彈，觸之立刻刺炸己。
- 二十四．內解至理能習忍，歷緣耐事見諸行。  
（力轉志持，內安外和，「譬如勝怨，乃可爲怨」。）
- 二十五．忍能當下化壓力，亦能隨時增張力。
- 二十六．慈水養臉化妝美，法喜運慈美且善。（利益安樂諸眾生）
- 二十七．智思犀銳心腦豁，侃侃諦辨論義立。
  - 一．佛道體悟賴善士，承奉善士當如佛。
  - 二．嗔心毀緣亦毀願，慈心護緣亦護願。
  - 三．藥樹不生水火處，嘉籽播入沃土茂。
  - 四．以法警心而化氣，以智觀事而知幻。
  - 五．心持得極明極平，明則不率平不忿，內在則能正能安；  
臉修得極寬極溫，寬則不感溫不暴，外在則能廓能和。
  - 六．「一空，二離憍慢，三除嫉妒，四大慈（悲）。」
  - 七．能忍眾歸水趨壑，謙敬虛泰能行忍。
  - 八．大忍深忍無量忍，無邊無底德力集。（心安於理化暴戾，智明於事練健銳。）
  - 九．施淨除慳惠澤廣，所至稱歎眾喜暢。

- 十．戒淨事正不起悔，心意悅樂學定易。
- 十一．忍淨惱輕相改善，善積福祥緣勝大。
- 十二．在家倡踐菩薩道，應須互勉此三淨。（施不忘苦而踐悲，戒不損格以印慧，忍能伏怨造祥和，是三居家應常踐。）
- 十三．竭誠內吸深持革，精嚴外現不模稜。（禪能攝心內澄豁，慧能達理外明整。）
- 十四．爭財起鬻內閱牆，吝財積怨外遭殃。

十二月一日

- 十五．戒爲家社秩軌本，正身蹈軌能和樂。
- 十六．性褊量狹怒損神，學忍成忍器無量。
- 十七．放棄經濟誠貪爭，身心瀟灑道業隆。（以德植福福盡迴，以福運智智遍導。）
- 十八．修能立己作眾眼，行能倣佛成世光。（因地植培極充實，果地施與溢無窮。）
- 十九．如水潤人解渴熱，如日照人消悶沈。
- 二十．佛覺遍圓無蔽遺，導眾趣寂入無餘。
- 二十一．修心安己智內導，修臉安人福外增。（聖教流佈藉探真，法身尙在發憤學。）
- 二十二．法重於命命護法，命不離法法澄心。（崇敬法身闡二教，現未集攝無上善。）
- 二十三．精誠上進猛策發，精致遍植久旺盛。
- 二十四．氣勢淨烈耐倦苦，浩蕩前赴永不休。
- 二十五．內在熏持深發力，外在植積大運德。
- 二十六．瞻佛功德盡歇狂，念法光力不墮癡。
- 一．消融狹小世界觀，擴充成佛大心量。
- 二．現種現收現享盡，大培大發大圓成。
- 三．感報眾生之大恩，不爲欲惡所困障。
- 四．廣學法門應眾機，不計時空不疾證。
- 五．教人學海不學天，能涵能通能產供。
- 六．不別種界察根性，等加慈愍不擇棄（最決性的力）。
- 七．遍學遍察遍投入，不畏不倦不藏縮（最活性的人）。
- 八．因正因厚因廣植，大捨大攝大圓成（最通性的德）。
- 九．樂不盤戀驚奪志，苦不怯撓猛策己。

十二月四日

- 十．法味潤心智光導，興致昂揚氣骨挺。
- 十一．太虛般的心活透了，見一切人面孔，則寬溫得敞敞豁豁；大海般的量涵遍了，學一切佛行願，則真切得淳淳懇懇。我們必須學這樣的活透與涵遍。  
（行——不著而能集，願——不捨而必度。）
- 十二．時間用得準而明，空間行得淨而遍。
- 十三．知法知眾知應時，不設時限沒了期。
- 十四．時間奉獻一切人，不了不逐不清濁。
- 十五．空間瞻倣一切佛，能馳能役能代荷。（「乃役於人，非以役人。」 1．不亂 2．不怠 3．不退）

- 十六．耽定樂空缺三培，必墮邪空及退小。
- 十七．法興義味常增進，不甘停滯不知休。
- 十八．上瞻佛德下察機，中持正法爲準依。（知見明確行深厚，涉空度有盡切實。）
- 十九．現雖暫盡緣無盡，不盡有爲不住無。
- 二十．最墮落的人——用不正趕不上時間，最上進的人——行得穩捨得了空間。
- 二十一．心健終無能壞者，誓挺絕不隨他轉。
- 二十二．智光空身義膽足，悲潮灌眾氣志豪。
- 二十三．志不鼓激膽萎縮，燦爛前程自暴棄。
- 二十四．最遍正知無上勝，超天魔梵聖不及。
- 一．爲煩惱屈服的人，永不能探大頭面；以智慧洞照的人，當下敞開寬胸襟。
- 二．突破因循打頭學，翻身豁眼非故我。
- 三．時不待人呼吸間，善用時光接智光。
- 四．情見之命爲外役，福智之身爲內嚴。
- 五．染樂迷神荆棘困，淨樂啓心腦眼暢。
- 六．把佛法化爲力量，身心明健氣膽壯。（莫道業障減銳氣，必呵重惑發猛心。）
- 七．退取小乘還算好，墮落三途多難計。

十二月六日

- 八．整體文化——均質文化，點示世間幻象——息諍化爭，徹覺出世勝義——無二無餘，倡此文化，知行圓駭。「彼無一物者，苦不能相隨。」
- 九．做人不讓菩薩，爲人不誑佛陀，練磨出這種膽魄與氣概，持乎中現乎外的，則怎也不肯矯飾，不敢玩詭了。
- 十．頓提頓振頓做去，不滿不泄不盤迴。
- 十一．小蟲惡人釋尊承，降生人間成大覺。
- 十二．佛法本非永苦說，是故成佛各有分。
- 十三．發揮靈知增善行，知行不乖入正軌。
- 十四．菩薩造福（願）亦享福（法），凡享受困（貪）菩脫困（捨）。
- 十五．正見不匱心勇毅，至性常勵氣旺烈。
- 十六．因緣所成無實性，知幻不著離困累。（淨智徹觀本無相，大慈久培運弘願。）
- 十七．以力拗劣力成能，淨能圓充起用大。（內在淨念儲智力，外在健氣展悲事。）
- 十八．最新的需要不已，自勵恥怠如不及。
- 十九．最正的嚮慕不忘，自省歇狂猛著鞭。
- 二十．最渴的追求不捨，自奮增力必突破。
- 二十一．最誠的修學不間，自動成習習久利。（風雨寒暑冰天地，內思外持常續增。）
- 二十二．不爲難行起驚怖，不爲易行求僥倖。
- 二十三．心堅邪惡不能動，念淨正法常發力。（深學三寶亦深見，於三業中活現現。）
- 一．淨者必強而大成，健者必韌而不折。
- 二．蠅逐臭肉湊熱鬧，狗棄黃金爭餒殘。
- 三．自我提昇自加封，自誑自毀自墮落。
- 四．深念三寶汰三毒，毒汰寶現斷誑悖。
- 五．正法正願堅持練，功力深確行踐實。「誦習千章，不如一行。」

六．立己導他同趣覺，始能遠離懊悔苦。

十二月八日

- 七．捨己爲人不自顧，眾生先成己方成。（學佛不忘爲人，爲人不忘學佛。）
- 八．中根最宜無上道，數數體驗三心展。（大菩提徹照一切，大涅槃寂滅無遺。）
- 九．無遺無量無所得，久行久化久不証。（於一乘道別說三，漸次導行向大覺。）
- 十．不能強心常虛脫，不肯致力甘後退。（智觀無常流轉苦，深厭世間急求脫。）
- 十一．大行普度無時限，難行當前必兌現。
- 十二．身心奉獻不顧惜，因果迴施常喜奮。（破瓶不作瓶事，焦種不作芽事。）
- 十三．志在成佛恥自了，願強誓足耐苦樂。
- 十四．急不及待成性習，能學菩薩及佛陀。
- 十五．以易爲易反不易，耐難行難難成易。（1．耐怨害忍——鬥諍內平 2．安受苦忍——不退外練 3．諦察法忍——不悟深玩。）
- 十六．信佛之言決不疑，仗佛之願必往生。
- 十七．三事兼修繫念切，千佛授手迎往彼。
- 十八．心不旁驚三業注，念久念淨佛即現。
- 十九．迴向除貪擴心量，檀德修福盡爲眾。「大毘盧遮那成佛神變加持，經略示七支念誦隨行法。」
- 二十．「五門」一般不易行，特示念佛護信心。
- 二十一．佛倡方便有二種：正常方便及特殊。
- 二十二．柔不受惱離驕慢，柔能活展性彈韌。（淨汰深涵量無極，化暴化雜德廣通。）

十二月十一日

- 二十三．納之於心永不忘，以法自勉化爲力。
- 二十四．先給以樂後拔苦，先拔其苦後與樂。
- 二十五．一般根性先漸誘，正面精神直擔當。
- 二十六．眾生因樂常致苦，諸佛愍苦久施樂。
- 一．土無遠近心快極，猶如電話撥即通。（究竟真理遍一切，諸佛同証無差殊。）
- 二．以勝引羨著勝貪，觀佛勝行以三策。
- 三．智光照破我我所，悲願攝植諸功德。（智辨內外持本源，悲攝良暴涵強梗。）
- 四．一心不亂殊不易，須仗大心猛心持。
- 五．戒善淨廣悲智充，熏陶啓導獲益巨。
- 六．深悟無生三業淨，直趣菩提新復新。
- 七．沒有策練堅猛心，缺乏耐受大苦性。
- 八．不畏不求急自証，以勝解慧利世間。
- 九．泛泛稱名心不專，甚難往生宜勤誠。
- 十．智慧化我能見佛，慈悲爲人必忍苦。
- 十一．智思進步語明切，慈行驗心臉寬溫。
- 十二．方便淨嚴踐萬行，特重事實之修爲。
- 十三．不退轉地非小可，六度欠缺絕無分。
- 十四．娑婆含意有二種：「堪忍」「雜會」讚或毀。

十五．「壽、富、康、寧、攸好德、考命終」五世共求。

十六．貪享現樂忘法行，往生琉璃亦甚難。（一句彌陀萬事了，忘卻眾生熬苦惱，請思釋迦與彌陀，三事因中不可少。）

十二月十三日

十七．消三毒災覺自他，延三學壽闡佛法。

十八．念忘集善趣消沈，延倡植福搞熱鬧。

十九．知事不迷制惑業，識理能辨不偏邪。

二十．「資生業等順正法」，藉資財力能成眾。

二十一．一般眾生苦惱根，忘卻平常爭平等；出格之士快樂因，捨己平等學平常。

二十二．呵斥獨尊除等級，提升尊嚴大解脫。

二十三．方法利便廣度化，漸引入勝非究竟。

二十四．信能淨心散悶疑，願必勵己入大乘。

二十五．巧植善根久深固，方便起用澤蔭大。

二十六．作善自策提志神，萌惡自懲整念慮。

二十七．致力克惡必盡絕，操心行善責足滿。

一．知見改正心清遠，智慮通豁行健完。

二．信得成佛大喜暢，解得契法常安平。

三．志堅猶如金剛山，無有魔外能摧破。

四．急於避苦妄求樂，誤於悖理盲從事。

五．徹透邊底出大頭，始終一貫正而純。

六．志決行堅深耐逆，意鎮品卓不遷異。

七．尊則恥倖不乞憐，重則激己常致力。

八．「世間行業屬因緣，是故智者不屬天。」

九．不戀六塵隨世轉，能制六根依法修。

十．法與念應力內發，提煉內力興旺烈。

十一．不忘不倒不受困，知缺知參知廣攝。

十二．智觀勘破獻身心，慈行提當耐血汗。

十三．常聞能持復能行，生大法喜法力足。

十四．義味奮心心力壯，法興豁腦腦神暢。

十二月十五日

十五．養精蓄銳趕前程，力的儲存能發揮。

（人做得直絕自私，豁透惱誘永向上。四力勝解居第一，解勝志堅不退因。）

十六．定共世間慧不共，由慧解脫能動出。

十七．整合身心內澄廓，徹照萬法能自在。（1．健相 2．健行 3．一切事成）

十八．聲聞惑斷習不盡，菩薩惑習俱斷盡。

十九．心住一境不沈掉，層層察解不留滯。

二十．修不設限無了期，學必求滿能耐強。

二十一．定慧相混定掩慧，佛法真義警沈晦。

二十二．定不動心不失念（不受事惑），慧能察機能破邪（不為理蔽）。

二十三．定如水利潤身心，慧如電光照事理。



- 二十四．外道離欲不離惡，佛道欲惡俱徹離。
- 二十五．以定鑑機慧施教，遠離倒謬用無窮。
- 二十六．凌越一切莫能遮，決定直趣無上道。
- 二十七．知無不徹行無缺，命無有實行無怖。
- 二十八．一心不亂離盪滑，任運不偏住等持。
- 一．定不妄動不競逐，慧不昧隔不失落。
- 二．止能安心而伏惑，觀能覺理而轉識。（定治粗率氣息平，慧啓精微思力正。）
- 三．理明事正離惑障，現效後益治頑蠢。
- 四．如大水庫蓄水多，所灌田畝收穫豐。
- 五．心不動搖物不奪，意念寧謐澹默融。

十二月十八日

- 六．不著欲緣不行惡，解開情結化見核。
- 七．防煩惱甚於防火，畏煩惱甚於畏虎。
- 八．無形伏治有形安，不被釣吸不懊喪。
- 九．內外擺脫無暗蝕，淨穩鎮泰身心和。
- 十．精神的改造增強，知見的豁脫徹明。
- 十一．法藉語詮理方明，事須智察業始正。
- 十二．棄捨粗重身心輕，內發強力破障阻。
- 十三．先以定動知久因，後以智拔除現累。
- 十四．容止若思常寧平，即亂即攝即驚悟。
- 十五．慈爲眾需四無首，依慈住戒自他安。
- 十六．絕不可少不中斷，決定毅練決恒持。
- 十七．過如重病極困人，儘速治愈身健快。（修——細密堅定不雜滲。）
- 十八．世未曾說未曉了，迷沈大夢受劇苦。
- 十九．久修圓証脫謬疑，點向光正發菩提。
- 二十．確信自己能得定，久練好樂內發力。
- 二十一．「大賊大失莫過懈」，誓除此賊立奮躍。
- 二十二．天才必藉苦難練，苦難陶鑄成天才。
- 二十三．精誠專注不旁鶩，上進深進莫躊躇。
- 二十四．風雨如晦聞起舞，學佛濟世宜更勤。（苦逼自己學通人，能爲眾生闢活路。）
- 二十五．淨信堅毅無難事，提振志神切誠修。
- 二十六．不坐必亂爲塵轉，久坐必弱令心縮。
- 二十七．進入精神新紀元，內在安和外雍穆。
- 二十八．不間不怠苦撻逼，知缺知無致力修。
- 一．善於用心如用火，一心繫注集大力。
- 二．塵俗浮盪被困吸，解困學定能持心。
- 三．深觀佛相化我相，常修不淨治淨相。
- 四．佛重事相之知明，事相徹明識取捨。
- 五．念能攝持諸經書，經能啓行增悟性。
- 六．欲惡誘唆令馳散，攝注所緣漸安住。

十二月二十二日

- 七．日常中的大用——理明事正身心端。（法力入心心發力，心持正法永發力。）
- 八．不驚不怯不無奈，健毅鎮泰堪撐頂。
- 九．念注於正不散動，知向於明離昏昧。
- 十．專心集念深心繫，綿綿密密細細護。
- 十一．定能安心而健心，念能持心而明心。
- 十二．三性分明三業正，能伏惱障能平直。
- 十三．空腹高心頑狂誤，師心自是不師法。
- 十四．善用其想澄其心，緣相不易亦不著。
- 十五．學必依法治邪謬，修必藉境離空洞。
- 十六．一念相續念成力，小水常流成大河。
- 十七．集中心力不失念，久久熏習成印象。
- 十八．散亂事相耗心神，堅正印象涵德善。
- 十九．善法明記久不忘，所念明現於心目。
- 二十．周遍所緣透偏囿，切入一切察深廣。
- 二十一．淨行所緣離味著，坦朗明豁了不昧。
- 二十二．善巧所緣沒定固，稱順機宜獲益多。
- 二十三．淨惑所緣斷結使，能証佛道契佛懷。
- 二十四．障理昧事造漏業，輪轉三界備受苦。
- 二十五．習定先須離五欲，得淨無漏離煩惱。（定——味定、淨定、無漏定。）
- 二十六．以淨伏染制有漏，淨悟惑斷証無漏。
- 二十七．深自返省厭三毒，平時謹嚴擇重治。（修學務須革新處，嚴治僻性展和性。）
- 二十八．不恕不諒當前斥，勇猛扼斷不共存。

十二月二十五日

- 一．心不鬆脫法入念，法現於念智除愚。
- 二．安心雜亂狂逐物，物象充心被困役。
- 三．眾苦佛愍倡攝心，如大水匯發電強。
- 四．腦海心田極深廣，惟有一心能開發。
- 五．不止不能安身心，不觀不能明事理。

十二月二十七日

- 六．持息與念息有異，持重止妄念重身。
- 七．厭棄貪欲意澹簡，止息散亂正念穩。
- 八．人格最高之模範，仰瞻三德（智、恩、斷）策勸己。
- 九．觀相能轉染穢情，觀想能增淨智思。
- 十．實相如空遍一切，永恒不變常真淨。
- 十一．深心念佛妄惑止，入勝義禪淨慧生。
- 十二．徹知本如絕不疑，知行一致直趣覺。
- 十三．攝相入心心緣相，菩薩相現豁心量。

- 十四．祭酒祭肉非佛法，誨淫誨怒背佛法。  
 十五．大心大誓無畏屈，直發直諾直現決。  
 十六．欲重不恥陷癡行，破壞清淨致危滅。  
 十七．佛與天合佛成天（神），佛天合一法衰喪。  
 十八．以止（定）爲慧受大累，以觀破惑得解脫。  
 十九．修定辨定不著定，學慧用慧不矜慧。  
 二十．一切智相應作意，盡破無明證圓明。  
 二十一．大慈悲心爲上首，盡破嗔恚展大德。  
 二十二．諸無所得爲方便，盡破貪欲行普利。（心用得寬緊適宜，智見悲行常相續。）  
 二十三．意爲三業之主導，意若續繫稱名穩。  
 二十四．意誠心專斂散逸，念淨念注相現明。  
 二十五．五識雜緣外門轉，意識貫持方入定。  
 二十六．勿將短暫無隨計，誤爲即是無（分）別定。  
 二十七．意覺眞佛極誠切，想澄心寂放光說。（二幻數擾腦錯亂，淨聞久熏心現佛。）  
 二十八．念佛能於觀中現，必令持心久安住。

十二月二十九日

- 一．修不失念提心注，習能定緣不他移。  
 二．以相遣相伏內我，我伏佛現漸明顯。  
 三．華嚴佛身類別多，漸次勝妙及圓足。  
 四．急求速成常自誤，內在煩躁心難安。  
 五．隨一所緣住善境，緣誰現誰契因果。  
 六．息不調順身粗動，細密靜斂心安定。  
 七．數隨爲止作方便，止成起觀深觀證。  
 八．入息切勿突然墜，出息慎防倏然衝。  
 九．所緣不忘數不亂，心猿意馬停奔逸。  
 十．息靜心平細穩續，心澄息和恬澹住。  
 十一．心息安定離妄緣，光淨空靈生喜樂。  
 十二．意注於息能凝端（一心照顧），息爲意持不浮漫（一片柔暢）。  
 十三．貪惜漏身學長生，違佛訓示墮常倒。  
 十四．儒者曾談氣與志，以志持氣氣鼓志。  
 （「節概旺烈激義命，不移不淫不能屈」。）  
 十五．培蕃正大生命力，剛直不屈振衰危。  
 十六．「出入綿綿」意默虛，閒靜無繫任運轉。  
 十七．明明的照念頭，即昧即警即扭轉。  
 十八．不落無記汰瑣細，提穩攝專開澄廓。  
 十九．「諸苦所因貪爲本，若滅貪欲無所依」。

一九九六年 一月四日

- 二十．癡障事理不決了，身心昧沈疏擇警。

- 二十一．似醒似昧不明整，若即若離不堅定。
- 二十二．以新影像遮舊相（境），不昧不動不模糊。
- 二十三．微微緩緩風掠枝，輕輕悄悄浪沾船。
- 二十四．沈久必昧性蠢愚，掉久必縱心耗損。
- 二十五．古德善巧三法調：下著安心制飄颻，寬放身體令舒鬆，氣息周遍精神暢。
- 二十六．靜得能安明得足，佛法基礎能奠固。
- 二十七．靜得不明動不正，非沈即掉增貪痴。
- 一．修學最能發力處，善用思力滅沈掉。
- 二．沈必障慧掉喪定，故須堅毅治滅之。
- 三．即提心力自勵勉，擇別事理振昧蒙。
- 四．偏止則沈靜厭世，損滅悲願墮獨善；
- 五．偏觀則浮躁炫己，增益過患毀眾德。
- 六．志神清醒意勢旺，厭患攝斂內鎮平。
- 七．永不中滯不緩怠，如流相續深廣淨。
- 八．獲得人身惜暇滿，更應精勤意銳猛。
- 九．平等則調馴安暢，正直則明準自如。
- 十．風平浪靜潮水順，舟行安穩離攔觸。
- 十一．定能調直心平柔，不弛不弼能和勻。
- 十二．牢記修止的斷修，自勤勤他有依準。
- 十三．心為尊導心遠行，若能攝心心力強。
- 十四．心不離卻所緣境，堅住明隨堵滲雜。
- 十五．心溺於境境耗心，心不染境心寧寂。
- 十六．心細念專警護迅，始能即忘而即覺。
- 十七．不忘念者昏亂少，妄想乍萌迎頭截。
- 十八．善用感情相助勉，巧說知見相修學。
- 十九．淨境熟絡濁相淡，以境融相嚮定德。
- 二十．定為內樂而自發，欲是外樂向他求。

#### 一月五日

- 二十一．智論卷一七說：「囂塵蔽天日，大雨能淹之；覺觀風散心，禪定能滅之」。
- 二十二．「煩惱毒蛇，睡在汝心，譬如黑虻，在汝室睡，當以持戒之鉤，早屏除之」。
- 二十三．貪睡懈墮之誘因，故勤進者常節睡。（定力寂靜情不動，惑業寂靜見消融。）
- 二十四．極細極安極警動，不昧不滑不稍疏。（不受騷擾意專一，解除困惑智明正。）
- 二十五．專注一境堅不動，直見直現直分明。
- 二十六．天晴風和一帆順，穩穩平平自在駛。（止定相似不易辨，準此察驗不相混。）
- 一．不捨正見正思等，心柔心淨趣正定。
- 二．深持深歇深繫注，能簡能坦能堪任。
- 三．引發潛能展心力，曠察一切破識取。
- 四．心極專細安住修，深思遍擇觀察修。

- 五．動、癢、輕、重，冷、暖、澀、滑。
- 六．一般誤此爲得定，吾人應須細慎辨。
- 七．遠離欲惡之誘害，身心輕鬆而悅暢。
- 八．安靜中的堅銳氣，動作中的沈耐力。
- 九．心離粗重心力展，身以心安身亦安。
- 十．初得離生喜樂地，心地震動感奮興。
- 十一．堅安不動身心重，不受魔惑不著味。
- 十二．身心穩正不躁浮，舉止威儀悉端莊。

一月十日

- 十三．止爲安心之重力，亦爲養心之要素。
- 十四．定後修止止發定，莫謂得定便永定。
- 一．謬以明顯爲智光，耽著此境深自誤。
- 二．定能伏惑內寂平，一般雜染暫不現。
- 三．殊難言喻故曰微，脫落纏掛稱爲妙。
- 四．貌相清淨極溫平，爲世嚮慕敬若聖。（魚藏深淵不受釣，心淨不爲世所誘。）
- 五．由讀解義常憶念（聽、受、讀、了、說），由誦增智不倒執。
- 六．以解導行離僻行，以行印解啓正解。
- 七．暫斷修惑見未斷，誤以爲滅起謗墮。
- 八．定慧不辨爲定誤，以定爲慧不進修。
- 九．不加審細周遍觀，妄認一如偏迷如。
- 十．心靜能見世不見，疑似之間動愚蒙。
- 十一．沈不住氣難深入，修不知竅淺嘗止。（欲界——粗苦障，上界——靜妙離。）
- 十二．解脫生死離二障，勝出世間喻二乳。
- 十三．遍見實相詮導明，絕不自是不誑他。
- 十四．慧能鑑定之類別，歷次井然不相混。

一月十一日

- 一．未到地定雖不深，卻爲諸定之關鍵。
- 二．上下分明而有漏，觀未契理悟不徹。
- 三．前三聊勝俗貪著，欣味厭損離沈醉（一實相印畢竟等，融融廓廓絕能所。）
- 四．以慧導定遣獨狂，依定生慧極柔善。
- 五．定爲斷惑之助緣，慧是解脫之主力。
- 六．『舍利弗：是菩薩摩訶薩若見若聞般若波羅蜜。作是念：我見佛，從佛聞法。』（般若爲佛之法身，法身由佛而開顯。）
- 七．大慧善別世出世，悟不生滅契寂滅。
- 八．『於一切法不著故，應具足般若波羅蜜。』『若人得般若，議論心皆滅。譬如日出時，朝露一時失。』『若人得般若，則爲般若主；般若尚不著，何況於餘法。』（驕慢猖狂都歇盡，了了脫脫渾無著。）『諸佛及菩薩，聲聞辟支佛，解脫涅槃道，皆從般若得，是四大人皆從般若波羅蜜中生，是故名爲大。』（斷惑斷習斷圓淨，世不能成畢竟成。）『復次，諸佛恭敬法故，供養於法，以法爲師，何以故？三世諸佛皆以諸法實相（此中實相者，不可破壞，常住不異）爲

師。』『般若波羅蜜，令自致作佛，是我所尊，即是我師，我當恭敬供養尊事是法。』

一月十二日

- 九．一切佛法從此生，淨因勝緣成諸德。
- 十．凡夫識取染著重，聖者智捨淨法圓。（淨有幻有有即空，性有實有有不空。）  
（若聖與仁，則吾豈敢——孔子說。）
- 十一．般若火聚不可觸，觸之即壞永無餘。
- 十二．三乘共般若——無常無我無我所，大乘不共般若——諸法性空不生不滅。
- 十三．內空身心外空境，淨脫遍通無累礙。
- 十四．世間愛見為本質，佛法悲智作淵源。（智觀無著不疾證，悲行無量遍攝度。）
- 一．都無染著極空廓，如鳥飛空不留跡。
- 二．不著善惡兩俱離，般若無有佛遍知。
- 三．信為能入智能度，不著世見向究竟。（徹底澄清祛依傍，直直淨淨刺透邊。）
- 四．所斷不徹不深入，惑習俱盡如虛空。（修証只為速斷苦，証修盡為久練悲。）
- 五．遍學遍知遍攝化，智圓無上畢竟証。
- 六．深入法性法眼淨，遍察法相破諸障。
- 七．般若力大汰懦劣，生死海中顯身手。（以智警福不為覆，藉福培智大開明。）
- 八．「般若為發大乘說，為發最上乘者說。」（悲共世俗慧超俗，慧導悲攝直趣大。）
- 九．於大空中迅奮行，不倦不縮常慰現。
- 十．洞照諸法真實相，遍攝一切大功德。
- 十一．功必克己而破我，德應瞻佛決練根。
- 十二．深學般若大開朗，日照中天萬象明。
- 十三．事理雙照貫空有，証空行有詮事理。
- 十四．空是無量消融力，有為無盡植涵德。

一月十五日

- 十五．的實親切與理應（不貪、不嗔、不痴），心眼徹明脫牽掛。
- 十六．修不著我內靜寧，習不著法外恢廓。
- 十七．不落時空非造作，無數無量無有邊。（三世如如一相味，証此如如永不動。）
- 十八．世智常為情識囿，諸見叢叢由識著。
- 十九．不忽世智亦不著，巧善擇攝淨轉染。（文化學術及技藝，建設世間所必須。）
- 二十．實証劃清凡聖界，不墮異生直上進。
- 二十一．真般若離諸罣礙，世智取著生罣礙。
- 二十二．說有著有墮三有，從有入空悉觀幻。
- 二十三．無方便不知真實，無因緣不成果報。
- 二十四．知辨新舊邪正境，勝解義理制妄識。
- 二十五．止觀兼修不昧謬：學行歷次之大綱。
- 二十六．聞與敬應制亂識，抉擇精準知行實。
- 二十七．聞熏功深獲聞持，法不離念念應法。
- 二十八．悟法必經之層次，捨此求悟墮魔外。

一月十七日

- 一．讀經深解二無義，體現寂滅伏諸執。（精解文字義顯現，義力法光常導前。）
- 二．內持的實不受惑，捨雜從純緣不倒。
- 三．大體分明離乖錯，業緣淨汰不混淆。
- 四．事理通徹淨光照，導入如實安穩住。
- 五．正聞警俗意頓驚，正思諦審辨內外。
- 六．正修整體貫三乘，把緊三正向佛道。
- 七．聞熏如拓荒開墾，刈除草穢及塊礫。
- 八．思擇如鋪路植樹，力求坦平亟培護。
- 九．修踐如交通安暢，止斂觀照透深微。
- 十．實証如虛空淨寂，盡離諸相了無著。
- 十一．思辨思決與思持，持切行堅直向前。
- 十二．經為真理之光源，論為釋經之秘鑰。
- 十三．1．思想精純無懈擊，2．學問豐實采姿多。
- 十四．3．對治透微趣究竟，4．覺証圓明破偏（蔽）囿（遺）。
- 十五．5．普度無私永不休，6．無住涅槃般若用。

（佛後普賢不入滅，悲願無盡故無住。）

- 十六．見正行淨義勝解，能導能覺能行願。
- 十七．增長新知解俗困，對治舊染悟真脫。
- 十八．久熏沁意淨氣質，勤習勵志正力能。
- 十九．不辨名相不知法，惟求廣識易致狂。
- 二十．「末世眾生，希望成道，無令求悟，惟益多聞，增長我見。」
- 二十一．善知當下即生滅，了悟無常治貪著。（無常知變不著常，無我能發節我私。）
- 二十二．勘破當前及過去，徹知未知渡迷津。
- 二十三．依文達義不可忽，藉文能體現寂滅。（貫攝一切無所遺，善示直達趣究竟。）
- 二十四．聞所成慧如燈電，導脫險黑向安全。
- 二十五．教為漸誘直趣本，無教無依如盲跛。
- 二十六．因指見月藉教悟，悟後讀經求證印。
- 二十七．法入於心法用心，起動接待法響導。
- 一．智達空有悉無性，即緣即空即假名。（佛悟緣起破我性，我性若破解空假。）
- 二．直觀緣起顯勝義，世出世間作等觀。
- 三．實相煥豁如日照，無我無法無所染。
- 四．直觀現前驗二無，直行當下了本寂。（深入透底無滯疑，空行無相究竟寂。）
- 五．透脫窒息活脫脫，翻身豁眼氣眉舒。
- 六．二力勤培根漸利，誓願猛策日蒸上。
- 七．知缺奮求愧沸勵，知變銳進喜躍進。

一月二十二日

- 八．緣起一味大小共，說有說空意趣殊。（空門深詮自相空，有門廣演他相空。）

- 九．直接顯示大宗趣，仔細詮演深妙義。（了無所礙盡泯絕，善於施設悉明徹。）
- 十．擇外持內極精純，畢竟空與如幻有。
- 十一．遍計空與依圓有，非有非空倡中道。
- 十二．性空直契佛本懷，源於本教勝義經。
- 十三．釋經詮演該經義，宗經廣攝探精蘊。
- 十四．解緣起幻無所著，行真空義有所爲。
- 十五．詮舉特點溯求本，善巧融貫泯宗派。
- 十六．以正知見轉俗低，汰脫惑業入坦途。
- 十七．的實不僞不偏歧，堪作依準明直達。
- 十八．「世俗諦者，一切法性空，而世間顛倒故，生虛妄法，於世間是實；諸賢聖真知顛倒性故，知一切法皆空無性，於聖人是第一義諦，名爲實」。
- 十九．世智亦有相對用，種種業緣感因果。
- 二十．深信諸佛天眼淨，徹見種種無邊量。

## 二月二日

- 二十一．知見上無真出路，生死中受大苦惱。（世俗識如鐵圈箍，重重緊束掙不脫。）
- 二十二．世間智慧每困人，天啓宗教令人狂。  
知四種緣（1．情緣 2．願緣 3．智緣 4．悲緣）善巧用，相策相導相覺提。
- 二十三．情爲底襯唆逐物，見作媒誘苦執我。
- 二十四．遍知種種心與物，了無實性詮當前。
- 二十五．緣成無實現驗知，真知無實化惱執。
- 一．藉假起用立因果，惱執化除大有爲。
- 二．超常智破妄執識，透脫情見顯悲智。
- 三．學從知妄除執始，修從悟真伏私始。
- 四．真理昭昭即目前，非是超世另有體。
- 五．不著不脫平衡觀，即俗悟真真導俗。
- 六．計有無異爲二縛，知有無等勝成佛。  
（計有無法異，不能離有無；若知有無等，超勝成佛道。）

## 二月五日

- 七．若執另有實性物，還同世間妄執有。
- 八．知與感應造流轉，證由智導向解脫。（群趣群逐如蟻攢，知羶知害亟還爭。）
- 九．面對心察知苦集，即藉苦集學滅道。
- 十．迷相逐相互造苦，悟寂息逐證法性。
- 十一．三途障重二不能，天上欲重定深味。
- 十二．遍通一切無出外，古今一如無變異。
- 十三．理如淨光照當前，能脫險黑向安全。
- 十四．單向固執彼此爭，相對消融自他樂。
- 十五．執事爲理眾被困，證無我理立解脫。（欲離苦惱須知因，思求快樂必解緣。）
- 十六．諸法無我而執我，習以爲常不見怪。



- 十七．觸事不昧細用心，心契法住漸悟理。
- 十八．徹底掀翻揚吐氣，從根豁破邁展快。
- 十九．短狹的平面認識，高廣的立體遍察。
- 二十．著妄起惱造大苦，悟真能安度眾生。（自我敏感倏激爆，降伏真我立靜穩。）
- 二十一藉眾緣成具力用，善巧修爲凡成聖。
- 二十二．知緣不著性體實，能治常斷邪惡見。
- 二十三．察緣知變非究竟，頓息頓轉頓開心。
- 二十四．了解一切假名成，修假化真身心暢。
- 二十五．世出世間二種真，執真與鬥悟真寂。
- 二十六．用名言識而除著，識造緣成觸處勘。
- 二十七．識取智悟能善別，以智糾識脫黑窟。（隨識迷旋葛藤纏，學智悟化解眼蒙。）

二月七日

- 二十八．遠古傳沿習相續，世間聖凡無例外。（慣習不習正聞熏，生人死人之分野。）
- 一．深察世知非究竟，倡闡正見世出世。
- 二．善知假故易不易，次第遣破入真實。
- 三．以名爲義起實執，由執起諍相鬥慘。
- 四．假名相續作用在，身心活動仍如故。
- 五．當前能知假不實，不與一般嘴臉爭。
- 六．無始執取惑累重，執心執境起實想。
- 七．現前分明眾假成，深觀緣生意豁然。
- 八．忽視假施墮斷滅，非撥二因成邪見。（假合能現種種相，作受感報宜慎擇。）
- 九．知緣攝成了無實，若不執實當前安。
- 十．本性本體常真一，從不起用世智昧。
- 十一．依眾而成不堅常，瞬息流變難獨住。
- 十二．無物不是假施設，是故決無獨存體。
- 十三．相對之實皆幻現，既由幻現故無實。
- 十四．修學意趣應肯決，能破能至勿虛度。
- 十五．刺透兩邊中不住，無依無瑕無有極。
- 十六．三假循次勤修習，三業上進脫困囿。（次第了知化執著，開通邁展常豁然。）
- 十七．善學假名化性執，廣觀假名立一切。（辨得清楚知得徹，時時印証層層破。）

二月九日

- 十八．行於假名活得透，世出世間自在遊。
- 十九．了知內涵與外現，不爲所誑能治誑。
- 二十．相對現實有力用，宜須審慎勿疏縱。
- 二十一．警正世俗起正行，正行忍（久）進（大）得解脫（現實融通）。
- 二十二．特重現實正世俗，不相敷衍相混了。
- 二十三．識爲主觀所操縱，是此非彼興見諍。
- 二十四．觀不透底慧不圓，境障依舊隨業緣。

- 二十五．超越常識透底極，直見本相悉開豁。
- 二十六．佛眼明徹正遍知，以易喻難善導進。
- 二十七．思辨不足知不貫，俗爲知困常起執。
- 二十八．深驗深知難解空，不與尋常共蒙蔽。

（驗——動靜不離與念應，知——久應切知亦無實。）

- 一．凡外不通世真相，執世爲實受諸困。
- 二．知得透底直奪我，行得到頭不隨他。
- 三．眾生昇墮由識導，藉識起觀觀轉識。
- 四．有漏言識慎細用，識淨智明趣無漏。
- 五．的實究竟解迷困，坦豁直向大路頭。
- 六．自我之明自誤導，先天之根常見縛。
- 七．相對假設相對用，世諦事相宜審究。
- 八．緣起常住無自性，涅槃如幻非本體。
- 九．自我推求成定見，說此說彼非本實。

二月十二日

- 十．人類設計立種種，如盲摸象各執端。
- 十一．不脫無明不徹知，深學禪慧遣妄計。
- 十二．不求究竟爲見困，徹知究竟覺自他。
- 十三．驗知心物當前明，無實無性悟假名。
- 十四．俗常久久昧忽處，莫知我義作何解。
- 十五．於矛盾處深不安，勤求正知必果勇。
- 十六．全面之知見如實，證圓成後了依他。
- 十七．深達竟實爲宗趣，不滿不倦意健暢。
- 十八．顯現本相無例外，事理底蘊知盡如。

（「盡所有性」知「自相」，「如所有性」知「共相」。）

- 十九．妄執自性生死根，體悟無性假名待。
- 二十．深知無性漸除著，著盡覺圓顯勝義。
- 二十一．一般無始大迷執，天生神生或我生。
- 二十二．妄執絕差狂排他，獨體作崇本來無。
- 二十三．集微所成非一合，亦非實異能存在。
- 二十四．一實之體本虛誑，非由一實成差別。
- 二十五．自性患重諸惑本，照破自性患惑無。
- 二十六．當下活心無所著，當前通人有所爲。
- 二十七．不存主觀深思察，遍了究底知行明（足）。
- 二十八．善學法者巧用識，識正觀澄理導事。

- 一．層層諦察了無性，無性無礙入勝義。
- 二．處樂不戀處苦耐，知幻不著樂勝義。
- 三．不樂勝義終迷墮，浪得人身倏異生。
- 四．不求究竟無修發，隨境風轉驚濤船。
- 五．注力突破自性障，勤學緣起悟自在。
- 六．自性無始生死根，遣除此根法通明。（知五蘊法不取著，修五根力入聖道。）
- 七．畢竟了知徹透明，遍達圓淨更無上。

八．肯決自性感苦根，猛斥直破契實相。

九．學行最應用心處：不為自性所劫持。（癡不離我不解法，日夜常為自性劫。）

十．折騰身心最慘者：第一罪魁自性魔。（自性困吸自加害，斥絕自性通法性。）

十一．正學深悟之基因，悉以此觀為階梯。

十二．深知苦從漏身起，嚴防惑業控身心。

十三．異生最易忽視處，昧卻身心大苦聚。

十四．知緣奪性佛宗本，驗苦破我智觀力。

十五．惑業苦——流轉苦，業惑苦——當下苦。

（息當前苦猛轉惑，根利智強基奠此。）

十六．無常執常縱貪爭，無我執我逞癡諍。

十七．戲論劇病宜速治，二行為本興戲論。

十八．直覺境實為境縛，心為境縛苦叢叢。

十九．自體非此執為此，自誑自誤增自累。

二十．從經歷中勤察驗，諸法無性當前明。

二十一．世諦如幻藉緣有，勝義畢竟性空寂。

（日抽片刻觀性幻，日增智思久智覺。）

二十二．觀幻之念臻明決，深知錯謬息戲論。

二十三．層層披析心通豁，事事觸悟人活暢。

（常用智察當見效，安自感他福慧增。）

二十四．綠蔭芭蕉看似真，剝至最後了無實。

二十五．識尚如幻何況物，內外消融心眼明。

二十六．知無不撥緣合生，解有不執性本空。

二十七．行在無性真相中，一切分明起力用。

（無性無著無所困，慧明悲切推福德。）

一．空觀空成空自在，有見有執有障害。

二．空為佛法之大本，依空觀成正遍知。

三．觀空發心而運心，心地空明心開闊。

四．學空行空無滯遺，不造有漏能有為。

五．解深空義起大用，精勤施設勇度眾。（不修空觀不解脫，空觀隨念日常安。）

六．隨業所感必變化，深觀實體了無有。

七．當前困縛真我崇，大驚自困悟法脫。

八．深知假合藉緣現，巧用假名假悟中。

九．身為凡夫妄執本，觀身不實心亦然。

十．不矜己能集緣成，知感知助知應為。

十一．知緣所起知能滅，惑滅業息解眾縛。

十二．世重辯聰見鬥諍，佛重論證慧融解。

二月二十三日

十三．自性機械沒變化，無因無果無一切。

十四．徹解人法二無我，內無所執外無爭。

十五．世間苦難之根源，自我逞炫大能威。

十六．以我制人人抗我，學法化我我本空。

十七．以智慧消釋對立，運權威消滅矛盾。

- 十八．不執自性化自我，自覺之基奠於此。  
 十九．常觀自他都無性，不暴己性鬥他性。（不與世間所見同，明明確確解真如。）  
 二十．不為自性所蠱惑，自他相處極摯誠。  
 二十一．常觀無性常無惱，心量開廓如空海。  
 二十二．勿誤空義為無有，善解空義創大緣。  
 二十三．倡緣遣性佛特質，依緣起觀汰混雜。  
 二十四．點轉通活脫格套，如囚出獄身心暢。  
     （觀煩惱身即牢獄，猛斥煩惱脫枷鎖。）  
 二十五．勝解假有恥奪佔，知幻行幻幻悟真。  
 二十六．知幻不著淨如蓮，入幻度迷健效佛。  
     （常觀蓮華常學蓮，善瞻佛陀善隨佛。）  
 二十七．內在計畫外安排，己力他力組合成。  
 二十八．解空善用假名有，觀假悟空漸無礙。  
     （空能徹底大改造，頭面極新永光鮮。）

二月二十八日

- 一．察空觀假核緣生，緣生緣滅緣即幻。  
 二．緣生不生即是空，解空知緣藉假成。  
 三．假成不著不撥無，了知空假即中道。  
 四．看似現實現不實，深知不實離牽掛。  
 五．深思深驗深透過，直透直出直無限。  
 六．無性不執常離貪，假有不執斷離癡。  
 七．知假生滅無所畏，悟不生滅本寂滅。  
 八．常念如如常安心，心安智淨常不動。  
 九．法界常住無變異，直觀直超亦常回。  
     （若佛出世，若未出世，此法常住，法住法界。）  
 十．直知當體不生滅，不戀不怖度生死。（直觀法界性常住，直超染緣直勵練。）  
 十一．深明寂靜不動亂，一切時處常安泰。  
 十二．面對動亂知寂靜，不惑不隨不茫昧。  
 十三．悟緣善解無性空，行空暢展無所礙。（開開通通事理明，鮮鮮活活身心暢。）  
 十四．徹底了知具體變，全盤解決無限創。  
 一．適宜恰當無流弊，善巧無礙施設多。  
 二．無量觀察無際限，理事遍明智通圓。  
 三．知合無實無自主，無主無著無所困。  
 四．四門不生破能生，能生破已悟緣生。  
     （外執實有因能生，內破實因不能生；以因為有所合成，亦復為有所破壞。）

三月一日

- 五．了卻染緣証解脫，創積淨緣趣菩提。  
 六．知有如幻善察用，昧幻執實苦重重。  
 七．斷滅寂滅宜善別，不墮斷滅求寂滅。（斷滅極邪無作見，寂滅善學無極慧。）  
 八．實生執常縱貪欲，實滅執斷恣邪惡。

- 九．執常永佔起倨超，執斷任性窮現滿。
- 十．體解假名說生滅，不著生滅息輪轉。
- 十一．緣生不生破四生，破已淨修法生身。
- 十二．有是潛在必生起，生已雖滅滅還生。
- 十三．修學特重淨智擇，追究到底遺疑撥。
- 十四．這般因緣盡妄見，觀此妄見悉無實。
- 一．生爲苦本亦見本，好生愛生俗所共。
- 二．佛觀鬥亂從生始，智察生因闡無生。
- 三．假緣之生具大用，是故佛亦倡善生。（善生護生大有爲，最愛受身喜捨身。）
- 四．直觀自性不能生，性見破除堵生因。
- 五．一般淺識執自生，是故先遣自生執。
- 六．存在不在二相違，諦審自體不可得。
- 七．聯鎖詰問矛攻盾，瓦解自體不成立。
- 八．性耐心毅嚴察核，明切決了不受誑。
- 九．靜的洞照無自体，動的印証無自私。
- 十．自既不生他亦然，既破自生他亦破。
- 十一．眞他不須藉假緣，是故眞他亦不生。
- 十二．眾緣合生無實性，性無他生極不成。
- 十三．依他決非獨能生，七、八相依常輾轉。
- 十四．深知依俗假立他，二体對立執化除。

### 三月四日

- 十五．陰陽合生世執常，既由合生自語違。
- 十六．肯認因果從緣生，四生妄見盡破除。（外執有體內則破，若不執體則不破。）
- 十七．因不自因由果顯，果不自果由因顯。
- 十八．深知緣生假說生，饒益自他四力具。（1．正 2．新 3．健 4．圓）
- 十九．因緣之生不非撥，藉有悟空臻勝義。
- 二十．緣生無性無有量，因緣網絡相關顧。（如帝珠網光光映，明見明通無障隔。）
- 二十一．厭生畏緣急了生，度生創緣樂受生。（悲願之生）
- 二十二．善知一切本不生，蕩絕無始生死根。
- 二十三．生（愛情之生）爲身心酷戀根，斷卻此根（眼）大（手）快（命）健。
- 二十四．團攝所成假名我，了無實體非堅久。
- 二十五．不知和合起我覺，妄執自他相衝撞。
- 二十六．橫執二我聚一身，一切惱障交相逼。
- 二十七．審知二執纏身心，二六時中謹細防。
- 二十八．最大敵人即是我，防我亟於甚防火。
- 一．若不知我是什麼，死活都被我包圍。（愚夫常爲我盤纏，愈盤愈緊愈增惱。）
- 二．世見淺陋妄推求，如蛛結網還自困。
- 三．現未常爲二体縛，重自輕他增慢愛。
- 四．三有常熏根督亂，六趣流轉輪上下。（三善趣中佛重人，正信增上直趣佛。）

### 五月二十二日

- 五．深觀我空法亦空，如皮不存毛自無。
- 六．妄執爲樂互競逐，爲樂而生樂致死。
- 七．藉權運威矜炫己，從法生力警治我。
- 八．錯認獨立造孤立，自由翻成自陷坑。
- 九．無間現行極強烈，自宰主他相鬥殺。
- 十．二我特質細擇別，徹知我患猛斥我。（最大之敵乃自我，誓破此敵覺臥安。）
- 十一．深知二我自性空，亦知諸法不可取。  
（「常樂我淨」兼綜二，離染應先觀不淨。）
- 十二．能伏自我行無著，教他無著自他利。（不尋常者不計較，能無得者能無量。）  
1．因實起執增苦惱，悟緣感恩消障礙。  
2．現實不實活透樂，未了不了死不怖；不實中實察無間，不了中了行無得。

#### 五月二十四日

- 十三．「善用我心」知如幻，以幻觀心心離我。「彼時某某者，即我身是。」
- 十四．即蘊計我墮斷滅，離蘊計我執眞常。
- 十五．智觀正理性本空，不即不離知續起。
- 十六．身心質幻不堅住，以五破一揭虛誑。
- 十七．智觀直見緣所成，解除神我離倒執。
- 十八．四大各隨自性轉，不如人意常相惱。
- 十九．世諦巧立假名我，不即不離破即離。
- 二十．直破直顯當前緣，善用假我漸自在。（緣起遣性顯實相，苦迫破我祛妄執。）
- 二十一．大驚自我久累己，假我接待造喜慶。  
（巧用假我善解空，身心柔明喜慶溢。）
- 二十二．若我真能用足等，足應常行實不爾。
- 二十三．蘊我相在應有體，而實不見體若何。
- 二十四．人在床上一—人沒有離開床（人屬於床）；  
床上有人一一床沒有離開人（床屬於人）。

#### 五月二十七日

- 二十四．1．法生苦生，法滅苦滅。
- 二十五．智照境明我執化，執化內外常坦然。
- 二十六．細察相續似統一，解假內外消二執（我我所）。
- 二十七．解佛本意殊不易，印持二假遣妄執。  
一．諸法雖多無有量，歸納不出於我法。  
二．我爲執本若能離，法執必然無所依。  
三．法爲我有我執法，身心常爲法所困。  
四．繫屬感重強力護，擴張吞併永無厭。  
五．假合眾緣暫現用，欲求實質永無有。  
六．我法並說特重我，悟入我空法亦空。  
七．二空一味非乖違，惟中觀者見此義。  
「我及我所無，有爲無爲有」一一一切有部。  
八．我爲惑苦之根源，爲破惑苦說無我。

- 九．以法不空說法有，故以本教為有教。
- 十．「阿毘曇」、「阿毘達磨」、譯為大法，無比法；大法、無比法，乃真智之尊稱，凡論部為發生其真智者，故附以大法，無比法之名．．．．．。
- 十一．二空本為佛所說，根有利鈍大小別。
- 十二．般若廣說諸法空，從緣所生故性無。
- 十三．惟識雖說二法空，但遍計空依圓有。
- 十四．鈍根畏苦急求脫，利根性猛廣修學。（積善無廢謂之修，辦法不雜稱為學。）  
最起碼的修學：不受人情包圍，不忘佛法解圍。

五月二十九日

- 十五．直觀諸法本性空，身心健淨契二無。（無畏無慮）
- 十六．無我法空本無別，方便了了一分二。
- 十七．二空同入波羅蜜，以俱無性故能入。
- 十八．佛法純淨無歧途，惟空能趣涅槃道。
- 十九．執莫重於我我所，能破重執餘亦易。
- 二十．畏死厭苦二乘共，菩薩觀苦策悲濟。

（二重離欲直趣脫，菩薩願切踐「無極」。）

- 二十一．深觀法空大誓應，菩薩以此與二異。
  - 二十二．自覺感斷所作辦，不復進求故不說。
  - 二十三．無我所中含法空，能知無所不執法。
  - 二十四．身亦是法觀身空，身空推知諸法空。
  - 二十五．特重解脫先破我，極重久學後破我。
- （遍應時風倡解脫，根利方能體佛懷。）
- 一．我為諸惑附著處，欲離諸惑必破我。
  - 二．以法（法空觀）知法（萬有）不蔽法，法不著心心悟（我）空。
  - 三．根別說有明或渾，空性一味無二別。
  - 四．聲聞深証無我空，大經讚德如虛空。
  - 五．二空本一觸類通，故知法空我亦空。
  - 六．見造情續生死根，見滅情歇生死了。
  - 七．二見（我、我所）乃為二種（生死）根，破此方能悟般若。
  - 八．經說象迦葉比丘，觀諸法空都無著。
  - 九．常觀生法都是空，不起我見內寂平。

- 1．「若有如是人，知無我法（空）者，聞有則不喜，聞無不驚憂。」
- 2．善從柔始化意氣（不怯懦），正從明始辦法相（不求靈）。

五月三十一日

- 3．佛說緣起破「我作」，邪正二道應辨決。
- 十．四念處中先觀身，身為貪著之本故。
- 十一．若無有身心無依，心依漏身起惑業。
- 十二．心清淨故國土淨，自淨其心諸佛教。
- 十三．業由心念所引生，故應慎防初動心。
- 十四．執身為淨為獨實，因身縱欲相爭殺。

(儒者深知縱身患，故重「修身」嚴「克己」。)

十五．飲食戲樂都爲身，耗喪資源增染難。

(不求生天求成仙，健羨長生酷戀身。)

十六．誤安爲常著樂淨，無常鬼殺大苦集。

十七．生滅相續如簷滴，剎那不住妄執常。

十八．執心常住著樂淨，「梵王舊說」菩薩斥。

十九．以身累心憂如焚，制身安心離惱患。

二十．嚴重罪惡由身造，能善觀身不妄作。

二十一．涅槃經一曰：「頭爲殿堂，心王居中，如是身城，諸佛世尊所棄捨，凡夫愚人常所味著」。智論十九曰：「．．．二世因緣以成身車，識牛所牽，周旋往返。」

二十二．五惡見中身居首，若斷此惡餘亦斷。

二十三．逼身逐境由來久，令其觀心殊不易。

二十四．能滿施度忍捨身，凡視極難聖喜易。

二十五．「愛莫過己」金口示，煉身成佛太荒唐！

(求靈求明應慎擇，求靈致悔求明安。)

學——思想的徹底革新，修——行爲的決意振健。

六月三日

一．凡夫特重身安適，聖者深觀心明寂。

二．觀身不縱制重惡，防口不暴息烈諍。

三．警意不昧持正法，學此行此常安樂。(正法亦名四聖諦，體解四諦離四倒。)

四念處的觀照次第：1．由內而外 2．根身觸(境)受(染)

3．驚心(遽幻)無常 4．總觀無我 5．返觀破我。

四．我爲惑本諸見藪，不著於我所亦離。(著情則昏亂背智，緣法則清寧祛我。)

五．智思不忘大菩提，慈行不置苦眾生。(警時察情求淨智，解空悟緣練大願。)

六．緣起性空驗心境，息滅三毒離諸苦。(一切法不信則信般若。)

七．不隨識轉隨智轉，深見究竟寂無染。

八．念不離緣不執性，執消空通解有困。(想爲相縛念解縛，提念抑想智悟法。)

九．般若現前無失少，身心靜穩無憂惱。

十．世俗語言戲論本，有漏身心障解脫。

「計有無法異，是不離有無；若知有無等，超勝成佛道」。

十一．證入寂靜泯二不，超越相對悟平等。

十二．空等假立遺有執，悟空執消有無等。

十三．墮入時空常流轉，了達性空入法流。

十四．有質有量受困陷，無質無量無障礙。

一．眾生情願常雜受，菩薩本願悉償還。

二．上勵下練不倦怖，普爲一切常喜慰。

六月五日

三．願不厭劣更化怨，行能耐苦久不証。

四．佛與二乘不共處，一切種智遍圓明。(1．一切智 2．道種智 3．一切種智)



- 五．深修法空破法障，恒順眾生集福慧。
- 六．福從慈和「愛語」生，慧從思正「淨念」來。
- 七．得純無相業自在，二化隨機能普應。（無相無障故自在，教化變化不離眾。）  
（1．身現通 2．語說法 3．意鑒機。）
- 八．根力足滿重感斷，智淨理明事相正。
- 九．妄念繫著常盤迴，取執不捨必成障。
- 十．分別、求實、墮自性；此三盡是凡外見。
- 十一．證悟之基奠解悟，解悟之基依三慧。  
（新知解緣警非二，思能制惑修趣正。）
- 十二．都不思量常昏沈，懵懵糊糊墮無記。（分別諸法達法性，契證涅槃了無著。）  
（法歸分別，聖歸涅槃。）
- 十三．誤定為智障正理，學慧導定証真如。
- 十四．無分別義善體解，正知正行能正證。
- 一．證從正來藉正聞，覺從善來依淨善。（欲藉正聞增解悟，少看電視耐智視。）
- 二．不學正觀不契真，動搖莽闖常暈轉。（無我假名成新思，意氣融消汰舊執。）
- 三．突破僮侗力求明，遠離二誤法眼淨。
- 四．能善了知無分別，根業利健不隨他。
- 五．善學慧學無分別，不墮虛茫空靜坐。
- 六．善巧分別諸法相，通達假名悟法性。
- 七．自性自縛不見真，突破自性入正覺。
- 八．世間妄染現似有，深觀自性本來無。

六月七日

「我於脫汝疑，必無自在力；要汝見勝法，方能越瀑流」。

- 九．執取自性諸惑興，佛號空王徹悟空。
- 十．自性如枷如鐵腕，智劍斬斷身心暢。
- 十一．一絲自性都不著，能捨一切攝一切。
- 十二．自他相隔從來久，悟欠償饋惟利他。（緣依相助）
- 十三．深觀無性悟緣起，緣滅緣創意淨健。（淨不著我內安寂，像不捨眾外雄和。）
- 十四．佛法最極善巧處，以智分別破執取。
- 十五．知性不得伏貪愛，行空無間積智證。（貪味著）  
（精美飲食作毒觀——子肉想，粗糙飲食起福想。）
- 十六．智證不離善分別，不壞不違大方便。勝解悟幻能轉幻，久學契真不住真  
（空）。  
1．「心持半偈，萬緣空」。  
2．「生滅滅已，寂滅為樂」。
- 十七．直破自性悟幻性，無得無障無有量。
- 十八．持堅正心練六根，根淨法明漸趣勝。
- 十九．祖說佛說善抉擇，直會佛意隨佛覺。
- 二十．祖學掩蓋佛學久，深學佛學擇祖學。  
（敬重祖德致力效，吸其精粹捨相似。）
- 二十一．三慧為因證三乘，諸佛金口所共說。
- 二十二．開示新知糾舊識，導入正行脫險黑。

(了知真俗不味離，巧借世間覺世間。)

(遍歷勝境攝集豐，直前直上直趣真。)

二十三．身心倏變無力住，凡外執性實自誑。

二十四．「自性」「緣起」嚴擇別，生人死人從此分。

二十五．觀性無得離二著(內外)，智證真如了無別。

二十六．盤桓逗留於邊緣，雖觀勝義難契實。

二十七．臨證善知不著相，『順道法愛』自遠離。

(日日是好日——自我控制受得了，自我是苦惱根——以緣破此執。)

### 六月十日

一．修——不能而成爲能耐能當——健人，學——不知而成爲能知能通——明人。

二．事理分明驗當前，無相無性悉如是。

三．不撥假名知緣生，不著自性離見縛。

四．知有即空化對立，依空立有非斷滅。「無作無我無受者，善惡之業亦不亡」。

五．心不昧散常徹察，名不妄執必透出。

六．空不著我意底淨，有能觀幻眼前明。(生不欣樂死不懼，志勝金剛莫可壞。)

七．事理分明祛封蔽，深確熏陶久自然。(二法一貫不偏重，直直平平不倒簸。)

八．善用散心心不逸，如蓄流水成大流。

(一心導三業，敬心斂六根，常能持一敬，不隨妄識流。)

九．深觀細審不滯滿，深入深安透邊底。

十．止觀雜修緣無性，深離自性悟更淨。

十一．二事雜修觀前導，故能不偏於安住。

十二．無可當處了無戀，不味不厭能澹廓。

十三．三慧觀無不著有，空有無礙擊乎此。(空能徹絕有能足，有能普回空能圓。)

### 六月十二日

十四．觀發輕安淨定住，動靜明穩極堅正。(無分別慧不起惑，無分別心不動念。)

十五．自性遠離妄執息，慧安相應任運行。

十六．天晴浪靜萬里明，一帆風順自在航。

十七．自性盡絕空亦亡，如雹擊草雹亦消。

十八．初及七地得無生，八九十地入佛慧。

十九．都無所見離世見，蕭然頓脫淨落落。

二十．離相見道大乘本，盡斷妄執絕不共。

二十一．重點突破除核結，凡聖界劃從此明。

二十二．不放縱自私情見，不蹈襲故常機械，能堅持佛法大體，能獲致現效後益，  
淨智巧攝不誤導，大悲恒護決不捨。

(理性清醒德行真，智悲之基極深固。)

二十三．脫節毀基好躡等，自誇圓頓味深義。

妄談圓融味嚴擇，深護正法務苦學。

二十四．知次進修不好鶩，內淨外健不掠(虛)沈(空)。

一．印決此爲不二門，眼淨腳穩辨主伴。(身心手腳與佛法，相應無脫久淨穩。)

二．佛若不說真般若，世出世間無正見。

三．自性生死癡結本，突破此本心眼豁。

（「新人類」中新新人，一新透底惟般若。）

四．握此特法常服膺，離諸戲論不隨他。

五．戀有深爲有所困，佛說性空導三有。（膠漆相投）（破有法王）

六．連說二善意殷切，離此不得真解脫！

七．生天享樂樂極悲，深定甚醉醒驚墮。

八．體悟般若入深空，空淨離我罣礙無。

九．倒夢之生由性我，智破性我能遠離。

十．行深般若無所得，無得能得大菩提。（般若開示入不二，永化墮二趣大覺。）

六月十四日

十一．悟入之因深般若，惟此斷惑佛法本。

十二．照有不昧集福智，行空無極大通成。（根利先從不著福，性善都由勤積智。）

1．福化爲力不墮劣，智化爲光不行（受）誑。

十三．無著無遺無偏謬，受用圓充離二患（驚喜）。

十四．不入般若法空門，無筏渡海漩中流。

十五．面對真相斷惑慮，知見徹新大通明。

（善治心者應牢記：常能明用不暗盤。）

十六．不離一切之真相，如水行地同濕性。

十七．同證法性同解脫，德慧偏圓有差別。

十八．依緣覺證不共世，盡破世迷能覺世。

十九．三種大迷緣盡破：梵造天生及我宰。（銳捕自我猛自覺，捕獲嚴治慧悟增。）

二十．現實分明透表裏，無有一法離緣起。

（了緣續緣智擇定，善巧淨緣涵雄和。）

雄——整足無缺極自在 和——渾消不暴常怡溫

二十一．理深事隱殊難解，利明鈍味巧別說。

二十二．佛智凡識距極遠，直說所覺世駭異。

（1．「隨他說」2．「隨自他說」3．「隨自意說」）

二十三．爲令世間易信受，於一乘道分三、五。

二十四．條別釐列爲三系，大乘源流明演變。

二十五．法性本空無自性，佛坐道場圓悟此。

二十六．擇別三性極精嚴，種現熏生智轉識。

二十七．淨因本具塵垢覆，破障即成大圓覺。

六月十七日

二十八．坐道場時智無得，空拳慰兒度一切。

一．有漏識種盡虛妄，正聞熏習無漏附。

二．當體眞常自性淨，特重二事斥縱斷。

（「扶律」返溯聲聞戒，「談常」誠治斷見空。）

三．二種「法性」義有別，本空本具性有無。

四．於乖角處諦審思，探源見實亦重餘。

五．權設方便未究竟，眞實圓了無餘遺。

- 六．普爲諸乘攝無遺，中道應理非空有。  
 七．教不契理須分別，佛性有無彼此異。  
 八．以無所得爲究竟，彈他炫自興諍論。  
 「實智慧者：四邊叵捉；如大火聚，亦不可觸，法不可受，亦不應受」。  
 (1. 多聞 2. 智慧 3. 捨離)  
 九．著得增執障之本，深觀無得無所障。  
 十．明決中正爲了義，理不允當爲不了。  
 十一．般若能證深法性，昧此永淪於業海。  
 十二．一般圓頓大混雜，背佛宗趣墮四化。  
 (1. 梵化、2. 神化、3. 俗化、4. 穢化。)  
 (四河入海同一鹹味)  
 十三．擇定了否取捨決，不撥不住決依持。  
 十四．化融自見超流俗，體契佛懷作定準。  
 (「見緣見法」本空寂，「見法見佛」「非非法」。)

六月十九日

- 十五．深解般若無相義，無染無畏能方便。(空能遣見有盡通，有假空空空大用。)  
 十六．徹悟般若行方便，如火焚物亦熟物。  
 十七．實有成風味法本，聞畢竟空難深忍。  
 十八．撇脫異見超門派，直從本源求真實。  
 十九．不墮成見詮勝義，佛法淨光豁心目。  
 二十．的持旁貫不矜誹，行己化眾巧導進。  
 (法從緣生無定性，深照無性達實性。)

六月二十一日

- 二十一．法即般若二根本，發悟依此貫始終。  
 (菩提洞照諸實相，涅槃泯絕悉無相。)  
 二十二．教爲佛聲善詮證，依教成學事理明。  
 (理——準則不變，事——瞬息萬變。)  
 (1. 法性——本來如是 2. 法住——必然如是 3. 法界——普遍如是。)  
 二十三．佛重安立一切法，世出世間層次明。(善法有漏難斷惑，聖法無漏脫生死，  
 佛法圓覺平等脫，普設化法應群機。)  
 二十四．智觀現實不迷謬，心持正法必練達。  
 二十五．涅槃三共趣寂滅，菩提不共惟佛果。  
 二十六．四諦爲本諸佛共，首應知此斷證明。  
 一．宏大乘者不忘此，深知三乘源本同。(空能攝涵三法印，大小源同器量異。)  
 1. 無常爲空初門 2. 空爲無生助門 3. 無生助佛道門  
 二．不執己見學教證，敘明三大立二果(業、道)。  
 三．佛法特重於業力，業力存在必有依。  
 (「業感緣起」諸佛說，「由此故彼」正見本。)  
 四．人之動靜皆起業，隨業流變感異熟。  
 (1. 變異而熟 2. 異時而熟 3. 異類而熟。)

「1. 不生滅法中不作分別相 2. 若分別憶想則是魔羅網 3. 不動不依止是則爲法相」。

五. 世情著有故難了，勝義悟入離障纏。(意象雜染叢叢現，臨行悲酸熱惱沸。)

六. 名句方便助聞思，甚深般若離言心。

七. 我生倒執生死根，無生空寂顯究竟。「其小無內」

六月二十四日

八. 大分深義所謂空，空亦復空最決了。(新新淨淨大了達，不執四句離四相。)

九. 緣成無實細察知，因果互變驗現前。(動靜觀緣不滯性，印心印境漸契空。)

十. 不執名言起戲論，無文字法最究竟。

十一. 真空無相不安立，幻有成境緣所現。

十二. 知從識起深取著，得爲欲誘障寂滅。(無得之得所得多，化除對立內外活。)

十三. 佛我二如假善會，我消法融觀寂平。

十四. 見法可取皆成過，佛於本教久開導。

「不見一切法可取(著)而無罪過者！」

十五. 於幻夢中作佛事，化融對礙永不休。

十六. 無視世俗假施設，誹撥一切大邪惡。

十七. 妄執真我大苦聚，善用假我眾德成。

十八. 細察細治細嚴切，深耐深蓄深淳懇。色——1. 質礙 2. 變壞

「有相無相無差別，至於究竟終無相」。

十九. 義妙譬絕故稱深，導入無相顯實相。

二十. 空不執我善用假，有不昧法常悟寂。

(入世用假離遍計，出世悟寂不「孤調」。)

二十一. 勝義空絕無一法，行空化有巧度眾。

(1. 有空並觀 2. 空有無滯 3. 即有明空 4. 即空脫有)

二十二. 無法可立無所著，融融了了畢清徹。

二十三. 空不壞緣立一切，驗緣解空無定法。

(當下知空當知幻，知幻趣空示「不定」。)

二十四. 無性無常緣升墮，具大善緣必成佛。

六月二十六日

二十五. 依緣成法觸處明，察緣體空善成眾。

二十六. 善惡肯認極警奮，善根善力現善相。

(心柔臉寬語溫厚，輕己重人敬等佛。)(內柔外寬中平正)

二十七. 依緣迷悟知擇緣，踐淨汰染悟轉迷。(大攝大化)

二十八. 力毅能充堪受消，一切利害觀空平。

(日常觀熟非常現，苦樂交加終莫奪。)

一. 二不懸胸呼聲震，嚴寒酷暑猛奮躍。(令人生命熱能充，倍加策練驚負喪。)

二. 大心深信空成立，淨因圓果操諸己。(練大荷力必先耐，積大通智儘快忘。)

三. 空義(如虛)空(般公)平無迎拒，善學空淨無所礙。

四. 善成一切世出世，遠離偏執闡整全。(人莫不奮於其所不足)

五. 空絕自性緣相應，法住智觀必如是。

六．幻現不著度迷幻，空淨不住成佛基。（現實否定全顯示，無失無少幻觀淨。）  
七．幻不礙空能淨悟，空不昧幻必圓達。

（1．徹底革命 2．成立一切 3．透脫一切 4．圓成一切）

八．空假二諦即中道，諸佛悉依二諦說。  
九．淨創膽識莫能屈，二行（空有）相濟不相乖。  
十．諸法無性真現實，悟真現實向解脫。（徹知有幻善淨用，眼活胸廓暢脫舒。）  
十一．唯識定義有二種：一切境相心之影。  
十二．諸法即識不離識，唯自心現稱唯識。  
十三．外境非實惑執取，唯有內識為真實。  
十四．二類時教非了義，非有非空為中道。  
十五．真性自性不相同，擇判此二不應混。  
十六．無更過上極肯信，知行正淳不惑退。

六月二十八日

十七．見地堅確不遷異，三生（生命、生活、生死）勤持光力足。

1．命光發輝智光 2．活力發達通力 3．善死能制流轉

十八．般若無性無所障，悉見悉了悉度攝。

（虛融即前廣施展，二重天職肩挺荷。）

十九．知行正大伏斷惑，建立解脫之基因。

二十．福德遺罪治貪瞋，智慧察理破癡邪。

（1．多見佛 2．多聽法 3．多親近善知識）

二十一．心淨不疑苦愈練，見正制邪樂不戀。

二十二．經證諸法皆無性，即顯無性為了義。

二十三．解徹消絕內通明，法能成力慧導達。

（達空合理了無爭，捨有成事絕不藏。）

二十四．通達善修勤無已，興昂意健証最竟。

（假觀透底的真，血沸命空普為眾。）

二十五．導有印空空不斷，行空察幻了無著。

（慧觀達空能見佛，悲行攝眾不耽情。）

二十六．能證實相離誑亂，能入法流淨法身。

二十七．具足必能信無性，無性無量德無上。

（了卻絆礙無怯縮，勇往直前為必為。）

二十八．廣植上善不倦厭，三輪不著無齊限。

一．解勝慧增二堅恆，三不操練還須積。

（二：身、心）（三不：不惑倒，不求倖！不退沒。）

二．雖信不解意模稜，不堪成就真力德。（必於正法堅印持，能禁劇苦不退轉。）

三．我見障重覆正法，迅猛調伏免自傷。

四．誤解無性為無有，不知有患示空脫。（空卻主觀察一切，所知所行如日照。）

五．空觀導行益極大，昧於空義反喪慧。

六．以盲引盲相誑誤，失正知行誹性空。

七．因無五已知行劣，橫興大謗遮慧眼。

62

七月一日

- 八．畢竟空慧大覺因，非器難受見昧倒。
- 九．深空難信執常有，不知無常空初門。（信之定義喜好樂，內淨外正知擇取。）
- 十．說解深密止謗空，爲度五事不具足。
- 十一．一遣二許慰頑執，冀彼五具悟性空。
- 十二．佛最善巧不遺一，能導三眾向上進。
- 十三．尋繹經義深讚空，與佛本懷極相應。  
（當下否決活脫脫，空之大用立現前。）（汰除壅塞）
- 十四．空義究竟分明極，只爲根機有差別。
- 十五．深密轉爲淺顯說，般若深密本一致。
- 十六．根厚悟深空能立，廣培（福善）細勘（諸法）深觀（勝義）了（知空）。
- 十七．利根了達本如此，二非（非深非密）昭昭觸處是。
- 十八．不善解空致困誤，學空巧度入佛海。  
（達空行幻二無礙，不溺生死不求脫。）
- 十九．鹽喻性空本如此，行空畢淨大莊嚴。  
（透底蕩絕打頭起，空來空去空成事。）
- 二十．根利機敏自能通，必奮必勤深擇思。
- 二十一．般若會上眾根利，一聞二唯解了義。  
（釋尊教法根本義，不執法相非法相。）
- 二十二．深練（忍進）廣積（福慧）五事具，不深不密不倖喪。  
（不倖不悔，不壞不喪。）
- 二十三．念頭心底五事銘，般若無相無量盡；  
（「成熟相續」更廣學，「多修勝解」致大行。）

七月三日

勝解無相無量盡，願健意昂度無極。

（空立有行空成有，大空幻有有印空。）

- 二十四．五事不具根機差，方便漸誘示顯了。
- 二十五．解空依緣非斷無，依實立假誠撥無。
- 二十六．假有無性治妄執，依圓實有含警勉。
- 二十七．依蘊立我重實事，承西北印舊學統。
- 一．特重依處立實有，爲防斷滅壞諸法。
- 二．體會古德立說意，捨執倡真利世俗。
- 三．不解名假立性別，隨名妄執種種相。
- 四．依他心識是實有，從緣所生立自性。
- 五．境相假名所安立，境非實有故無性。
- 六．倡緣力有離自（生）過，亦復防治惡取空。（最大惡見——無作邪見）
- 七．別立假實示邪正，導眾肯認依緣力。
- 八．緣所生法離言有，是故緣生有自性。
- 九．自性不失各生自，因果分明不混亂。
- 十．中觀戲論範圍廣，二宗於此分空有。
- 十一．幻有實有觀法異，立教意趣有差殊。
- 十二．依法（所生）執我都無性，二家公認無異議。

十三．佛重五具善解假，空能成有理中正：（達空合理了無諍，捨有成事絕不藏。）

七月十五日

十四．1．無限活力耐不屈 2．無際空性展不囿 3．無極涵德等不慢  
4．無擇發心頑不厭。

（平得永不離凡俗，澹得絕不炫尊威。）

5．無量福果盡回施 6．無住化度不入滅。

（時不離智光標正，空能展慈悲幢高。）

十五．五缺誤解空無有，新解實事漸入道。

十六．漸學五事漸具足，背此絕難入佛道。

十七．如來意趣導歸空，爲缺五事漸示深。

十八．深密了義方便說，執方便實障菩提。

十九．真空能遣自性執，幻有必顯緣所成。

（平得不激直不捲，空能大化有大安。）

二十．空爲證本佛行空，昧此無由入覺海。

二十一．別解龍樹同顯了，正與深空相乖違。

二十二．俗有真空契中正，不撥不著本性寂。

二十三．空假了義立一切，呵斥方廣及說有。

「未曾有一法，不從因緣有，是故一切法，無不是空者。」

二十四．二不應共器量狹，忘卻無諍興鬥諍。

二十五．勘透種種都不著，依緣建立世出世。

二十六．五具勝解性空義，不斷不常不退沒。

一．諸佛二說適眾機，導入寂滅歸無得。（方便多門攝多性，圓滿菩提畢竟空。）

二．依緣而起是實有，簡非遍計本無性。

三．漏識緣起屬妄別，境空心有基奠此。

四．無始流轉妄執熏，是故無漏從未現。

五．重惑業斷漸脫障，決定直趣入無生。

七月十七日

六．有漏無始相熏增，無漏聞熏新寄附。（欣聞無漏厭有漏，嚴切堵漏憶無漏。）

七．賴耶攝持諸染種，故爲諸境所依止。

八．如大庫藏盡容納，業種成熟藉緣現。

九．種子皆由前七熏，依種起現心根等。（心及心所、根、塵、器。）

十．諸法生熏又成種，藏於賴耶待緣現。

十一．賴耶能攝諸種子，因果成立離二過。

十二．自相依緣起現行，緣有故相亦是有。

十三．種子依於賴耶識，妄別緣現不紊亂。

十四．活力不失稱種子，從種生現永如是。（人之憶念極複雜，察持正念增淨種。）

十五．緣具種熟即生現，現必待熏乃成種。

十六．『功能差別，不是說種子與種子，或本識間的不同，是說能生彼法的功能有特勝的作用』。『假使百千劫，所作業不亡，因緣會遇時，果報還自受。』

十七．種必藉緣方生果，能免妄執諸過患。（重視世諦確當性，一般因果知取捨。）



諸過患：1. 自生、自我生 2. 他生 3. 無因生 4. 神生

十八. 二觀迥異空有別，深察嚴擇知了否。（知心無性超心限，遍觀一切圓覺本。）

（空能整觀人與物，有能不忽智與慈。）

十九. 迷執外實興鬥爭，導觀內識漸悟入。

二十. 內識現似外境有，雖有非實倏變異。

二十一. 非有能治增益執，遠離增執惱患少。

二十二. 凡愚久執外境實，串習錮蔽成直覺。

二十三. 內省於心成對境，強烈肯認我語取。

二十四. 名言、戲論二執堅，深觀即知無自性。

二十五. 假雖無性依實有（喻如身影），本識實有不應撥。

一. 非無能治損減執，遠離非無見行正。

二. 若無本識無所依，非撥二事成邪見（有漏與無漏）。

七月二十九日

三. 識妄不離自相有，所現熏生依緣故。

四. 境熏於心成種習，種習不失依本識。

五. 識種生時境象現，識為能別境所別。

六. 昧心著境為境困，點歸心識解境縛。

七. 二種有無應分明，種生性境決定有。

八. 依他因果不離緣，一切能立識為性。

九. 本識性境都是有，為防頑空破因果。

十. 唯識意趣立因果，能辨因果（背）迷向悟。

十一. 境從識現愚執實，我阱法網難脫出。

十二. 久熏久積久愈厚，業海浪衝頭出沒。

十三. 種熟必感後世報，賴耶又名異熟識。

十四. 觀徹無境亦無性，識現依他知執空。

十五. 了知境空本非實，識不取境執不生。

十六. 境有二類分粗細，內細外粗屬二識。

十七. 二無所得離對立，悟識實性證空相。（空與空性本相通，契譯始說二義別。）

十八. 依他漏位起遍執，證真無執顯真實。

十九. 真空真有意趣異，唯名唯心劃分野。（勝義真空圓成有，二家立說宗趣異。）

二十. 唯名依空立諸法，唯心依緣立一切。

二十一. 識有境無離遍計，境無識亦不起執。

二十二. 心境對觀心勝境，心能勝境智轉識。

二十三. 「虛妄分別的心識中，有能取所取的有得法，而這有所得法，皆是心識幻現，實無自性可得，所以雖說有所得法，而實正是成無所得」。「能取所取的二種有得，既然無實而成為無得，所以知道有得無得的二性，原來是無差別的」。（辨中邊論辨相品第一）

一. 遍空依離二無得，圓實離顯永不空。

二. 依識自有立二事，導五不具積資糧。

三. 我無自性餘皆有，以是故名一切有。

四. 以唯識遮諸法實，善導小有向大空。

五. 讚歎唯識導小有，而實導識融性空。

- 六．無我原爲佛法本，外畏我滅方便說。  
 七．佛法行世不離史，略說性淨之發展：1．心之染淨相對說，2．因修定故令心淨，3．心淨生善滿希求，4．心淨演爲心本淨，5．本淨引發心自淨，6．自心常淨兩面觀：壹．般若經心本淨說，貳．化爲諸法空淨性。（勝義本空無自性，演爲眾生本具淨。）

七月三十一日

- 八．心性本淨導真常，點歸身心離邪斷。  
 九．佛性常有爲本依，不自輕劣猛奮勵。  
 十．此系特色經典多，時代略較般若遲。  
 十一．佛本兼倡我法空，二無直詮如幻化。（以無我教育自己，無我所感召他人。）  
 十二．如幻生滅離常斷，遍觀幻假悟本空。（真空不立幻不遺，幻真真幻畢竟幻。）  
 十三．世出世間真實相，三法印證的如此。（諸行無常破我生，諸法無我破大一。）  
 十四．唯識詮有詮生滅，深合本教無常示。  
 十五．常印無常警不待，不襲故常眼淨廓。  
 十六．生死流中無真我，大小有宗甚相近。  
 十七．附佛外道及神徒，不解無常立一切。  
 十八．常見梗心頑執我，誤認我爲輪迴體。  
 十九．不知細識去後生，迷於緣起興倒執。  
 二十．諸行無常浪相續，諸法無我依緣生。  
 二十一．無我流轉假施設，破我離苦得寂樂。  
 二十二．知生知滅知無常，洞照無常法無底。  
 二十三．凡愚心昧無智解：起唯緣起五法生，滅唯緣滅五法滅，於中無有毫釐性。  
 一．真宰真我真害世，佛轉法輪先破此！（徹底的人性發達，通身的佛性體現。）  
 二．古今世共信神天，佛內亦執二種我。  
 三．流還法則此故彼，能極善巧立縛脫。  
 四．久著於我爲我困，乍聞無我大驚駭。  
 五．慈攝智啓開方便，慰彼怖慌令漸悟。

八月二日

- 六．如藏釋義有二種：執我、覺寂絕不同。  
 七．凡俗意解因具果，想像智德藏身心。  
 八．誤認自我極神妙，具德具力縱慢狂。  
 九．不解佛法根本義，亦同附佛外道說。  
 十．握本辨異知真似，知行明正覺自他。（趣向正法心質直，隨順空門眼高曠。）  
 十一．赤肉團上有真人，面門出入同真我。  
 十二．釋尊預知眾生愚，抉了對治解誤惑。  
 十三．無我如藏本性空，勝解空義脫我障。（空義深廣無限際，亦極分明列當前。）  
 十四．外無實體無定性，佛示活因與眾緣。（透脫針鋒徹掉轉，明觸安默內外廓。）  
 十五．二體貫連我不斷，我迷我悟極錯謬。  
 十六．如藏姑許二因本，婆心撫慰後說無。  
 十七．巧說伎兒變諸趣，似如外道我作因。

- 十八．常等四種波羅蜜，由此衍生立真常。
- 十九．畢竟清淨具二義：本空本有擇真便。
- 二十．滅不可量與本有，泯執防斷宜善別。
- 二十一．從如實來成正覺，義深境廣超思議。
- 二十二．諸根善利福德勝，淨智深廣破障礙。
- 二十三．因既有果不待修，因果同在語矛盾。
- 二十四．或可方便作此說，執真同外因有果。
- 二十五．如來性具常不變，引發俗常世易信。
- 二十六．與煩惱具迷情生，斷除惑業證法身。  
(癡生諸見執二我，貪戀當體引後有。)
- 二十七．法身超過無邊纏，無始順世名漏眾。

### 八月五日

- 一．有漏位中藏無漏，淨治漏染法身現。
- 二．理性生佛都具有，依此故說無差別。
- 三．心佛眾生三無差，心見心作與心是。
- 四．界通因果談常淨，因具緣缺修未修。
- 五．外表二字須注意，貌同質異細探究。
- 六．吠檀多哲學——吠陀的究極目的之義。
- 七．大梵惟一常實在，造一切物世本體。
- 八．成立二事佛法共，示知漏患向無漏。
- 九．二因共依如來藏，知行能安不徬徨。
- 十．於多因中能擇定，確解藏義莫別解。(深理與淺事。)
- 十一．「一本萬殊——從常無而生妙有」，『無，名天地之始；有，名萬物之母．．．玄之又玄，眾妙之門』。
- 十二．精嚴思擇追到底，糾前啓後不模稜。
- 十三．揭示如藏立義本，三相(具、體、生)分明解迷團。
- 十四．有為三相常變異，以故不能為因依。
- 十五．經說二種如來藏，空如來藏及不空。
- 十六．大乘經論說三依：如來藏、藏識、識藏。
- 十七．令他法生與強力，例如眼根生眼識。
- 十八．能作因義有二種：與力及不作障害，與力如地生草木，不障如空於萬物。
- 十九．胃能消食積熱能，心能化理增智能。
- 二十．如建築物不離四，建物非以四為體。
- 二十一．此造莫作能造解，但約三因故說造。
- 二十二．善解造義破我造，生死本執如冰消。
- 二十三．依如而有非為體，點破謬執真起妄。
- 二十四．二種常住佛法本，如藏常住依空立。
- 二十五．輪脫不離如來藏，三離(畏、斷、小)眾生趨佛道。

### 八月七日

- 一．佛智隨機巧善導，為慰二無循循誘。

- 二．現實的生滅流變，普遍的古今如是。
- 三．權宜令安有漏心，最安心處惟真空。
- 四．了知如藏爲依因，遠離三過（1．梵造 2．神創 3．我轉）知行正。  
（佛法爲明己之學。）
- 五．如藏如空三非明（非具、體、生），契合佛法簡異外。
- 六．喻示如藏爲二依，簡離本具及無因。
- 七．「論因說因」金口示，常因導眾漸示空。
- 八．二爲皆依如藏有，非藏能生此二爲。（眞如凝然不生。）
- 九．三依特重於依因，知依知空知緣起。
- 十．陰等相續相染著，如油潤輪常迷旋。
- 十一．知依如有知如寂，遺除謬知俗眞別。
- 十二．如藏相應永不離，此即本寂「理佛性」。
- 十三．善解寂具非性具，注重行性練淨緣。  
（日常行中擇染淨，減染增淨日趨明。）
- 十四．如藏無爲即如性，知藏即如悟不生。  
（力伏常我知緣有，悟緣無性遺惱困。）
- 十五．識細種融二難分，喻如白鹽入水溶。
- 十六．阿陀那識甚深細，恐彼分別執爲我。  
（「一切種子如瀑流，我於凡愚不開演」。）
- 十七．漏種生現非識生，若執識生同藏生。
- 十八．執識能生濫同神，理味緣生法衰滅。
- 十九．約隱微說不異離，從差別說亦非一。
- 二十．依如藏有慰斷畏，最極善巧體佛慈。
- 二十一．二有所依都能成，一切佛法之宗本。
- 二十二．以異治一超俗見，泯異歸一遣偏見。
- 二十三．無始徹破第一因，亦破妄立本初佛。
- 二十四．成立如藏之宗趣：流還有依離斷過。
- 二十五．如藏常住潛身心，妄識生滅恰相反。
- 二十六．如藏內涵眾感親，導轉凡外吸力大。  
（倡生佛等有補世，化除尊慢相和敬。）  
（心尊、心導、心前依）

八月九日

- 二十七．眾生染淨皆由心，生滅亦然不離心。
- 二十八．一切境相依本識，本識所依如來藏。
- 一．如藏能爲一切依，深觀如藏悟皆如。
- 二．淨心潛觀識深處，時思久倡廣流行。
- 三．勝覺成立自性淨，細擇染淨皆依如。
- 四．眞心上溯受淨響，淨心說行啓眞心。（一味強調心地悟，昧卻發心法衰微。）
- 五．一般之心屬生滅，生滅心難建立二。
- 六．依心立識「由心」衍，若知無我常心化。  
（眞實空與眞常淨，非大智者莫能辨。）
- 七．悟緣所生見性空，遠離眞常二惟過。（惟心、惟神）

- 八．諸法等依即依因，示有所依不離脫。
- 九．妄依真有非真生，調和真妄泯對立。
- 十．如藏本淨異生昧，雜染所熏起貪樂。
- 十一．妄不離真真非妄，脫離雜染悟本淨。
- 十二．空為雲蔽空不染，暫蔽恒清本然如。
- 十三．賴耶具有染淨分，與藏非異亦非一。
- 十四．二師惟識重虛妄，與藏本淨說不合。
- 十五．妄識染種相滲合，生死交迭沒了期。
- 十六．藏流諸趣且假說，若藏流轉非無為。
- 十七．火不燒空理必然，老等不燒佛亦然。
- 十八．藏淨性非賴耶攝，此性恒與淨界共。
- 十九．賴耶初無無漏種，正聞深思無漏附。（念念透心記治計，以慧破癡聞發力。）
- 二十．如幻之識本生滅，無常相續契本教。
- 二十一．修為內攝不間忘，行是外發必更新。
- 二十二．無漏種熏二具足，破惑能證二大果。
- 二十三．在纏名為如來藏，出纏了卻賴耶名。
- 二十四．防墮頑空說常慰，先許後奪大方便。
- 二十五．若執真常同外道，故立妄識為二依。  
（常心本為梵舊說，聖龍樹論久破斥。）
- 二十六．隨理派立心光明，究竟一乘同成佛。

八月十二日

- 二十七．唯識曾倡有「無性」，一乘同成大相反。
- 二十八．真以妄熏成賴耶，生滅無常亦附合。
- 一．從未見真名凡夫，乖八正道稱外道。
- 二．生死涅槃皆依藏，遺破部執立真我。
- 三．廣讀大乘汰外滲，以經糾經兼論擇。  
（通俗吸納起二變（質變、量變），雜異極難辨真偽。）
- 四．若執相德為本具，墮入神我老窠臼。
- 五．大梵法身與小我，作者受者之倒見。
- 六．方便巧導非目的，淨猛治心誠邪圖。
- 七．如藏即是法性空，點破外道邪妄執。
- 八．涅槃佛性第一空；第一義空名智慧。（無性無著無有量，以無所得為方便。）
- 九．無毫釐性本自空，藉緣而生遍察知。（空勃勃中蒙雙眼，有堵堵中絆兩腳。）
- 十．無五塵等種種相，猶如雲聚倏忽滅。
- 十一．凡俗所願貪為性，所求終不屬於己。
- 十二．情願涅槃與悲願，菩提願及無盡願。
- 十三．三世一如無變異，超越時空恆寂然。
- 十四．諸法究極之實相，遠離相對泯性體。
- 十五．萬象當體盡如幻，若見若觸可驗知。
- 十六．身作界釋普遍義，亙古亙今畢如此。
- 十七．執有自性三（凡、外、小）相共，諸聖悟緣破此執。
- 十八．生滅如幻本寂滅，利根直觀不生滅。

- 十九．一切無依悉清淨，蕭然廓然契二無。（無生忍、無上忍）  
二十．大小不以般若分；以方便分（此處方便非一般，智現悲兌行願堅。）：1．定慧均 2．福德足 3．無礙行（離惑解脫與無礙解脫） 4．巧淨觀。

八月十四日

- 二十一．說有我句爲止畏，佛意爲令離妄想。  
二十二．器皿皆依陶家有，陶家非即是器皿。  
二十三．眾生不知法無我，佛運巧慧說如藏。  
二十四．積極對治名爲空，猛利深伏三不善。  
（時不待人與時進，空能容物學空通。）  
二十五．怖畏空性無擔當，巧說佛性汰神我。  
二十六．知佛苦口婆心說，時時返顧初中期。  
（此滅彼滅無實性，若有實性焉能滅。）  
二十七．若不巧攝悲不遍，永與邪外相隔絕。  
一．智導德感等攝護，佛慈如空無所偏。  
二．如以糖衣裹苦藥，兒童樂服能治病。  
三．理性人人本具有，故說生佛無差別。  
四．消融一切歸平寂，常恆清涼永不變。  
五．此處佛性即空性，與本具說不相同。  
六．眾生成就如來藏，意味眾生本性空。（四清淨中自性淨，淨爲空寂之代名。）  
（1．自性清淨 2．離垢清淨 3．行此境清淨 4．得此道清淨。）  
七．建立如藏廣攝眾，勿以如來作我觀。  
八．佛德本具眞常倡，衍生即身成佛說。  
九．「易行乘」掩「難行道」，拯苦行願漸衰頹。  
十．「偈言．．．．問曰．．．處處經中說，內外一切空，有爲法如雲，及如夢幻等，此中何故說，一切諸眾生，皆有眞如性，而不說空寂？答曰，偈言：  
1．以有怯弱心， 2．輕慢諸眾生， 3．執著虛妄法， 4．謗眞如實性，  
5．計身有神我。爲令如是等，遠離五種過，故說有佛性。」  
十一．五類眾生不解空，故說如藏止五過。  
十二．計身有我爲究竟，則與吠陀常我合。  
十三．智解不足福善薄，隱實說權漸誘進。（解明行決勤培二，不虛此生無禍悔。）  
十四．法海波瀾義無盡，舉說精要辨偏圓。  
十五．總持精探源與流，智如泉湧極清徹。  
詮義準切如日照，現未知行離四過。（1．偏 2．謬 3．濫 4．滅）  
十六．般若蜜多極深廣，根利志銳倡眞淳。  
十七．祖派見計蔽囿人，不見眞諦及全貌。  
十八．善用方便解時毒，巧導淨提汰味染。  
學佛法要有三種精神——提（扶）、荷（擔）、當（承）。

八月十六日

- 十九．以智慧督導方便，不混雜俗化神化；（智不求倖必求真，絕倖行眞勤淨信。）  
察方便契順智慧，不趣向靜化了化。

二十．不可思議大方便，淨智嚴核辨偏俗。

一．二驚歎號猛省思，呵絕方便究竟過。

二．福慧嚴淨惑業消，契證實相了無疑。（如日光照晴虛淨，悉皆明見無所障。）

三．法性本空觀徹底，盡破本具及形上。

四．唯識修證之宗要，於境於識都無得。（面對真如都不見，聖凡從此界線劃。）

五．依他防撥無因果，故證圓成亦實有。

六．雖倡依圓都為有，識境互遣識亦空。

七．深密五具證空性，意示性空非真我。

（五中「成熟相續」句，相續增長凡趣聖。）

八．二法三多五事具，入無自性成現觀。（1．聞法積智 2．見（思）苦激悲）

九．淨智融會說允當，消融意氣歇評論。

十．為慰我斷立二依，但佛另說無我藏。

十一．愚夫禪知人無我，觀無常等而入定。（凡夫定——「欣上厭下」）

十二．淨心觀遍依皆空，所空更較唯識廣。

十三．真如非慮離能所，無影像相依然在。

十四．佛地自證究竟樂，盡離惑習畢竟淨。

九月十六日

十五．淨心觀次同唯識，證入究竟法無我。

十六．眾機雜多設門殊，導入法空證無餘。

十七．三系精微探揭示，擇循明確知偏圓。

十八．偏激圓融起謗濫，披沙揀金剖石（取）玉。

十九．三宗體義擇判準，言行健明入佛海。

二十．立一切法佛宗本，縛脫二門極分明。

二十一．倡畢竟空立緣生，俗有真空不偏二（有、無）。

二十二．俗有假名亦須辨：外帝、自、梵等非有。

二十三．為謬解空破因果，假依實立息謗罪。

二十四．小執諸法皆實有，以識遣除所遍計。

二十五．二無義深二難信，佛又施設異方便。

（業性無常隨緣變，緣成破我立一切。）

二十六．觀察根時倡如藏，大勢所趨所應導。

二十七．「時代佛教」融滲混，三宗大師嚴擇辨。

二十八．一般根性耐練五，堅耐時久鈍轉利。

（不著於見漸能悟，善用乎情不孤負）

一．攝小攝二攝極廣，通俗必警防俗化。

二．深學見理別邪正，淨行導事擇取捨。

三．不解說藏方便意，貌似牽附誤四眾。

四．如藏帝靈相類似，諦辨不同脫茫昧。

五．堅信勝解空能立，風捲烏雲日燦現。

六．草束過火不被燒，喻顯空能立一切。

七．一般不能勉己能，心雄志健紹佛種。

八．佛闡性空為法本，不壞緣起不違空。

九．解空極淨有如幻，體踐中道行五不（1．不逐 2．不斂 3．不惡 4．不著

5. 不了)。

- 十. 密說法空爲如藏，深思的知我法空。
- 十一. 小根五缺姑說藏，如藏義涵法性空。
- 十二. 賴耶依眞受妄熏，內具染淨成二依。
- 十三. 如來二釋舍人法，眞義法空即如來。
- 十四. 不解佛說藏本義，誤執藏爲勝義有。

(「佛性者實非我也，爲眾生故說爲我」。)

九月十八日

- 十五. 賴耶本義爲貪等，故說彼爲雜染依。
- 十六. 賴耶轉識互爲因，遠離一因生眾過。
- 十七. 如藏性常爲二依，賴耶有漏相對依。

壹. 「彼彼諸病人，良醫隨處方，如來爲眾生，隨心應量說」。

貳. 佛告大慧：「漸淨非頓。如菴羅果，漸熟非頓。如來淨除一切眾生自心現流，亦復如是漸淨非頓。譬如陶家造作眾器，漸成非頓。如來淨除一切眾生自心現流，亦復如是漸淨非頓。」

- 十八. 此處金丹作喻釋，非是方士煉丹術。
- 十九. 直說性空本如是，上根識取即能悟。
- 二十. 斥遍計無依圓有，證入圓成具勝德。
- 二十一. 徹破徹立惟上根，一奪一予適眾機。
- 二十二. 境無識泯都無得，方是畢竟眞救命。

1. 破自然生 2. 破物集論 3. 破神造 4. 作者(我)造 5. 破時造  
6. 破自在天造 7. 破微塵造

- 二十三. 糖衣薄裹藥猶苦，一般不喜即服食。
- 二十四. 異生本性多執常，一聞藏常大欣慰。
- 二十五. 糖衣雖厚暫救命，離了斷過墮常過。
- 二十六. 服後救命有暫永，誤爲永救依舊墮。
- 二十七. 三時如藏爲方便，惟性空教是金丹。
- 二十八. 透脫一般心想像，巧依層次入究竟。

「1. 先以福捨罪、 2. 中間破除我、 3. 後斷一切見，知此爲善巧」。

- 一. 鑿山通車登從麓，計籌汗力勤健足。
- 二. 蔽世情見增流轉，逆世智觀趣解脫。
- 三. 爲化鈍根立方便，練根上進捨方便。(久警六根學五根，快快壯壯發願樂。)
- 四. 方便成爲究竟說，左旁喧囂正法滅。
- 五. 眼利慧睿辨眞僞，立服金丹立救命。
- 六. 賣老實藥續慧命，膽挺骨剛邁流俗。(突破命根之酷戀，堅持法根法成力。)
- 七. 直探本教及初大，會三同歸一道清。
- 八. 若解性空爲究竟，隨機亦可善巧攝。
- 九. 發揮完整之知見，透脫偏蔽揭精準。
- 十. 一切諸法性常淨，常淨即空離有得；
- 十一. 畢竟遠離自性故，是故名爲性常淨。
- 十二. 圓融方便久成風，混融混沌三學生。
- 十三. 警惕執便忘眞實，直吐心肝苦叮嚀！



十四．結語勸驗佛出意，平生心眼注性空。（善解性空及假名，能導眾生趣究極。）

九月二十日

十五．菩提道中三貫練，涉歷人際觀空有：（大智大悲大雄力，不了不忘直獻捨。）

解有如幻空本寂；空有等觀有趣空。（學空行真不空過，處有覺幻能有成。）

十六．六度自熟脫內障，福能離賤慧斷惡，理明事正真導俗，二覺之基奠深固。

（一念不苟一切真，行真化淨增覺性。）

十七．六度實踐四攝現，內充外實行願堅。（畢竟不藏及不誑，淨淨快快瞻圓勝。）

十八．佛法重群重和樂，由群成己己感群。

十九．盡其在我能攝群，不計於人堪學佛。

二十．不著所有施需者，財助法導無所求（畏）。

二十一．菩薩利他特性一，意誠手挺恥貪蓄。

二十二．願必消通必耐荷，行能自發能兌現。

二十三．世間資生物第一，佔物起爭佛倡施。

二十四．世間共德施爲先，博施聖難須悲徹。

（學最真正的人——財法盡施做通人。）

二十五．喜敬施助慈德基，倡施行真不自私。

（做最平實的人——身心了卻做正人。）

二十六．面如春風舌根柔，語意溫厚啓人深。

一．世間善法戒善常，出世善法道智悲。

二．心柔臉寬神舒泰，義妙智豐意體賞。

三．行能令他獲現益，廣結善緣造大緣。

四．不勉他難不激亢，荷難致己善鼓舞。

五．能抑自我不顯尊，平實平易處平常。

六．個體化融群體中，爲人服役不役人。（放下身段無價僕，廣學普賢普現身。）

七．藉機同事察根性，增己智能擴德量。

（「意和同事」學能耐，大同大通通趣圓。）

八．粒米滴水共嗜飲，荷重推輕練勞謙。

九．喜耐勞怨福善厚，忘怨親怨怨發願。

十．苦能領先樂共享，事能爲眾理化我。

十一．所行切實體悟深，所示準當感真誠。

十二．帶頭不矜氣貌和，殿後能護膽健鎮。

十三．以行驗說不相違，守則嚴明必踐履。

十四．心持六度亦能行，度攝相應能導眾。

九月二十三日

十五．修能久耐直發趣，學必嚴擇堅決持。（即修即集即增進，即學即治即遠離。）

十六．修深活健絕不畏，學明行空了無疑。

十七．戒持慧導悲增上，常行具行十善業。

十八．力行十善利他事，能伏諸惡運悲智。

十九．智能淨己悲攝他，見正行足超外小。（離二相故永不見，不見方能圓明見。）

二十．發心爲人即利己，大菩提願無私求。

- 二十一．漸修廣積遍擇貫，德備力足成大器。  
 （於差別中融偏執，修平等慧集淨業。）
- 二十二．漸是循次真切學，不求速成及頓悟。
- 二十三．背向明決新舊劃，偶忘猛驚動靜憶，效摩菩薩瞻佛陀，爲法爲眾策披瀝。
- 二十四．悲願奮迅熱誠極，警樂淬苦苦更勵。
- 二十五．直上直下直斷曲，直心忍進直頂荷。  
 （徹底改良整體新，坦坦穩穩二（佛、菩薩）注目。）
- 二十六．志銳意鎮恥遲徊，鼓提決絕莫可奪。
- 二十七．菩薩戒持三聚淨，就中善益更倡踐。
- 一．精修能擇不偏壞，勤習斷怯不疲劣。  
 （整持三業昂三心，督提三心神少壯。） （三心——直心，深心，大心。）
- 二．人乘入大佛本意，憶梵勇具激悲奮。
- 三．十善菩薩發大心，諸淨福慧從善生。（身正語柔意平定，謙誠待人敬如佛。）
- 四．信如明鏡辨淨穢，如清水珠能除濁。（肯認人身太難得，自盡其力持正法。）
- 五．一發菩提極堅定，不滯不逸毅上進。  
 （1．不忘 2．不頓 3．不賴 4．不誤 5．不足。）

九月二十五日

- 六．念力貫注法不忘，精細（內）端整（外）慎動靜（明）。
- 七．綿續無間三業應，昧散盡斂內澄平。（禪修離味不著境，深入得不亂不謬。）
- 八．觀法如幻了無性，勝解真俗真轉俗。（慧照治見必遺二，遍擇得不偏不蔽。）
- 九．施己所有解窘困，能治貪佔滅世苦。
- 十．戒之本義爲性善，私德淨化公德和；積極利他嚴自持，與慈相應能遮漏。
- 十一．持戒學法理事明，三業踐軌真護法。
- 十二．法攝緣起與性空，捨染持淨解脫本。
- 十三．願爲大乘不共德，二難振荷期無限。（本分義命極懇到，制我不折不退悔。）
- 十四．福德深厚離慳惜，回向苦眾及實際。
- 十五．十善調練二（身、心）健明，動靜六度自策修。
- 十六．學無所著無所畏，如大軍將智勇兼。  
 突破二當（當前、當下）解我困，所作畢竟求二完（完善、完整）
- 十七．空之別名爲清淨，空義無著二不壞。（有、無，斷、常等）  
 「見有則恐怖，見無亦恐怖，不著於有見，亦不著無見。」
- 十八．淨（柔）烈（毅）不染練堅固，堅忍致極心提（振）昇（進）。  
 （法味旺濃不計時，願興豪昂不怖空。）
- 十九．信緣信空信成佛，信命根幻了無畏。
- 二十．苦不能動法不惑，見轉爲智情化（爲）願。
- 二十一．忍默能消無量惱，惱消力長志堅強。

九月二十七日

- 二十二．象驅高健皮韌固，蚊蠅吸叮靜不動。
- 二十三．修天色身宜覺警，「貪欲爲道」害自他。
- 二十四．家庭倫常中（持）正人，社會族群中（造）健人，宇宙叢苦中（作）真人，事理勝解中（效）圓人。
- 二十五．佛於中途設化城，離怖慰倦非真滅。
- 二十六．大乘時長艱困多，不行方便難度二。
- 一．振時躍空歷曠劫，無盡障魔終莫奪。（智解確正脫偏倒，勝諸情見直趣大。）
- 二．挺絕自己發透他，菩薩自勉續佛種。（不執、不了、不炫耀。）  
（人心惟危，道心惟微；惟精惟一，允執厥中。）
- 三．安住大乘不惑異，穩步上進前程燦。
- 四．一般根性久鼓振，奮勤積培直握荷。（莫以一般存卑怯，驚於一般不隨和。）
- 五．願弘心健莫可摧，的的明明常相應。
- 六．所依止境偶或萌，精嚴體照細治伏，（精神之痛苦無比，法藥猛數決根除。）  
簡治雜異及毒素，護持正純不昧倒。
- 七．修練力足蕩阻困，舉目起步不紆回。
- 八．內蓄外充質品美，尊貴處生上首導。
- 九．不自降低不縱狂，策持己身效佛行。
- 十．淨智巧運脫險黑，無性二（諦）無（礙）不偏二（心、物）。  
「我常說空法，遠離於斷常，生死如夢幻，而彼業不壞。」
- 十一．道正心明久堅住，不隨不怖不倦縮。
- 十二．直趣菩提直攝眾，氣神鎮穩三向決（善、上、菩提）。  
（菩薩行化重二事：「時效」「空應」即感趁。）
- 十三．三業無邪離濁蠢，一心淳和貌青春。
- 十四．法悟力強爲法將，於法自在暢詮演。
- 十五．智水灌頂三調柔，遍洽群機不擇棄。
- 十六．功德充實法喜深，度化親切極淳誠。（功能克己德爲人，做做豁豁心神泰。）
- 十七．深入人際行三造（眼、膽、根），現未令眾獲大益。
- 十八．患爲萬惡之引爆，患無德備能廣化。
- 十九．慧超空間行超時，永劫勇荷倡四向（善、上、解、菩）。

九月三十日

- 二十．定鎮慧察意坦直，即觸即悟即決了。
- 二十一．善心廣大善業足，無量善念觸處現。  
（善身善語善意決，現未力德蒸蒸日上。）
- 二十二．了卻二法不著相，平等如空盡容通。
- 二十三．萬德皆由三寶來，一心歸命常敬禮（淨心常一福慧攝）。
- 二十四．重障悉伏善法集，一切境中恒顯露。

二十五．行真不誑不受惑，效佛「說默」思契實。

二十六．救眾離相脫相縛，等心等行離愛瞋。

（不著己有不價人，直應法空能契理。）

二十七．大願堅決骨勁強，逆順硬軟莫可壞。

一．步趨諸佛策畢效，二無激提勇冠倫。（伏我我所器量大，無諸罣礙及恐怖。）

二．時空所涉諸修為，念念不忘普回施。（內無顧慮外不誑，福捨慧導真照拂。）

三．德藏如空無盡遺，修無一念慳護意。

四．二諦等觀掃偏畸，無著無離無際（限）齊（分）。

五．眾生無數性叢雜，慈顧智度前中後。

六．如真如相悉皆如，常依如行無觸（礙）到（得）。

七．眾生未縛己未解，於幻緣中悟皆幻。

八．法界甚深極甚深，深心無量無有盡。（六凡四聖染淨別，行願充實染歸淨。）

九．久修深行具二勝（心、境），勝德積聚趣無上。

十月二日

十．自己成熟不食生，內消外健眾堪依。（淨因久積自樂善，能和能禁能通成。）

十一．福如澄泉如林蔭，能自潤涼能灌庇。

十二．慧如日光如夜電，能自照知能導他。

十三．二光配應前途燦，法味濃醇忘時長。（慧觀平等無所著，智解差別無所遺。）

（深入法性智如一，遍通法界隨機化。）

十四．空性勝解勝義現，心念安重能明照。

（不明則隨眾起倒，不安則為情操縱。）

十五．動靜一致不離脫，苦樂一心不縱縮。

十六．空性即悟假名有，假名無我踐大悲。

十七．觀空即假興大用，觀假即空起平寂。（平不能動寂能安）

十八．唯識隨順有部說，安立四法現觀次。（真切了知不隔味，事理擇定堅正持。）

十九．回向終位立加行，精勤鼓振更上層。

二十．化他為先大乘本，於利他中成自利。

二十一．治化世間政居先，藉政推法法導政。

二十二．菩薩發願生「人間」，特重人事非天（神）道。

二十三．人之三業具二用：能成能毀故佛重。

（慎因致力自改良，明暗檢核良性增。）

二十四．行十善業感善報，善業淺深分等次。

（善業廣積性順柔，柔透化我展大公。）

二十五．鐵輪尚武弭敵怨，強霸征伏警慘酷。

二十六．十住善增作銅輪，雖行討伐慎殺傷。

二十七．福善增上統三洲，不尚霸橫慕王道。

二十八．久修廣化德無量，和平統一無對抗。

一．不殖不佔不納別（國、種、級），釋尊稱揚倡塔供。

- 二．修信雖敗善未毀，二除（貪、暴）利民施良政。
- 三．大乘初重人正法，不廢三事不獨尊。（久植本願三無盡：布施持戒及博聞。）
- 四．證聖智悲通兼備，遍處人天巧應化。（處天終不於天成，肯決此義握佛本。）

十月四日

- 五．頓證真理分明見，從此永不退凡小。
- 六．心地平正住不動，生諸功德無窮盡。
- 七．界含種種無盡意，受用未曾有法喜。
- 八．見道即是見實相，遠離魔外情見惑。（菩提分五種：1．發心菩提 2．伏心菩提 3．明心菩提 4．出到菩提 5．究竟菩提。）
- 九．淨智法性融為一，超諸言思難想像。
- 十．得佛氣分得法分，已能代佛作佛事。（氣質徹變氣習善，展量化量成大器。）
- 十一．證地如同得定喜，心淨道明二無隔。（大喜消豁了無怨，與諸生佛永不隔。）
- 十二．勝過世間能導世，心眼寬淨熱誠足。
- 十三．離繫樂喻枷鍊脫，滲透身心惱悶除。
- 十四．諸佛淨德都有分，二能暢奮喜無比。（因地植穫悉皆回，大得大威力德具。）
- 十五．達空練健悟假幻，越生死流離五畏。（空智徹了無命身，內無威脅外無怖。）
- 十六．生如來家真佛子，的承大法永傳燈。（久學深法攝大法，大願大智大光力。）  
（1．般若道 2．方便道）
- 十七．智能度惱悟勝淨，方便巧化二分證。  
（般若道中自利具，方便道中慈濟他。）
- 十八．身手超特器量曠，直捨直荷直奪三。（1．不考慮 2．顧慮 3．憂慮）
- 十九．既證法性悟本空，斷卻業感知行正。
- 二十．觀身為先大小本，四惡身造故先破。
- 二十一．妄執戒取為解脫，斷此事行悉趣正。（以智導情）
- 二十二．疑障正見昧事理，疑斷肯認寶諦緣。

十月七日

- 二十三．中觀二執盡惱障，大小乘中有證明。  
（「知法入法不疑畏，但見法不見於我」。）
- 二十四．實說二無含我法，不深觀法難斷習。  
（緣起之法兩面觀：非有非無見不見。）
- 二十五．菩薩久學細擇法，德足雙觀入法空。  
（見正行決淨廓廓，惑習兼治增法身。）
- 二十六．同斷三惑大小共，兼斷習氣大不共。  
（貪境瞋人癡迷理，誠享誠暴誠二執。）
- 二十七．菩薩二利利他先，深忍廣修法重命。  
（深效諸佛深報眾，超特智願異世外。）

二十八．三輪體空施即捨，無盡之捨四攝具。

一．施爲慈忍之先導，二行二充練大心。

二．智深境勝體悟廣，堂室深邃義無量。

三．二重自了大化他，四不措懷久普濟。

(1. 不畏久 2. 不限空 3. 不盤惱 4. 不避(義)苦。)

四．得大歡喜離憂怖，志性勇奮堪直通。(大喜大柔化沈鬱，大捨大剛策荷進。)

五．往昔所發弘願誓，到此悉皆盡兌現。

六．大轉輪勝世金輪，恒轉二輪財法足。

七．二輪能解貧惑窘，菩薩因位樂二施。(窮來窮去窮無窮，富積富累富毀富。)

八．財法兼施解(眾)苦(己)惑，肯認此義勤二施。

九．戒德圓淨堪爲範，三業潔白眾歎敬。

十．戒善成性更修善，導人向善人樂從。

十月九日

十一．大心行善離細誤，身言二教竦光標。(潛移默化無言教，內治至嚴外現明。)

十二．戒不堅淨二事(品、德)缺，雖修福智亦成漏。

十三．十地進修貫諸德，不忽二乘能達導。

十四．大心共修世善法，世善增勝度眾多。

十五．大心深修出世善，善極二足二相敬。(福足相嚴起慕羨，慧足法妙啓學修。)

十六．總修五乘三七品，盡以大心攝一切。(不忽不矜遍攝取，故能廣化趣圓乘。)

十七．大小相通非隔別，例如諦緣貫三乘。

十八．實諦地地都圓修，前後相望亦相通。

十九．勝即功德無有量，層層勝進更無盡。(盡破障蔽立不敗，諸所作施悉能成。)

二十．不間不怠不失念，所修法門常明現。

二十一．如水續流漸深廣，總匯妙義入法海。

(調柔三業契三忍，深修禪定增柔善。)

二十二．修能成興不知疲，學必操心能振艱。

(心隨道品反覆修，由見入修愈分明。)

二十三．深禪不動遍觀照，世出世諦如實知。

二十四．常觀無相亦無了，入一切相普應導。

二十五．行六度已習聲聞，能敬能勸令趣大。

二十六．心能總持法成光，光力洞照心目煥。(二能趣菩提——能讀能誦)

二十七．四禪具足多支德，菩薩行禪得勝安。

二十八．無色定成空色相，不爲相累自在現。

十月十一日

一．心健色空緣無量，慈與悲拔喜捨平。

(1. 不求報 2. 不沈定 3. 不炫異 4. 不捨眾)

- 二．廣聞深法修正定，慧火淨熾破惑暗。（淨興渴求勤正聞，聞能治僻慧起用。）
- 三．深持法義明增進，障智之惑能遣除。（不落無記治積惡，法智憶持漸無量。）
- 四．極謬極惡極狂悖，無義無恥「無作邪」。
- 五．深定入空超對礙，慧光灼破邪癡暗。
- 六．進滿力足離屈怠，意健直前銳氣旺。
- 七．兼修二共能化二，亦能溯源不捨本。
- 八．覺之次第極分明，三乘必循之歷程。
- 九．二著之根不離我，破著務須從我始，肯認我見造崇禍，勤治猛伏不稍忽；內在執我外致魔，慧劍刺透身心暢。  
（正思五蘊假成我，不執真我無魔擾。）
- 十．慧光燦耀慧火烈，燒滅見著無復餘。
- 十一．於定無礙超凡小，不味不獨不「由生」。  
1．「成就三摩地，眾聖由是生，十方一切佛，皆從此定生。」  
2．般若解脫佛從出，佛從定生問題大！  
3．一般俗定墮「無想」，定力失壞仍流轉。
- 十二．二乘雖從諦緣脫，於深二諦未洞達。
- 十三．修學歷程長且艱，志毅奮練達不二。（不學不知簡邪正，不修不知悟淺深。）
- 十四．初證離戲了無見，徹見從來未曾見。
- 十五．證真出定相又現，二諦未能融即空。  
（時空二寶超數值，善用此寶富無窮，緊握二寶學三寶，三業分明入三門。）  
（三門：空、無相、無願。）  
（空慧徹通超相對，徹了徹覺證涅槃。）

十月十四日

- 十六．非定即真藉定證，擇別二義不濫外。
- 十七．善別慧察當前境，方便嚴熟成天職。
- 十八．重教重養重慰提，念念順隨導向佛。
- 十九．雖知如幻仍勝解，未能實見幻即空。
- 二十．有習深重甚難斷，依現證力解如幻。（無始熏積膠投漆，層層上進久方斷。）
- 二十一．慧未極淨細惑障，真空幻有常相隔。（月球之自轉週期與繞地球之週期相等均為37.3日故永遠以同一面對向地球。）
- 二十二．無間體證事理融，見有即幻幻即空。
- 二十三．直見直度直泯絕，除舊開新新極新。
- 二十四．真俗空有二無礙，世出世間堪自在。
- 二十五．無限無懼無所惜，新境新義新未有。
- 二十六．苦樂無間極懇懇，動靜誠策必銳明。
- 一．透過二關極分明，昂頭舉目作說暢。
- 二．空不趣寂自了卻，有能赴感點活他。
- 三．超二隔礙智願平，三能（法能、德能、命能）備具用無盡。

- 四．能斷俗緣不厭俗，能創淨緣不住淨。
- 五．徹知不二生死等，不了不負超小乘。
- 六．生活入軌（大乘之軌）提生命，生死發力三（業）奮迅。  
（1．直來直去 2．深入深攝 3．廣接廣度 4．必償必頂）
- 七．空有融即不偏礙，直直明明法現前。

十月十六日

- 八．安住滅定不趣滅，慧勝於定定運悲。
- 九．最勝之定滅漏識，漏識滅卻智全彰。
- 十．二聖悲薄若入滅，起入滅想無所爲。
- 十一．入定不能興大用，與酣醉者有何異？（神悟神通神我困，法治法動法智脫。）
- 十二．止妄澄心須藉定，求真明理必學慧。
- 十三．二不二念（上求下化）策願度，忍進無間創淨緣。
- 十四．釋尊重悲不著定，於此「三復」憶弘誓。

（誓獻身心誓爲法，法融二不（不憎、不驚）誓力強。）

- 一．甚深智慧能攝定，以慧擇定離二過（瞋墮與寂了）。  
（不亂不背不了卻，必鎮必持必無極。）
- 二．智深融法理通達，定淨絕味事設施。
- 三．悲健願勝機攝活，信戒基固成上三。
- 四．悲智資持不沈空，六地入滅現證法。
- 五．至此佛法皆現前，了了分明無隔礙。
- 六．空觀慧深能通徹，空有如幻不二等。（空能出世力無限，菩薩行空德圓淨。）
- 七．五地並觀歷艱辛，六地修無證中道。
- 八．緣起超二故稱中，依空成有有趣空。（幻有不著空不住，從容效化空亦空。）
- 九．解有大明不受困，行空常健能拔苦。
- 十．愈寂愈悲願愈旺，愈悲愈寂智愈淨。
- 十一．二執盡弭故常寂，寂能觀苦故常悲。
- 十二．由證故寂無所著，無著能作大有爲。（無爲不墮無所事，有爲能度諸有漏。）  
（少事少業，少欲知足。）
- 十三．菩薩住二抗魔壞，知空不捨諸眾生。
- 十四．悲智不二興大用，菩薩不共故成佛。
- 一．學大乘法目注此；智能運悲悲運智。
- 二．智能運悲願勢充，悲能契智神態明。

十月十八日

- 三．緣起悟空空成有，空有明融現中道。
- 四．「剎那緣起」與「連續」，「連縛緣起」及「分位」。
- 五．諸業成就不離三，特重心作傾唯心。（本教道品四念先，意顯身心應次觀。）



- 六．緣有因分與果分，二分展轉輪無期。  
 七．惟心重定重神秘，二化滲透佛天一。  
 八．重心不忽色心等，三業等修起大用。  
 九．了悟精微難思測，作用殊勝能自在。  
 十．般若成熟方便勝，永不染著極善巧。（體解實義與方便，過時方便正直捨。）  
 十一．修七方便起勝行，能入七地定慧等。  
 （即定起用不沈空，即慧離二能度有。）  
 十二．義妙境廣極難窮，體味佛法興沛充。  
 十三．滅中出入常自在，現諸威儀廣行化。  
 十四．動靜皆能興大用，任運二通莫能障。（生佛等通心眼平）  
 十五．定慧均衡空有一，無障故能出入即。  
 （事不能亂理不隔，活脫徹通意自然。）  
 十六．定境深妙慧更淨，稍藉功用無相現。  
 十七．有相不定有執著，以雖有相識不取。  
 十八．無相無間炳然現，深見實相離諸相。  
 十九．無相活脫通豁豁，察機施教無錯謬。  
 二十．實智遍知法實性，不生不滅常清淨。  
 （了卻相對真空遍，超然豁然直泰然。）  
 二十一．情淨願健無戀怖，見正慧達無罣礙。  
 二十二．四波羅蜜依實智，猶如大海派萬川。

#### 十月二十八日

- 二十三．般若證真理無障，方便化俗事不誑。  
 二十四．方便殊勝火愈熾，灼破塵幻驚迷幻。  
 二十五．一大僧祇後證聖，見斷超勝於外小。  
 二十六．七滿純淨無相邊，方便願等化無窮。  
 （不著諸相頻通佛，善淨便願適時需。）  
 二十七．無量方便廣淨攝，大願船航入佛海。  
 二十八．無功用邊跨無礙，到此直入新新新。  
 （有相有著愛惡紆，細察相害治相著。）（非凡非小非功用）  
 一．不藉功用任運進，身心臻入極平衡。

#### 十月三十日

- 二．見惑雙障勤頓斷，修惑雖細不增漏。（警意注力斷不善，不急斷惑斷不善。）  
 三．善用煩惱如玩蛇，自不受傷能娛人。  
 四．惱障無性自然斷，無生忍後萬德生。  
 五．斷三界惑同羅漢，德深智廣遠超越。（不起相縛脫性執，知行純淨自他度。）  
 六．經說「若見一法生，不知如來真實義」。

- 七．梵行已立二執盡，超脫二邊見純淨。  
 八．趣寂之念乍萌現，二力激提不盡住。  
 （寂靜之樂超三禪，二大（智與悲）力足方能捨。）  
 （位愈上進愈健羨，道愈交融見愈勝。）  
 九．到此畢竟具三能，普渡淨活無他念。（能覺能化能有為，不脫不困不無奈。）  
 十．大小不共界劃清，寂平相應恒起用。  
 十一．極艱極忍極毅進，智破障味竟到達。  
 十二．願淨悲大幻行熟，三普施設盡適機。（積培真實德充滿，健全淨賅願徹貫。）  
 十三．不為我困能普現，不為法障能遍現。  
 十四．眾生根多門無數，深行廣積度無量。（深達佛道深攝眾，心深於海無邊底。）  
 十五．二皆如幻絕戲論，空淨一如成如行。  
 十六．知幻入幻藉幻修，不疲不缺幻圓成。（勘破幻我無貪求，體護眾生致弘願。）

十一月一日

- 十七．體佛因行不沈寂，察理入微事畢淨。（大圓滿覺大雄力，二大激振光熱足。）  
 十八．空之特勝不敗退，不捨不離不著畏。  
 十九．無相無量無所著，故能藉定起幻用。  
 二十．二無湛淨極自然，無相愈深慧愈明。  
 二十一．慧淨察機極善說，知眾深心破示當。  
 （學智不離事相證，習慈必對眾生現。）  
 二十二．證說都不待功用，如大晴空象海印。  
 二十三．法相法性無有盡，悉皆賅通無有遺。  
 （理明治癡超偏陷，事正伏貪解繫惱。）  
 二十四．一一法門義無量，一義中義妙無際。  
 二十五．義勝辭暢巧通人，聞者感奮意神暢。  
 二十六．辯捷折難破疑謗，日燦雲開天碧清。  
 二十七．正法通貫解無礙，一切無畏故稱大。  
 二十八．佛藏無量悉守護，堪稱盡報諸佛恩。（如瓶瀉水）  
 （力德如空如地海，豐富充盈超測計。）  
 一．如日光輝遍照空，眾生明見所行路。（發心從不厭棄眾，大忍大喜大通解。）  
 二．內無所著外不偏，故能遍應一切機。（証一味理如空遍，空遍之智能廣應。）  
 三．一切力淨悉無比，二大（智與法）自在恒任運。  
 四．「盡諸有結心自在，施為無擁名自在」。（厭現行結愧奮革，佛法直入三業中。）

十一月四日

- 五．十地補處鄰佛位，諸佛德藏集身心。（因地深心細行足，果證同諸佛德平。）  
 六．諸佛智光入頂內，已與諸佛融為一。  
 七．長劫廣攝無量德，智願交融滿清淨。（智願不均墮小凡，二平等修大乘基。）

- 八．法如妙雲義蘊豐，智光智力圓照達。（勤破心昧克性劣，內正外健猛自振。）  
 九．慧善充盈說自在，遍界現通身無數。（理徹事通遊法界，常隨恒順化力充。）  
 十．法雨潤眾怯熱惱，善根茁長作度因。  
 十一．慧滿法具惟除佛，通能起用聆法示。  
 （大菩提心無上寶，勤培快長緣從二。）（1．不斂財 2．盡施智。）  
 十二．悲願德慧爲密雲，彌天普蔭靡一遺。  
 十三．通明無畏悉具足，熾淨電光破險黑。（時空無礙二遍覺，無能障屈自在轉。）  
 十四．大法雷音遍灌耳，法能降魔破情迷。

十二月十六日

- 十五．以善法雨滌眾穢，復以甘露潤自身。  
 道：真誠直進直明決，上瞻諸佛增淨勝。  
 德：親切能平能和融，下化眾生遍感敬。  
 十六．心戒度攝大道本，內外淨正三莊嚴。  
 十七．長遠真實的歷練，深入普遍的耐荷；時久空大從不計，行真見勝法興旺，  
 整體攬持警忽遺，徹底革進不戀顧。  
 十八．法界法性義相通，種種界類入法性。  
 十九．修是內持行外驗，愈久愈進愈壯銳。（修不諒己行克己，深諒嚴克利自他。）  
 二十．見聞覺知明觸應，不隨不壞不退沒。  
 二十一．佛位圓覺具眾德，不經久修不遍達。  
 二十二．慧力破我私德淨，慈行助人公德廣。  
 二十三．集無量德無二念，一心常淨無所得；念如水注如火聚，久注久聚能穿熟，  
 不滿不倦大願策，眾生公僕荷義命。  
 二十四．德須三大方具滿，莫逐時尚免誤害！  
 二十五．記取三具方成佛，不倖不怠不自屈。  
 二十六．釋尊經三成正覺，忍進練鏈諸德圓。  
 （純金耐煉光色足，圓人勘透法相明。）

十二月十八日

- 一．知鈍恥劣學川流，細廣匯合入大海。  
 二．智決悲充空無畏，發心猛迅行無著。（多享智慧少享福，福不誤己智導人。）  
 三．慳物自享故福薄，行缺信願故根鈍。  
 四．學不祛怯心不堅，修不奮練力不充。  
 五．以德培福根漸利，持此自策莫虛度。（時不虛度念持時，空能善用慧行空。）  
 六．福能爲世德回眾，根健心淨命物空。  
 七．暫、隨、勸、濡、領、耐、承，一承不退氣志足。  
 八．情廓見邁行曠坦，己輕人重大愧報。  
 明朗爽快沒做作，深化寬涵盡通融。（光熱充沛照拂遍，奪卻舊我徹翻新。）

- 克己頓猛斷自愛，學佛雄和修佛慈。（不爲我屈踐二難，常治眾惱增三善。）
- 九．學轉法輪光輻射，導苦眾生脫業輪。
- 十．般若大慧諸德備，故一發心堪嚴熟。（無得無量無止限，故諸德備起大用。）
- 十一．恥墮一般數激提，振脫儒倖勤真實。

十二月二十日

- 十二．善昂願勝行淨遠，是故不墮惡賤二。
- 十三．無方大用應眾機，自在施設普門度。
- 十四．深知修行之歷次，斥絕即成之狂倖。（修是勤練行深驗，力味旺足興神吸。）
- 十五．釋尊根鈍願堅弘，學之念念勤警提。
- 十六．步步踏實時時覺，透脫混冒致淨純。
- 十七．四事準備極充實，深銘心腦常頓振。（1．欲 2．進 3．念 4．慧）  
（頓伏頓持策頓進）
- 十八．不怕根鈍只怕等！盡力上進鈍轉利。
- 十九．沈耐不足發不透，不肯大受畏四難。（1．畏難行 2．畏難忍 3．畏難久  
4．畏難廣）
- 二十．整投事理求徹明，不沮不餒永不屈。  
（以理融事，著事味理。）
- 二十一．常以真實積力久，惡誑心淨成德大。  
（氣振堅忍忘卻我，腰臂挺竦禁練磨。）
- 二十二．菩薩因地常見佛，一切都以真奠基。
- 二十三．觀幻無著無能困，行真無遺無不足；真得常請三作證，監控三業悉契正。  
（三寶作證三頭現，的切懇淳汰虛誑。）

十二月二十三日

- 二十四．以德導福不顛覆，以智警識辨淨染。
- 二十五．福不求備意澹寧，智能察（治）患身健卓。
- 一．爲己而作還累己，爲眾而集永益眾。（執我爲實興爭本，感眾展懷造和因。）  
（見新提真語味足，透底揭精義脈明。）
- 二．空談頓漸不準備，說食數寶濟何事。
- 三．三個怎樣深深思，了解自己勿自欺。（佛示特重先明己，明己知次致力踐。）
- 四．謬執頓入即成佛，狂倖交加墮魔邪。
- 五．意志沈斂默耕耘，願德發達挺承耐。（沈照斂決細警治，猛策今生大轉進。）
- 六．既知缺重偏求易，自陷矛盾自騙哄。
- 七．遠離三事親善知，三不轉爲集成堅。  
（三事： 1．成見 2．懷疑 3．邪執。 三不： 1．不蒙 2．不僞 3．不撓）

八．努力振志汰劣腐，高瞻苦學日銳進。（以決治劣痛斥腐，身心健靈氣貌新。）

（知無不輕己，知鈍不肯頓，知短不蓋掩。）

九．只耕不穫耕愈勤，深耕深植根深固。

十．平毅正常進不懈，四處一致警練驗：

（1．群處健 2．獨處慎 3．動時正 4．靜時明）

十一．深明其心遍見法，廣行萬善徹捨著。

十二月二十五日

十二．修是攝取行施捨，徹捨真進意無盡。（修重出離學不圓，久學徹覺行願足。）

十三．正遍覺知無不徹，無邊性相昭昭現。（八正趣道超偏邪，六度練行達無上。）

十四．等覺無遺妙覺圓，無不能攝無能屈。

（因地三平等覺基，果地一相興大用。）（三平：1．色 2．心 3．法性）

（見不能動盡破邪，情不能染展大願。）

十五．身等諸見數行惑，必先斷除此理障。（有情久爲身城困，身等見重遮淨智。）

十六．情習餘氣甚深細，必經久治分分除。

十七．戲論相現空未徹，於法有障未遍知。

十八．惱障雖除積習在，對境習現似惱起。

十九．不染無知不障證，惟於法相不遍知。

二十．煩惱生處及依住，細微無明障遍知。

二十一．無相進增寂不現，習融空徹無纖遺。

二十二．纖微盡絕慧更澄，遍達一切圓成佛。

二十三．最細二障盡治徹，最淨法界了無遮。

十二月三十日

二十四．最後一念妙慧應，二覺明徹三德具。

（力德用大堪破立，世無可比故稱妙。）

（智能克貪恩化瞋，空能離見畢斷癡。）

二十五．深學解有絕不戀，廣修印空永無極。

（學必達理治惑倒，修能積智創淨緣。）

二十六．徹悟實相徹了幻，畢竟獲得大圓成。

（不被蓋掩不遁了，必自提照必效發。）

二十七．佛證諸法平實性，離絕戲論具淨德。

一．諸佛法身五爲本，圓證法界佛法依。（戒整定澄慧深徹，二解無礙勝二乘。）

二．二障攝歸煩惱藏，盡破此藏明無上。（我從念頭倏湧現，猛迅勇決即制轉。）

三．修深永恆離諸障，相絕執盡故最寂。（智念覺持不間忽，明明直直淨落落。）

（滅不取著非斷滅，無上寂滅大涅槃。）

四．因淨果圓三德等，佛佛道同無有異。

十二月三十一日

- 五．以無相慧觀一切，諸法平等無高下。（雲幻波譎電閃逝，悟此無著遺惱患。）
- 六．空慧菩提無分別，能所寂融名法身。
- 七．智徹德圓無可喻，初中後善盡妙湛。（盡透底源整掘揭，了無隱遺悉呈現。）
- 八．無功用行極圓成，故能自然利益眾。
- 九．圓證法性德願具，從德流身起大用。（行德無悔願度怨，德空身圓遍應化。）
- 十．因地遍植諸淨業，果地獲得無上報。
- 十一．因足果圓不虛妄，功不唐捐理必然。（因不自爲果不佔，永絕私圖達畢圓。）
- 十二．盡離一切諸雜染，白法所成妙莊嚴。（徹圓三學三業新，真善美明離暗褪。）
- 十三．正法成身名法身，無邊德依法自在。
- 十四．大士深見佛德嚴，得大受用四充足。  
（1．法義 2．法力 3．法光 4．法興）

- 十五．徹證法性遍清淨，智周法界無際廣。（思能攝法念化法，久學久行久成用。）
- 十六．奉獻無遺三輪空，佛後普賢願無窮。
- 十七．蓄深流等沒偏遺，一時普應無障隔。（如大水庫通淡湖，供應量豐消渴灼。）
- 十八．有能大捨空能積，佛德喻如虛空藏。（捨有不佔解鬥苦，解空能豁增和善。）

一九九七年 一月三日

- （直絕欲私解己困，圓徹公願拔眾難。）
- 十九．因中所念十法界，果中所現亦如是。（上瞻圓淨聖法界，下拯缺染凡法界。）
- 二十．佛所具德說難盡，皆以淨嚴爲根本。（法門無量義妙廣，一言總攝惟清淨。）  
（佛具三輪等自在，特重教誡名正（教）輪。）
- 二十一．初發即受十善戒，善具饒益無量眾。  
（十善後三善之根，警敬照治久奠固。）  
（投入投出廣集散，無厭無極多勝攝。）
- 二十二．盡攝佛德無所遺，普應眾機無所缺。
- 二十三．遍遊遍親遍聞持，廣學久察深印決。  
（三遍三伏三門通，不墮三界遍導三。）
- 二十四．宿興弘願超恒沙，種種顯示眾欣慕。  
（修能汰舊直上進，行必趣新深入脫。）
- 二十五．二乘初心觀諦緣，少欲知足意澹寧。  
（佛法之本諦與緣，於此體肯知行正！）
- 二十六．諦示現實控貪圖，緣闡久遠脫痴著。  
（觀諦不著能覺明，觀緣遍破一切執。）
- 二十七．悟後遊化隨緣度，惑破情絕入涅槃。
- 二十八．無常無貪警凡外，給世啓導示世實。

一月二十日

二乘初心觀諦緣，無常無貪警凡外。

觀諦不著能覺明，觀緣遍破一切執。

修不著舊直上進，行能悟新深入了。

一．六道龐雜不離苦，顯示諸苦令脫苦。（善用六根二六正，不隨不倒不流迴。）

二．因果十界皆現前，導凡作聖爲宗趣。（報身喻如大圓鏡，一切境相顯豁露。）

三．三世因果無量劫，長時大空解無遺。（因緣不昧因果正，因淨果圓知行勝。）

四．藉神通力遊十方，遍參諸佛增二德：（我化法融通自成，妄求神通鬼通惱。）

五．大智化我大慈涵，智徹慈滿必瞻效。（大悲如水潤智種，悲水遍潤種智圓。）

六．久察依報久見正，三多二事常注念。

（三多——多見佛、多聞正法、多親近善知識。 二事——正報、依報。）

七．念劫微方難言喻，無分別中悉了知。

八．無始無量無盡智，突破局限現無礙。

九．因不遺一果圓顯，因果悉蘊於智身。

十．法性廣大無不遍，故無一法不在流。

十一．正報既是遍盡等，是故依報展無礙。

十二．佛身圓通一現多，多極無量不離一。（如大建築一門通，如海一滴知海味。）

十三．一界遍通十法界，十法界歸一法界。

十四．綱提網絡盡張現，一一網絡不離綱。（不躁不悶不無奈，能容能化能有爲。）

一月二十二日

十五．法性流身遍一切，一切不離法流身。

十六．淨圓法身萬德應，因德真實果德充。（因中三施遍無遺，果中三德無匱缺。）

十七．徹證法性顯圓德，此德攝歸法流身。（法印印定不盤迴，法空空絕直契應。）

十八．果德深廣頗難量，總說百四略四十。（時從無始空無邊，積聚賅盡無底極。）

十九．具大勝能威德重，能伏魔外邪正決。

（魔：誘惑、威脅、阻進（愛行） 外：妄執、偏激、鬥諍（見行））

以健治愛不縱情，以明伏見捨自論。（廣興大用非全能，眾生障重如盲者。）

二十．振脫劣賴斷惑習，詮踐正法導攝眾。（自依自當自奮迅，法行法離法圓覺。）

二十一．力從久學深修得，力足德圓能降伏。

一月二十四日

學：難解難知盡解知、如知諸藥治萬病。

（內外因緣諸果報，了了遍知名爲力。）

（明因不著能分果，悟緣了荷耐振膽。）

二十二．外道謗佛幻術力，佛說十力能度眾。

二十三．菩薩畏難欲懈怠，佛說十力報無量。

(深觀空智不可得，不捨不取學大成。)

二十四．諸佛智德極廣大，無礙無量無能壞。

(智鋒刺透諸見網，智光徹照大情窟。)(甚深功德智慧海)

二十五．智圓遍見諸實相，智大力足略說十。

(實相中正泯相對，深寂普平障盡融。)

二十六．遍知因果決定相，二處擇別極分明。(1.是處 2.不是處)

(斷食死無疑，食者未定死。)

二十七．三作(善、惡及無記)日夜生罪福，業熟感報不可避；(惡業未熟皆可轉。)

行惡生好行善墮，俗起疑悔應辨解。

一月二十七日

一．知禪助道名相義，次第熏修向無漏；(習禪不味知非竟，藉之止妄修觀照。)

二．八解能治諸欲染；三昧攝心不散亂；

八解脫：1.內有色想觀外色解脫 2.內無色想觀外色解脫 3.淨解脫身作証具足住 4.空無邊處解脫 5.識無邊處解脫 6.無所有處解脫 7.非想非非想處解脫 8.滅受想定身作証具足住。

八色：1.白色 2.紅色 3.黑色 4.煙色 5.赤色 6.青色 7.黃色

8.赤白色

八解脫——八背捨

「背」捨為初門，勝處為中行，一切處為成就也；三種觀足即是禪觀體成就。

三．分別時處能否入；亦知依禪得四果。

四．眾生根有利鈍中，知根所得無毫差，

五．略廣中說及三語，洞照利鈍遮無遮，(略說廣說略廣說，軟語苦語軟苦語。)

六．先因今緣二力大，縛解種種亦遍知。(正聞久熏善因足，誠持淨勤智緣明。)

七．勝解眾生種種欲，知己隨欲而施治。(信喜好樂名為欲，眾生喜好各不同。)

(觀欲說智智轉欲，離欲惡成善法智。善隨心說船順流，惡以苦說楔出楔。)

一月二十九日

八．界即性義性各別，性名積習相從生。(從外欲熏成內性，心深名性欲隨緣。)

九．有情性相多無盡，一一悉知無有遺。(滅智分別諸有情，如觀掌果一目瞭。)

十．漏業行五判能至，三聖道及無漏思；(以業斷業能有至；特重善業轉惡業。)

十一．一切善惡及聖道，佛各各知所至處。

(諸定皆匯至四禪，善、定、不亂、攝心四。)

十二．宿住有三：通、明、力，凡通聖明佛具三。

(通知所經明見本，二知無量宿為力。)

十三．三類天眼差距大，凡小二局佛無量。

十四．漏盡之名雖相通，以智分別大有異；佛以智力斷眾惑，其智不鈍亦不減；如熟



鐵丸著綿上，雖燒此綿熱不減，佛不隨師自然悟，聲聞隨教道行得。

一月三十一日

補種種勝解智力：「爾所結使生，爾所結使未生，1・隨所著生欲，2・隨欲染心  
3・隨染心趣向，4・隨向貴重，5・隨貴重常覺觀，6・隨覺觀爲戲論，7・隨戲論常念，  
8・隨念發行，9・隨發行作業，10・隨作業受果報。」

十五．聲聞但知自漏盡，佛知自盡亦盡他。（疾證寡學智力缺，遍學圓證能盡他。）

十六．十力之本無礙解，以無礙故非二及。

（智力圓具遍健淨，除佛佛等更無上。）

（健則不屈伏邪狂，淨則脫私感一切。）

十七．外道言佛智慧沒，佛爲止謗說十力。

十八．力能增智善說法，摧伏不順得自在。

十九．十方備具三任運，盡離諸畏攝爲四：（遍覺故無微畏相，住聖主處轉梵輪。）

（凡愚眾生繫業輪，佛轉梵輪摧業輪。）

二月三日

二十．1．佛作誠言我智人，智悉圓淨法顯現，

二十一．八眾毀言法不知，安詳巍巍勝須彌。

（瑜伽三卷十六頁云：眾會事者所謂八眾：一．刹帝利眾 二．婆羅門眾  
三．長者眾 四．沙門眾 五．四天王眾 六．三十三天眾 七．欲魔天  
眾 八．梵天眾）

二十二．知徹行圓証窮極，詳明安穩無可喻。

2．佛作誠言我漏盡，漏及習盡無纖遺。

3．佛作誠言說障道，貪等定墮極苦處，八眾毀言不障道，決無是處現通證。

4．佛作誠言聖道出，隨道確能盡諸苦。

（中正超絕不昧偏，象子隨象脫險難。）

二十三．八眾毀言二不出，邪見深厚劇可憐。

（1．不能出世 2．不能盡苦）（無因有因盡邪見。）

〔八眾毀言不障道，決無是處現通證〕

二十四．說四無畏爲遮謗，所說諦真契理則。

一．初二無畏爲自德，後二具足益眾生。

二．一三四智二說斷，智斷圓滿所爲當。（外失供養興諸謗，佛說實德四無畏。）

三．力畏皆智亦有異，廣說十力略說四。

二月五日

四．力能有作能二集（1．集諸善法 2．集諸智慧），畏無疑癡無能壞。

- (作名立義極究竟，令破令覺令涅槃。)  
 (智慧猛健故名力，堪受問難是無畏。)
- 五．良醫知藥是名力，合藥與人名無畏。(無能沮壞是名力，不難不退是無畏。)  
 六．自成己善是名力，能成他善是無畏。(內破自我大威脅，外攝眾生諸德充。)  
 七．具得二智是名力，二智顯現是無畏。(一切智證畢竟空，一切種照悉通達。)  
 八．遍達法性是名力，難問即答是無畏。(菩提圓覺法等知，故諸難問能伏解。)  
 九．廣破魔眾是名力，遍伏外道是無畏。(僧俗大驚未徹治，無一不墮魔外窟！)  
 (福足慧滿能破魔，見正行淨離諸著。)
- 十．無畏特徵無所疑，無所忌難智不卻。(事相紛複理深微，二智應察能決了。)  
 十一．不沒不豎(衣毛)諸法中，如說即作是無畏。(真淨表現久一致。)  
 十二．釋尊師吼化四眾，能攝能捨三語教。(能伏外道大論師，彌顯釋尊真無畏。)

二月十日

- 十三．世出世智皆圓足，能立能破故無畏。(佛語名為師子吼，依十力故不縮畏。)  
 十四．前十八法二有分，此中十八佛獨具。(舍利弗一語演暢，佛讚其善通法性。)  
 (悟法性淨觀法相，如大晴空顯萬象。)
- 十五．無量劫來持淨戒，常行深禪得妙慧，(輕重等持克己嚴，戒淨定滿智達微。)  
 深禪(三昧中極故稱王，定之總匯緣無量。)(三昧王三昧——首楞嚴定)  
 (1．健相 2．健行 3．一切事竟)
- 十六．善修大悲意柔明，是故身口無有失。(貴賤等愍無高下，視人如佛佛心待。)  
 (大聲等食為佛呵，是故二人致微過。)
- 十七．四念處心長劫修，住深定中心不亂。(深察四念解三印，遍察勝解成定聚。)  
 (1．正定聚 2．不定聚 3．邪定聚)
- 十八．善斷二愛無所著，住安穩中無有失。  
 (欲愛障事為境困，法愛障理起味著。)

二月十七日

- (養生與健身要訣：節食量食者少病，多食嗜食者短命！)  
 (宿通明力莊嚴故，念根力足無邊盡。)
- 十九．於一切眾無貴賤，如日普照於萬物。(除糞尼陀化得果，德護毒飯滅邪見。)  
 二十．大悲光明愍度眾，敬與不敬一切等。  
 二十一．舍利彌勒順不愛，提婆富那邪不憎。  
 (生時天熱驚惡墮，空撥一切無所有。)
- 二十二．久遠德熏眾中寶，譬如真金不變異。  
 (德之定義無所得，無得故得大菩提。)  
 (種種珍奇悉供捨，捨盡供足妙寶具。)  
 (佛觀眾生如己身，所作已辦泯三無。)
- 二十三．定名一心不味亂，心澄得見諸實事。

- 二十四．波平見面密燈照，佛四儀中動靜一。  
（四威儀中常察治，惡止善行拗無記。）
- 二十五．定名常攝善法住，與諸實相相應契。

二月十九日

（柔能化瞋慈融諒，深化大融內外通（洽）。）  
（瞋之前相煩與躁，熾智損德惱自他。）欲定無諍願智等，能顯妙德殊難思。  
（以願爲先引妙智，如願而了名願智。）  
（大空大有大清淨，超二超後故稱妙。）  
（德從無少無失成，總回福善入佛海。）

- 二十六．羅漢除諦處處疑，佛斷諸疑慧常定。  
（1．性念處 2．共念處 3．緣念處）
- 二十七．聲聞有習退法亂，諸佛智滿故不亂。  
（十八不共甚深藏，除佛無能思議者。）

- 一．如瓶水滿無聲動，惟佛一人不行誑。（從初發心嚴切誠，直行真實到菩提。）  
二．堅牢人中最第一，苦樂安危心不異。（力具德圓勝義應，淨心如空莫能壞。）  
三．一異相等泯諸執，佛住實相故常一。

二月二十一日

（一相無相超異對，示入無相且稱一。）  
（如色即空空即色，不著一異蕩執盡。）  
（凡外執二鬧對峙，相諍相爭致苦因。）  
【1．慧光徹照精（不雜）細（不遺）極，盡絕味冥故悉知（見）。  
2．心堅（不捨）心重（不滑）心總（持）匯（融），通通豁豁內外明。  
3．不常不深照攝（自）心，盡沈妄想（作祟）雜念（作梗）中。】

- 四．一般眾生三種受：苦、樂、不苦不樂受。  
五．苦受生瞋樂生愛，不苦不樂生愚癡。  
六．鈍根多覺苦、樂受，不苦不樂不知捨，  
（苦樂無常瞬息異，俗常心行亟應注（精察驚拗）。）  
七．故爲愚痴所暗使；佛於不苦不樂受，  
八．盡能知生、住、滅時，故言無不知已捨。

二月二十四日

- 九．捨有二不與七覺，及四無量合稱三。（定慧等覺重自利，緣無量苦利他先。）  
（久緣苦眾象現心，拯苦念行自動發。）
- 十．餘人二不久乃覺，佛念念中皆了知。

- 十一．七覺中捨心正等，不沒不掉時應捨。  
 （七覺支：1．擇法 2．精進 3．喜 4．念 5．輕安 6．定 7．捨）
- 十二．若沒行進掉行捨，二或錯攝未平捨。
- 十三．佛念念中粗細等，無不悉知己即捨。（盡捨不著入實相，動靜語默皆任運。）
- 十四．佛或捨眾入深禪，知種種緣故暫捨。  
 （1．警眾賴性 2．知眾嫌厭 3．避外道謗。）
- 十五．或問何等捨因緣，化眾身疲故小息。
- 十六．佛世世愛遠離行，入深禪定住捨心。
- 十七．厭惡世間供養多，禪中作化往度眾。（利養過豐致貪縱，惜福捨福成功德。）  
 【應學即學勤重學，萬勿待怠仍俗態，善用時空致悲智，智度悲涵解二困（自他）。】

二月二十六日

- 十八．察眾定多慧少者，身示行禪以教之。（樂定獨善矜慧狂，行禪示之等重二。）
- 十九．現二攝眾禪與慧，說現智慧靜行禪。（定化粗率三安詳，慧詮諦實四明微。）
- 二十．如是種種因緣故，入禪非不知己捨。（外與二聖味及了，釋尊入禪用無邊。）  
 （佛法勝妙無可比，世出世間光匯源。）  
 （學此敬此命獻此，善欲攝涵海無厭。）
- 二十一．佛知善法恩深重，故常集善欲無減。  
 （具足諸善成圓覺，故入果地心自在。）
- 二十二．無量德海盡邊底，善欲旺充無厭足。
- 二十三．智燒惑盡照諸法，智悲相應欲不盡。
- 二十四．集諸善法功德滿，眾未度盡欲不息。  
 （道向寂滅善不逸，道隨身心善增滿。）
- 二十五．欲中說欲義即進，欲初欲增即精進。  
 （久習忍健成大進，深觀大行進銜貫。）
- 二十六．欲爲欲得進成事，欲屬意業進屬三。  
 （得能持法依法行，行切力足解掛絡。）
- 二十七．佛於病中間精進，驚歎精進成菩提。
- 二十八．捨深禪樂度眾生，臨滅說倦末後度。  
 （捨定樂住悲智樂，故忘倦極力說度。）

二月二十八日

- （被金錢遮矇著眼睛的人，顛倒苦惱得永遠沒有前途；用智光照透了心地的人，平正安穩得觸處現勝境。）
- （如是大悲徹骨髓，沈心振氣誠思效。）
- （思——1．考慮 2．計劃 3．決定 4．表現行動）
- 一．三世諸法盡遍知，一切智應念無減。

- (念念能別念念明，念念明空超畏礙。)  
 (有爲、無爲、不可說，攝一切法盡無遺。)
- 二．念無減惟佛獨具，一一念中別三相。  
 (五根七覺念居中，提心注念念入微。)
- 三．佛宿智力積備足，二乘尙無況餘人。  
 (厭重證急心量小，智不盡習慈不廣。)  
 (覆罪妄念人，無智而愚痴，我終不令此，妄來近我住。)  
 (斷劣斷狂學重証，學淨行勝超二乘。)
- 四．力畏無礙無障通，種智圓照光燦熾。
- 五．初發心時無不捨，無苦不受爲求智。  
 (深見世情流墮因，以智轉情覺濟資。)  
 (身及器物無當意，求法氣勢昂無上。)
- 六．諸佛善處遍隨學，修習問難正智增。  
 (修能紮實不虛度，習必執善起效應。)
- 七．是智圓証不二相，無量邊故慧無減。  
 (有量有邊釀諍墮，深修二無慧圓充。)

三月三日

- (惟智不共世一切，不耐苦求難擇二(量與邊)。)
- 八．解脫有二爲無爲，有解慧應無解盡。  
 (勤學道滅斷苦集，世出世相取捨決。)
- 九．聲聞解脫力有限，佛漏悉盡力無減。  
 (如火焚薪炭猶在，劫火盡焚靡孑遺。)
- 十．佛於諸種解脫中，智徹無上無邊淨。  
 (二解如囚初脫枷，諸佛徹解極自然。)
- 十一．惟六無減有四義：欲爲求諸善之本。  
 (愛重諸善性喜樂，性向性希性欣求。)
- 十二．精進能行念能護，如守門者善聽入，惡者拒之不聽入。  
 (精擇定決進無疑，韌破扼阻不遲徊。)
- 十三．念如搓繩之二線，善搓惡搓解縛因，慧照諸法無不了。  
 念頭細治雙四惑，淨慧方堪了諸法。
- 十四．斷一切惑無有餘：四法事成名無減。

三月五日

- 1．淨念相續啓悟性，悟性日增染念伏。  
 淨念染念知明擇，驚喜此爲升墮因。
- 2．欲力掀湧向上求，求之渴極急勤進。
- 3．精辨不雜脫牽絆，直進不滯透味茫。

4. 警斷昧茫慧漸增，久增慧足成淨眼。  
 5. 眼淨勘定業惑患，解排心困得無畏。  
 (深、細、猛心勤善用，配應四法心趣明。)

- 十五. 概說解脫有無爲，此二知諸解脫相：  
 (勝解事理應理，持理導事直趣解。)  
 十六. 時解脫不時解脫，慧解脫與俱解脫。  
 (時解根鈍不時利，重慧少定二等修。)  
 十七. 壞不壞解八解脫，不思議及無礙脫。  
 (壞非破壞乃暫失，不犯不墮現還証。)  
 十八. 分別解脫固不固，故名解脫知無滅。  
 十九. 誦別籌量是名知，自身得證是名見。  
 (擇定事理離謬邪，實智相應悉洞明。)

三月七日

- 二十. 諸佛三業悉先知，知後隨順智慧行。  
 (三業先知慧襯導，知後仍隨智慧行。)  
 二十一. 隨知所起一切行，無不普利諸眾生。  
 (智能導行萬德本，故佛所行能普利。)  
 (甚深智名功德海，十八不共皆屬智。)  
 二十二. 出入息皆能利眾，何況三業故起作。  
 (因中動靜生佛注，果中故能四饒益。)  
 二十三. 聲聞辟支無是事，心故作善後三善。  
 (急驟求脫力德缺，故其益用不廣及。)  
 二十四. 意業或時墮無記，不隨慧生況餘人。(有覆無記，無覆無記。)  
 (學智偏狹不通貫，觀力或間落無記。)  
 二十五. 質外無答汗淹地，佛解衣示了無汗。  
 二十六. 因是外道皆入佛，顯示身業隨慧行。  
 二十七. 外十四難佛置答，以其妄執常滅故。  
 二十八. 涅槃印名諸實相，佛口先知後隨慧。  
 一. 盡捨諸外三種見，遠離鬥諍謗惱歇。  
 (1. 一切有見 2. 一切無見 3. 半有半無)  
 二. 三害深重佛開示，故意先知後隨慧。  
 三. 初今皆說三何別？初三無失未說因，今說慧隨故無失，知其當然所以然。  
 【佛法最極超特處：從身心出歸身心。】

三月十日

- 四. 悲如子繫令離苦，給其所好俾得樂。(不愍六道眾生苦，不發三世諸佛悲。)

(深愍切發呼震念，菩薩從此張心眼。)

- 五．四無量小、不共大，佛心中大餘心小。
- 六．云何菩薩行大悲，於佛為小於二大。
- 七．小慈心念無實事，小悲觀苦憐不脫。
- 八．大慈令樂亦與樂，大悲深愍亦令脫。(一發大誓練三現：體、兌、充實增無減。)
- 九．大慈從大人心生，力等不共大法出。(勝多具備喻空藏，取用無竭超增減。)
- 十．能破三惡道大苦，能與三種大安樂(1. 增上 2. 解脫 3. 究竟)。
- 十一．恩遍十方至昆虫，慈徹骨髓心不捨。(悲從細護漸擴大，佛足離地慈遍顧。)
- 十二．佛德皆大因何故，獨稱慈悲為最大？
- 十三．慈是佛道之根本，因中見眾受諸苦，
- 十四．深發二大投生死，絕不厭沒不取證。(二乘智發菩兼運，普恤眾苦特重悲。)

三月十二日

- 十五．惡作覆藏遍徹斷，由三不護顯示之。(戒淨定健慧圓明，大菩大涅槃自然。)
- 十六．羅漢由妄或現行，片有無記鄙惡作。
- 十七．佛身所行妙善淨，以諸勝力常說法。(法身淨離心意識，淨故不須護三業。)  
(法力無比殊勝極，嚴慈別施知劣利。)
- 十八．折伏攝受一切眾，悉皆歸命傾心服。
- 十九．大師御眾隨所欲，教授教誡具方便。
- 二十．若定若慧悉圓正，心無懼屈故眾調。
- 二十一．清淨身業淨因足，離斷生命及二離。
- 二十二．有學無學淨現行，善及二非皆淨現。
- 二十三．清淨語業淨因足，離虛離間離粗穢。
- 二十四．有學無學淨現行，善及二非皆淨現。
- 二十五．清淨意業淨因足，無貪無瞋及正見。
- 二十六．有學無學淨現行，善及二非皆淨現。
- 二十七．諸佛三業無上比，人天共相稱世尊。  
(學法警治暗釀造，生熟明決生漸熟。)  
極細而明堅而正，學、明、用法自此始，身踐(歷)語切(見)心持(憶)  
淨，聞熏學行明暗注(照)。

三月三十一日

- 一．因地最重於二事(學、度)，以故果證遍法界。
- 二．薄伽簡譯為世尊，義兼德、別、名、能破。
- 三．光能通透明能導，器根緣具無不攝。
- 四．世間善根不究竟，出世善根淨勝圓。
- 五．淨識即是圓滿智，無障遍察於一切。
- 六．真如為依恒居中，為大法王悉調順。

- 七．普爲眾樂因緣大，圓證菩提大士集。
- 八．無上法味妙喜樂，長養法身力無窮。（殊勝德匯義利足，智圓光淨三通豁。）
- 九．文義示佛法智明，利令竟樂獲大益。
- 十．大法（遍證）大念（盡攝）大慧（普照）行（徹達）：四大爲路極安謐。
- 十一．大止寂滅了無著，妙觀遍照悉無遺。
- 十二．空無所繫相不定，無願無得大解脫。
- 十三．無量德成華藏界，若依若持盡圓滿。
- 十四．十八有二顯智果，即智即果理事圓。

三月十四日

- 一．自受用顯因圓成，他受用顯果德足。
- 二．盡捨大受內足實，供應無盡他受用。  
（自家現有眾久給，此念成熟二寬展。）
- 三．因中智徹悟理微，果中德具應機妙。  
（透底透微見愛絕，覺圓智妙適眾求。）
- 四．覺我不著覺法空，二覺徹遍二利足。

三月十七日

- （如刀鋒快自不割，能切能析見實相。）
- 五．佛以覺証爲宗本，覺之奠基重破我。
- 六．所知不正情見因，謬論紛亂如兒戲。  
（執心爲常執我二，昇沈趣海二焚溺。）
- 七．諸法本空本無性，強名空性爲自性。
- 八．平則遍入無所遺，實則徹悟絕諸障。  
（等心等學等証度，遍察遍治遍攝達。）
- 九．智慧清淨無染著，不惑不動故不失。  
（深深化融直直通，不去不異二不住。）（不住生死，不住涅槃。）
- 十．實相智慧永如是，超越時空超生滅。
- 十一．如虛空無變異相，一切諸法亦無變。
- 十二．說一切法住如中，是如亦無有所住。（於真如中畢絕二，二絕一泯了無著。）
- 十三．因行不著人與法，果證如智泯對立。（神操威權二變相，世諸禍源起於此。）
- 十四．顯示證德說一乘，泯絕妄執不著一。（佛證法界演等流，眾生正熏亦同證。）

三月十九日

- 十五．二執盡消智通具，三類化身隨機說。
- 十六．離諸戲論大寂滅，入法界性故不動。（種種言思都透脫，遍達法界盡顯現。）
- 十七．蕩絕一切諸見執，佛法猶融況二邊。（破我更破善法愛，空空了了上上出。）



- 十八．因地徹骨度凡俗，果地願圓度更遍。（念頭念念現眾苦，心底時時湧大悲。）
- 十九．智泯慈涵絕愛見，二極（平、和）超越渾無緣。
- 二十．瀕危疾呼諸稚子，等賜大車出火宅。
- 二十一．久積智慧具莊嚴，故見處處圓淨土。（大慧遍捨亦遍攝，以慧練悲悲契慧。）
- 二十二．「甚深智名大德海，十八不共皆屬智」。
- 二十三．如大畫師藝詣化，筆溢神韻引入勝。
- 二十四．笑語先迎嘴臉寬，菩薩器量化代溝。（慈摯如春氣溫溢，百花綻笑眾欣暢。）

### 三月二十一日

- 二十五．智足能折祛輕厭，德備能攝感召大。
- 二十六．眾機殊異如恒沙，隨機所宜法門多。（不盤機心超諸見，空淨智鑑察群機。）
- 二十七．廣集福慧行二忍，練願淬行不誑負。（不發脾氣不損福，能學佛法能增慧。）
- 二十八．修是增上無己時，行是展佈不厭沈。（智思日進莫可限，智深慈切度凡小。）
- 一．小身能辦大事業，莫將此生等閒度。
- 二．無上涅槃佛道本，大般妙德無極窮。（盡遣諸見超邪外，圓顯大用佛不共。）
- 三．實相莫破法常住，不變無有能作者。
- 四．一乘之一泯分別，一相無相超諸相。
- 五．時空二寶惟人具，善用此寶成三寶。
- 六．五種大寶力德具，內具外施用無窮。

### 三月二十四日

「正直捨方便，但說無上道。」

- 七．昧假執實陷鈍劣，頓警頓提猛練利。
- 八．染雜耗損沈陰霾，整淨提增顯智光。
- 九．實踐人倫淨人性，人性久淨通佛性。  
（佛非天生緣學成，人學成佛亟勤二（加被、加持）。）
- 十．譬如沼溪及百川，一切匯歸入大海。
- 十一．知己勵己勤作善，心察注善口革進。（調柔敬順攝福慧，福水慧光滌照淨。）
- 十二．善淳與法恒相應，人性中顯菩薩德。（行真踐軌契準則，久契久踐力德充。）
- 十三．緣能遣性破自我，空能遣著二無礙。
- 十四．作善不及斷非善，善行成性善成樂。（奮勉端挺剿圖私，私絕惡遣快荷善。）
- 十五．卓見透脫執性實，直說善法即佛法。（純純正正直向上，如高速道穩巧駛。）

### 三月二十六日

- 十六．惑業相續受後報，無漏純善不受報。（報有染報與淨報，圓成德充顯淨報。）
- 十七．菩薩行淨證圓果，是故法身具諸德。（了無染戀絕了絕，絕對了卻絕對圓。）  
（空無誹謗大驚怖，空悟明察立一切。）

- 十八．蕩絕情見超四句，點示大用功不捐。（透脫四句成四智，智慈純圓三自在。）
- 十九．最初一念入胎識，生善向上向光明。
- 二十．眾生志性兼愚智，善用智觀離痴縛。（察己根鈍不甘劣，勤求久學漸明解。）  
（愧涕驚躍苦轉練，智光智劍照刺斷。）
- 二十一．慚愧念慧無間修，善法貫徹永增上。  
（心力總匯不遷異，慧解導持浩蕩邁。）
- 二十二．集善圓善先須決：猛斷小惡警無記。  
（策己先作決定人，細察照治斷小無。）
- 二十三．攝善充實饒益廣，初後同歸於佛道。  
（心頭意底善念貫，久貫徹通善德圓。）

三月二十八日

- 二十四．四威儀中善作證，善根成力力感三。  
（事證理證誠重事，事證嚴明理證淨。）
- 二十五．從凡成佛之歷程，述示詳明無子遺。  
（先中後三梯次明，斥絕倖狂快妙等。）
- 二十六．講讀相策相珍惜，知行準則銘心憶（不惑、不屈）。
- 二十七．智理融應察究竟，化除內執破外障。
- 二十八．無我之理般若慧，世出世間文化根。  
（解文察理悟化見，見斷愛脫真文明。）

退休享福造廢人，未退先休雙料廢！  
進修儲慧振健氣，氣壯慧充荷整全。